


ՆԻԿ ԵՊՐՔ
1 9 3 0

891.99
Ա-77

891.99
Q-77

01 JAN 2009

19 NOV 2010



ՆԻԿ ԵՈՐՔ
1 9 3 0

ՏԻԿՆՈՉՍ, ԱՂԱԽՆԻԻՆ,
ՈՐ ԳԼԵԱԽՈՐ ՆԵՐՇՅՆ-
ՉՈՂՆ ԵՂԱՔ ԳՐՁԻՍ:

ԲՈՎԱՆԴԱԿՈՒԹԻՒՆ

ՎԵՐԻԿՆԵՐ

	Էջ
ՓԱԽԻ ՕՐԵՐՈՒՆ	9
ՀԱՅՈՒ ՀՈԳԻ	35
ԶՈՀԸ	53
ԲԱԴԴԱՁՈՒՐԿՆԵՐԸ	64
ԱՄՈՒԼ ԱՊԱՇԱԻ	78
ՔԱՐՔ ԱՍՏՈՒՆ ՎՐԵԺԸ	82

ԹԱՓԱՌՈՒՄՆԵՐ

ՑԻՇԱՏԱԿ	89
ԱՐՀԱՄԱՐՀԱՆՔ	92
ԲԱՑԱՎԱՆ	96
ԼՔՈՒՄ	99
ՎԵՐՉԱԼՈՅՄ	104

ԱՐՁԱԿ ԷՃԵՐ

ՄԵՂԱՌ...	109
ՏԱՐԻ ՄԸ ԴԵՊԻ ԵՑ	113
ԱԻԵՐԱԿՈՅՑ	118
ՀԱՅՐԵՆԻՔԻՆ ԵՐԱԶԸ	121
ԶԱՆԳԱԿՆԵՐ	129
ԳԵՂՕՆ Ի ՓԱՌՍ ՅԱՐՈՒՑԵԱԼ ՀԱՅԱՏԱՆԻ	132

ՎԵՊԻԿՆԵՐ

19 FEB 2012

2000

ՓԱԽԻ ՕՐԵՐՈՒՆ

(Վասպուրականի Նահանջին Առքիւ)

Անցեալ Օդոստոսի սկիզբներն էր. ժողովուրդին մէջ շրջան ընող չարագուշակ շշուկները կ'իրականանային տակաւ, ու շաբաթներ ամբողջ, թրքական բանակներու անհամար դրոհներուն կուրծք տուող ու է՛ն վերջը՝ զանոնք ահարեկելով փախուստի մատնող կտրիճ Վանեցիները առեղծուածի մը հանդէպ կը գտնէին ինքդինքնին ու ակամայ դաղթի ճամբան ձեռք կ'առնէին տարտամ, շուար ու անյոյս: Շատերը, ճարահատի իրենց վշտերէն վրդով, կրակի կուտային տարիներու քրտինքովը կաղնեցուցած իրենց չէնքերը փայփայելի, ու ճարճատող բոցերու շողիւնին առթած հրճուանքովը արբշիո՛ տեսակ մը գոհունակութիւն կ'ունենային իրենք իրենց, հաւատալով որ ձէվտէթը, արիւնարու այդ բորենին, պատսպարան չպիտի կընայ գտնել զետեղելու իր բանակները քաղքին հայկական կեղրոններուն մէջ. ի՛նչ արտակարգ մտմտուք, հէ՞ "apres moi le deluge" պիտի ըսէիք դուք թերեւս ու թոյլ տայիք որ իրերն ընթանային իրենց ուզածին պէս: Այլպէս չխորհիր սակայն յեղափոխականի դաղափարովը սնած ու մեծցած վասպուրականցին. անիկա չի թոյլատրեր որ իր վայլել չկրցածը վայլէ իր թշնամին : Ատիկա իր վարդապետութիւնն է, իր փիլիսոփայութիւնը, իր հաւատամքը: Ծաւալող այս հրդեհին տակ, ահագին չառաչումով, փուլ կուգային չէնքերը, ու ամայացած փողոցներու ու տիրող ընդհանուր լուութեանը մէջ տեսակ մը սարսափով կը համակուէր մեզ նման յամեցող հոգիներու բովանդակ էութիւնը: Դեռ այսօրուան պէս երակներուս մէջ կը զգամ այն սարսուռը, որ սոկոր-

— 9 —



1218-84

ներուս ծուծը կը թափանցէր մինչեւ, երբ կ'անցնէի երեմնի այն չեն պողոտաներէն, ուր այդ օրերուն՝ առուները կը գլուխյին միայն, եւ ուր ուռենիները սոսկ իրենց ստուերը կը խտացնէին, աւերակներու մէջէն ուրուականի ողիներ կը յառնէին կարծես մեր վզին փաթթուելու ու պուալու մեր երեսին նախատինքը այն անասելի շարժումին, որ այսպէս կուգար եղծելու մեր փառքը, Վասպուրականի փառքը, Հայութեան փառքը։ Դարաւոր ստրկութենէն յետոյ, հայ վարչական սիստէմի մը գոյութիւնը, անպայմանօրէն, արդար վարձքն էր պատմութեան այն փառաւոր էջին, զոր կերտեց Հայութիւնը Բղնունեաց լիմի եղերքին...։ Բաղդին անիւր դարձաւ սակայն ու սէտք եղաւ որ հրաշագործ այդ ժողովուրդը, իր երկրէն տարագիր, անդամ մը եւս խաչուի...։

* * *

Ակամայ մեկնող այս կարաւանին մէջն էր նաեւ Վ. 40-45 տարեկան բարեկեցիկ, չափահաս անձ մը, որ դժբաղդութիւնն ունեցած էր նահանջէն քանի մը շաբաթ առաջ, մէկզմէկու ետեւէ կորսնցնելու իր կինն ու երկու մանչ զաւակները, որոնց ամէնն ալ զոհ դացած էին տիրող տիֆուսին. մնացած էր միայն իր կրտսեր զաւակը, Վարսենիկ անունով հինգ տարեկան գեղեցիկ աղջիկ մը, որ լաւ ապագայ կը խոստանար։

Բեռի անասուն ունեցողները ժամ առաջ իրենց բեռները բեռցած՝ ճամբայ ելած էին արդէն. պէտք էր աճապարել. ուստական զօրքերը ետ կը քաշուէին տակաւ ու թրքական բանակը Ոստանէն կը յառաջանար քայլ առ քայլ։ Իրաւ է որ Քեռիի ու Համազասպի քաջարի գունդերը մեր քամակն էին դեռ, բայց նազար-պէտովի բանակը տեղի կուտար Արձէշէն, ու նահանջի գիծին պաշտպանութիւնը կը դժուարանար վայրկեան առ վայրկեան. ճար մը, ճարակ մը անհրաժեշտ էր ուրեմն. էշ մը, եղ մը, կով մը գէթ։ Ի զո՞ւր Վ. իր գը-

լուխը զարկաւ հոս ու հոն, ի զո՞ւր յօժարութիւն յայտնեց վճարելու եռապատիկ, քառապատիկ, տասնապատիկ արժէքներ բեռկան անասուններու. կեանքը, ըսպառնացող վտանգին աղդեցութեանը տակ, անուցածէր յանկարծ ու ամենէն աւելի դրամապաշտ հոդիներն անդամ անտարբեր էին շահաբեր այդ կոչերուն հանդէպ։

Օրը տարաժամեցաւ, գիշերուան զովին աւելի ըստուացաւ մեկնողներուն քանակը, ու այնպէս եկաւ Վ. ին թէ քաղաքը պարզուած պիտի ըլլոյ մինչեւ առաւօտ։ սարսուազգեցիկ խոհեր փոթորկեցին իր գանկը. եւ ինք, առանց այլեւս երկար բարակ կարգադրութիւններու մասին մտածելու, շալակը նետեց 8-10 օրուան բաւելու չափ պաշար, մէկ քանի ձեռք հագուստեղէն ու վերմակ մը, եւ Վարսենիկին ձեռքէն բոնած բաղմութեանը խառնուեցաւ տիրող մութին մէջ ու երկարող ճամբուն վրայ...։ Ո՛ւհ, ի՞նչքան ծանր կը կշռէր սակայն իր անվարժ ու փափուկ քամակին համար քանի մը լիտրնոց այդ բեռը. հակառակ տիրող դովին՝ մարմինը կը լողար քրտինքի մէջ. կողերը կը կոտորուէին կարծես ու իրեն այնպէս կուգար թէ ուժը խոյս կուտար ոտներէն։ Աղջկան ձեռքէն բոնելը աւելորդ յոդնութիւն մը նկատելով՝ թոյլ տուաւ որ առ եկա առանձինն յառաջանայ իր մօտէն։ Մէկզմէկ կոխկոտելով ընթացող բաղմութիւնը սակայն, այնքան շատ էր, որ մէկ քանի բոպէն անդամ մը պէտք կ'ըլլար իրեն փնտուուքի ենել եւ իր քով բերել աղջիկը. ճարահատ վերստին բոնեց անոր ձեռքէն եւ սկըսաւ յառաջանալ դանդաղացայլ. աղջկան ոտները ետ ետ կ'երթային սակայն եւ հայրն էր որ աւելի կը քաշկըստէր զայն։ Վայրկեանները կը սահէին արագ արագ ու ճամբան չէր կարծեր...։

Մօռ Առուին մօտերը նոր հասած էին դեռ, հազիւ երկու ժամուայ ճամբայ Այդեստանէն, երբ աղջիկը

ա'լ անկարող եղաւ քալելու . քունը լախտի մը պէս կը
 ծանրանար անոր կոսկերուն վրայ , ու անիկա զիրենք
 հետապնդող վտանդը այլեւս մոոցած՝ կ'ուզէր հանդ-
 չեցնել իր մարմինը եղերքը ճամբուն , ուր փոշին ամպի
 մը պէս կը բարձրանար եւ ուրկէ ընթացող անծայր կա-
 րաւանին լուտանքները՝ հսկայ ճիշերու վերածուած .
 կը ճեղքէին օդը . ծծկեր երեխաները , անօթութենէ տա-
 ռապած , կը ճչային շարունակ . ծնանելու մօտ յդի կի-
 ներ , շարքերէն ետ չմնալու համար , իրենց վազքը կ'ը-
 նէին անբնական . հիւանդութենէ նոր ապաքինած հոգի-
 ներ կազդոյրի իրենց անհրաժեշտութիւնը մոոցած ,
 տաժանքի ուղին կը ջանային կտրել . տիֆուսի , տիգին-
 քէուի ու տայէրիայի աղդեցութեան տակ տակաւին
 հեծող հիւանդներ՝ զառանցանքի իրենց նոպաներուն
 մէջ , անդիտակ անլուծելի , տիրող շարժումին , հոգե-
 վարքի իրենց վայրկեանները կը համրէին հանդստա-
 ւէտ պատսպարաններէ դուրս . գերեզմանին ծայրը մօ-
 տեցող ծերեր ու պառաններ , ինքինքնին կեանքէն յափ-
 րացած կեղծելով հանդերձ , կարելի ամէն ջանք դորձ
 կը գնէին մահէն հեռի խուսափելու . բազդի զրկանքին
 ևնթակայ խեղանդամներ , գաւազանի մը կամ գաւա-
 զաններու օժանդակութեամբը , կը ջանային դարմանել
 իրենց կորացած քամակներու եւ կամ պակասաւոր ու
 վատուժ սրունքներու թերին . ծննդական կիներ , քարի
 մը ետին , կամ ծերպի մը մէջ , իրենց երկունքը երկնե-
 լէ քանի մը ըոսպէ վերջ , թշնամիին սփոելիք մահուան
 անդոհէն հալածական՝ գերմարդկային ճիգեր կ'ընէին
 ժամ առաջ ողջունելու աղատութեան ափունքը . իրենց
 ծնողներէն ետ մնացող պղտիկ , մատղուկ էակներ՝
 ոտնամաննին ճեռքերնուն մէջ առած , բոպիկ ոտներով ,
 սրտակեղեք իրենց լացը կ'եղանակէին խելայեղ վազ-
 քով մը անօրինակ . կոյրեր , զիրենք վարող մարդահո-
 սանքէն քչուած , օգնութիւն կ'աղաղակէին իրենց ան-
 ծանօթ այդ ճամբաներուն մէջ . գաւառիկ կիներ ժողո-

վըրդական ողբերգներ կը հիւսէին աննախընթաց այս
 տաղնապին առթիւ , եւ կոռւելու յօժար ու ոազմէն գի-
 նով երխտասարդներ , ծանրացող այս տառապանքին ի
 տես , ընդվլումի խորհուրդներ կ'երկնէին այսօրինակ
 նախատինքի անընդունակ իրենց խոհուն գանկերուն
 մէջ : Թշուառներու կարաւը կը յառաջանար սակայն ու
 ճամբան կ'երկարէր , հա , կ'երկարէր

* * *

Նիրհն իր բարի բազուկներուն մէջ հազիւ երկու
 ժամ օրօրած էր չքնաղ աղջիկը , երբ Վ . արթնցուց
 զայն , եւ բեռը շալկած՝ կարաւանին խառնուեցաւ նո-
 րէն : Ոտնամանները ծանրօրէն կը ճնշէին աղջկան ոտ-
 ները ու անիկա դժուարաւ կը քաշէր զանոնք : Զօրը թե-
 լադրութեամբ անիկա ճգեց զանոնք ու սկսաւ գուլպա-
 յով յառաջանալ գերբուկ ճամբաներէ եւ սրածայր կա-
 ծաններու վրայէ : Ճամբուն տաժանքը բշտկեց անոր
 ոտները , քարերը արիւնոտեցին զանոնք ու աղջիկը ըս-
 կըսաւ կաղն ի կաղ քաշկոտուիլ հօրը քովն ի վեր , ար-
 ցունքուտ աչքերով ու նուռաղկոտ , մարմրուն նայուած-
 քով . խոնջէնքի սարսուռը շրջան ըրաւ անոր երակնե-
 րուն մէջ , ու տենդի մը դողը քալեց անոր քնքոյշ մարմ-
 նոյն բոլոր անդամներուն մէջէն անխտիր . ժամերու
 հանդիսաւը բաւական պիտի ըլլար կազդուրելու անոր
 յոզնատանչ կազմուածքը . դուցէ օրեր պէտք ըլլային
 ատոր . բայց թշնա՞մին , որ կը յառաջանար . . . ու ճամ-
 բա՞ն , որ չէր կարմնար , ա՞խ , չէր կարմնար . անծայր ,
 անվախման ճամբայ մը , ուրկէ դարերով քալած էր ու
 գեռ կը ստիպէին որ քալէր բազմաչարչար այս Հայու-
 թիւնը : Ետ դառնալու ատենը չէր այլեւս . պէտք էր յա-
 ռաջ շարժիլ որքան ալ մութ ըլլար այն ու անորոշ .
 ճակատագրին ճեռքը խաղալիք այս մահկանացուն ու-
 րիշ գեր մը չունի կատարելիք կարծես . ու յետոյ , չէ՞
 որ մինակ ինքը՝ Վ . ը չէր այդ համակերպողը . չէ՞ որ
 մանաւանդ ամբողջ ըրջանի մը ժողովուրդն էր իրեն

ընկեր. ի՞նչ փոյթ ուրեմն. իրաւ է որ շատերը կան իր-
մէ առաջ, բայց իր ետեւ գտնուողները նուազ ստուար
բանակ մը չեն կազմեր. աչքդ ներածին չափ նայէ ա-
ռաջ կամ ետեւ, տեսարանը նոյնն է. խառնիճաղանձ
բաղմութեան մը կարաւանը անծայր, անհատնում. ան-
վախճան սեւ դիծ մը, որ կ'երկարաձի ճամբուն հետ.
ընդհատում չունի ան, ո'չ ցերեկ եւ ոչ դիշեր. Արձէշի
ժողովուրդը կայ նախ, յետոյ ներկրիինը, յետոյ ձա-
նիկինը, վանինը, Հայոց Զորինը, Գաւաշինը, Մոկսի-
նը ու Շատախինը. կտրիճ, խրոխտ, հպարտ, լեռնա-
կան ու ռազմիկ Շատախինը մանաւանդ, որ, աւա՛ղ,
անհամար զոհեր կը թուէ իր մէջէն այս անդամ ჩերկ-
րիէն ձանիկ ընթացող ճամբուն երկայնքը: Անխուսա-
վելի այդ հարուածին տակ ինչո՞ւ խորհրդածել սա-
կայն, երբ տառապանքն հանրական է ու մահը մօտիկ
ամէնուն: Կարաւանը կանդ չառներ. թափառական
Հրեային պէս պէտք է քալէ անիկա. իր դատակնիքն է
այդ. սուրը, աւերածութիւնը, բոնաբարումն ու բար-
բարոսութիւնը կը հետապնդէն զինքը. լճակին անսահ-
ման, աղուոր կապոյտը Վոսփորեան թովք չունի այլ-
եւս. Վարադը չժպտիր ա՛լ, ու ծառաշատ այդիները,
անհիւրընկալ ափունքներու պէս, հեռու, դէպի անո-
րոշ սահմանները կը վատարեն զիրենք ինամող ու իրենց
վրայ այնքան գուրգուրացող ձեռներն օրհնաբեր.
հունձքը, մշակին գերանդիին սպասելէն ա՛լ յոդնած,
դետին կը կաթի անարգաւանդ. բանուորին քրտնաշան
երկունքներովը դիզուած որաներ, այժմ կրակի տըր-
ուած, կը մխան շարունակ մեկնողներու ճակատագրին
պէս. ու կեանքը, վարթամ, շէնչող, արգասարեր
կեանքը, անօրինակ թափով մը խոյս կուտայ յաւէտ
բաղձալի այդ հորիզոններէն. ընտանի անասուններ՝
պահ մը մեկնող կարաւանին կը նային ու ապշած կը
մնան անոնց իրենց հանդէպ ցուցուցած այժմու այնքան
ցուրտ վերաբերմունքէն. խեղճերը ի՞նչ դիտնան թէ

կենդանութիւնն է որ անոնց հետ միասին թեւ առեր
կը թոփ այդ վայրերէն...: Ինչքաննե՛ր կային այն ա-
տեն, Աստուած իմ, ինչքաննե՛ր, որ աւանդավէպին յո-
պոպ թոչունը պիտի ուղէին ըլլալ թեւ ու թոփչք հագ-
նելու ու սուրալու լեռներէն անդին. Վարսենիկին հար-
ցընէիք անդամ մը, որուն ուժն սպառած էր ա՛լ, ու ա-
րիւնաշաղախ ուները՝ վէրքերով պատուած: Հայրը
զգաց որ իր աղջիկը աւելի չէր կրնար քալել եւ անոր
հանդէպ տածած իր անհուն սէրէն մղուած՝ զայն ալ
իր բեռին հետ միասին քամակը առաւ եւ սկսաւ իյ-
նալով ելնելով յառաջանալ դանդաղաքայլ: Զորբորդ
օրուան իրիկունը Արձէշի կամուրջի մօտերն էր, երբ
իր ականջներովը լսեց՝ թնդանօթներու գոռումն ու եր-
կու կողմէրու համազարկները, եւ զգաց որ թշնամին
մօտ է չափազանց, ու վտանգը՝ լուրջ վերին աստիճա-
նի. մինչեւ այդ վայրկեանը այնքան ալ անդրադար-
ձած չէր սպառնացող վտանգին. կարաւանին խառ-
նուէր կ'երթար ու կը հաւատար որ ոռու զօրքերը
տեղի չպիտի տային, մինչեւ որ ամբողջ ժողովուրդը
անցնէր ասլահով կիրճերէն. ինքը բաւական հեռուն
նկատեր էր թշնամին, ու այժմ, երբ տեսաւ իր սխալած
ըլլալը, վախցաւ, ու սոսկումը, զոր զգաց, աւելի
սաստկացաւ, երբ նոյն գիշերը Բերկրի հասնելով, լը-
սեց որ նախորդ իրիկունը Բերկրիի կամուրջին մօտ,
Քիւրտերը յարձակում էին գործեր ջանալով կտրել
վախտականներու ճամբան. իրաւ է որ քաջարի Դրօին
յանդուդն տղերքը յաջողութեամբ վանած էին թշնա-
մին ու ճամբան բաց էր գեռ, բայց Վ.ի համար քաջա-
լերական այդ կէտը երկրորդական կը դառնար, ու վը-
տանգին ուրուականը զինքը կը տանջէր այլեւս: Անոր
թարթիչները քուն չը ճանչցան այդ գիշեր ու առար-
ւան աստղին հետ կարաւանին խառնուեցաւ նորէն: Այդ
օրը, սակայն, ամենէն աւելի տկար զգաց ինքինքը, ու
պէտք եղաւ որ մէկէ աւելի անդամներ վար դնէ իր բե-
ռը չունչ մը քաշէլու:

Սկիզբները սիրտը լեցուն էր դողով, եւ ամէն անգամ, երբ հրացանի մը ձայնը լսէր, լեզապատառ կ'ըլլար, խորհելով որ թշնամիին յարձակման աղդանչանն է այն. բայց յետոյ, երբ կը նկատէր որ ցրուած ոչ-խարները մէկտեղելու համար արձակուած գնդակներ էին անոնք, հանդիստ շունչ մը կ'առնէր. արեւին բարձրացման եւ օրուան յառաջցումին հետ վտանդի հաւանականութիւնն ալ կը նուազէր բնականաբար:

* * *

Կէսօրը երկու ժամ անցած էր արդէն, եւ Պազիտաղ հասնելու մէկ քանի ժամ հազիւ մնացեր էր Վ. ին, երբ յանկարծ հրացան մը պայմեցաւ եւ գնդակ մը օդը ճեղքելով սուրաց ժողովուրդի վրայէն: Ատիկա սարսափ չաղդեց այնքան, եւ կարաւանը այնպէս խորհեցաւ թէ հրացանը փորձելու մարմաջէն բռնուող երիտասարդի մը մէկ անխոհեմութիւնը եւ կամ ցրուած ոչխարներու մէկտեղումին համար արձակուած գնդակի մը վրիտումն էր այն, որ ճամբէն չեղելով իր մօտէն կուգար անցնիլ: Մէկ քանի երկվայրկեան վերջը, սակայն, գնդակ մը եւս սուրաց, յետոյ հատ մըն ալ, յետոյ մէկ ալ, յետոյ յ... յետոյ յ... բայց ո՞ր մէկը թուել ա՛լ, տասը, քանը, երեսունը մէկէն կը պայթէին, կատարեալ համազարկ մը, որու ընթացքին գընդակները պար կը բռնէին գլուխներու վերեւ եւ մահը ակնթարթի մը գործը կ'ըլլար այլեւս: Խուճապ մըն էր ծայր տուաւ. փախչող փախչողի. քսանըեօթ օր ամբողջ, թրքական կարկուտի պէս տեղացող համազարկներու գնդակներուն իր պաղարիւնութիւնը պահող ու միաժամանակ գոռացող 12 թնդանօթներու եւ շառափնէլներու հարուածներուն տակ չընկճող ժողովուրդը սարսափին թոյնը ըմպողներու պէս խելայեղ, կը վազէ, հա, կը վազէ:

Ճամբան, ուրկէ պէտք էր անցնէր թշուառներու այդ կարաւանը, նեղ կիրճ մըն էր քարքարուտ, որուն

երկու կողմերը հսկայ բլուրներու շարք մըն է որ կը փակէ. սեպ զառիվեր ամէն տեղ, որուն գագաթն եղնիկն հազիւ մագլցի. բլուրներու փէշին կաված անցք մը կայ աննկարագրելիօրէն նեղ ու կածանաւոր, ուրկէ մէկ հատիկ սայլն իսկ դժուարաւ կ'անցնի ապահով. ճամբան կը քերէ կիրճին մէջէն ընթացող պէնտիմահու գետակը, որ տեղ տեղ կը ծաւալի հանդարտ ու խորունկ, ու երբեմն ալ բարձր ժայռերէն կը գահավիժի վար, դէպի անդունդն անյատակ. անիկա կը խայտայ հոս հանդարտ ու մեղմ, մինչ քիչ մը անդին, փրփրակուտակ ալիքներու մէջ կը Փշայ բարձրագոռ. բլուրներու գագաթը թշնամի վոհմակը բոյն դրած կրակ ու մահ կը սփուէ. բլուրներու փէշին՝ գետակն անյատակ մարդագոնէր կը հաշուէ. ճնշող օդը քարի մը պէս կը ծանրանայ փախչողներու կուրծքին ու կիրճը կ'անծայրի ու կ'անծայրի...: Մահը տակաւ վար կ'իջնէ բլուրներէն ու յամեցող հազարաւորներ, վախի ու սարսափի մէջ, օրհասի իրենց վայրկեանները կը համբեն. պատուախնդիր կիներ ինքզինքնին գետի ալիքներուն կը յանձնեն, ու գութի, ու ծնողական պարտքի զգացումէն աւելի կեանքին քաղցրութիւնը իրենց սրտին մէջ սնուցանող հայրեր ու մայրեր, արագ կարենալ փախչելու համար, կը լքեն ա՛լ քալելու անկարող իրենց զաւակները լալահառաչ, որոնք վաղուան սերուդը պիտի կազմէին. բեռներու թանկարժէք ծանրութիւնները արագ արագ քամակներէ վար կը սահին ու մէծ մասով կը փակեն ճանապարհը. ուսւ զինուորներ, իրենց հոգածութեանը յանձնուած հիւանդ ընկերները՝ պատգարակներով միասին ճամբուն կեդրոնը ձգած, կը մտրակեն ձիերնին այդ նեղ ու դժուարանցանելի կիրճէրէն, առանց աջ ու ահեակ նայելու. խելքի պտոյտալու աստիճան արագ թափով մը կը քշուին զինուորը արական պաշարաբարձ կառքերը, որոնց անիւներու տակ հոգիներ կը ճմլուին. օգնութեան համար անոնց

— 17 —



1218-84

կարեկցութիւնը հայցող նուազկոտ կիներ ու աղջիկներ
 կը կշտամբուին անխնայ, ու կեանքը՝ հոկտեմբերեան
 տերեւներու պէս կը թափի հատ հատ, խմբովին. խա-
 րազանուած հուժկու ձիեր, փափաքուած անկարելի ա-
 րագութեան պատճառով, գետին կը փոռուին չնչասպառ
 եւ աղաղակն ու վայնասունը, ճակատագրին դէմ ոռ-
 նացող նղովքներուն պէս արձագանդ կուտան սարէ
 սար. վոհմակը, բլուրներէն վար, աւելի կը մօտի կա-
 րաւանին, մահը տակաւ կ'ընդլայնի, կը ծաւալի, կը
 թանձրանայ. մէկ քանի վայրկեան եւս, ու քանի մը
 հնդեակ հաղարներ յաւիտենին քունը պիտի խորդան,
 լքումը տարափոխիկ ախտի մը պէս կը վարակէ ամէ-
 նը, կրակները կը մօտենան, գնդակներու ձայները կը
 բազմապատկուին. անմարդաբնակ բլուրներուն կողե-
 րուն վրայ շարժուն էակներ կը թափառին ու մահը
 տակաւ կը ճնշէ կիրճին մէջ... եւ ահա հանդիպակաց
 բլուրէն հրացանի ձայներ կը պայթին. կիրճին վրայ
 թեւածող մահը տակաւ կը բարձրանայ բլուրներէն վեր
 ու կ'անհետի գագաթներէն անդին... քաջարի Դրօի
 գունդն է նորէն, որ գրոհ կուտայ ընդդէմ թշնամի վոհ-
 մակին ու զայն կը վանէ կիրճներէն հեռու: Օ՛հ, կամա-
 ւորները, մեր կամաւորները, հա՛յ կամաւորները.
 փա՛ռք անոնց. փա՛ռք բոլոր այդ անձնազոհներուն,
 փա՛ռք աղատութեան այդ բարի հրեշտակներուն,
 փա՛ռք անոնց հոգենուէր զեկալարներուն. ամէն տեղ
 են փրկարար այդ ողիները. կարաւանին քամակն են ա-
 նոնք, կողերն են, Կէվլէշամի սարն են, Սեւ Գըլայի
 բոլորքն են, Թէփէնիսի լանջքին են, ժողովուրդին մէջ
 են, կը միիթարեն, կ'օգնեն, ուժ ու կորով կը ներշն-
 չեն. ափսոս, սակայն, որ անոնք ափ մըն են միայն ու
 թշնամին՝ անհամար: Վոհմակներու վաղուան գրոհը
 աւելի ուժգին եւ անտեղիտալի կրնայ ըլլալ. պէտք է
 փութալ ուրեմն. բայց սրունքներն յողնած են վազե-
 լէ. մարմինն ուժասպառ է. հացը ճամբան է թողուած,

ու վտանգին անհետացումէն յետոյ քաղցը կը կրծէ ըս-
 տամոքսը: Պաղիտաղի սառնորակ ջրերը առանձինն
 անբաւական են կազդոյր ներշնչելու սոված հոգինե-
 րուն. ու յետոյ, այս երկնքին տակ, բնութեան ուժերը
 չեն օժանդակեր թշուառներուն. խեղճերու այդ կարա-
 ւանը անհունութեան սահմանները գլող անցնող իր ծով
 ցաւերուն մէջն իսկ, պէտք է տուայտի տակաւին. ատի-
 կա իր ճակատագիրն է սեւ...:

* * *

Բարեբաղդութիւն էր որ Վ.ը հաց ունէր սակայն.
 անիկա բան մը թողած չէր ճամբան. բեռլ կոնսակն ա-
 ռած վաղած էր շարունակ. վտանգը արտակարգ թափ
 էր տուեր իր ոտներուն, ու գնդակները, ուժգին հովե-
 րու պէս, յառաջ էին մղած զինքը. մահը ետին էր թո-
 ղած ու Պաղիտաղը, աղատութեան չքնաղ ափունքի մը
 պէս, ողջունած էր չերմագին: Այդտեղ անցուցած հան-
 գըստի քանի մը վայրկեանները, սակայն, գիտակցու-
 թեան բերին զինքը, եւ անիկա զգաց որ ջախջախուած է
 կատարելապէս. ախորդակը խոյս տուած էր իրմէ ու
 արտակարգ ջերմութիւն մը գրկած էր իր ամբողջ մար-
 մինը. լեզուն կը չորնար բերնին մէջ ու երեսները կը
 վառէին բոցերով. գլուխը ճաթելու աստիճան ցնցում-
 ներ կ'ունենար ու սիրտը կը խառնուէր շարունակ:
 Մասնաւոր հիւանդութեան մը ախտանիշները չէին, սա-
 կայն, ատոնք, այլ անսահման ու անանուն յոդնածու-
 թեան մը, որ մասսմբ կարելի եղաւ դարմանել ամբողջ
 գիշերուայ մը հանդիսուով, ու կարգ մը ուժ ներարկող
 քօնիքներով, զոր Վ. խելք ըրած էր ծոցը դնել ճամ-
 բայ ելնելէ առաջ:

Սակայն առաւօտուն կանուխ, արշալոյսը դեռ չը
 բացուած, ձիաւորներ նշմարուեցան Պաղիտաղի մէջ,
 Դրօի կամաւորներն էին, որ եկած էին աղդարաբելու
 ժողովրդին՝ փութալ առանց տնտնալու եւ կարելի ե-
 ղածին չափ շուտով անցնիլ Կէվրէշամին եւ Թէփէռի-

ուր, ուր Անդրանիկի զինուորներն էին բանակ գրեթե։
Մինչեւ Գլուխ վտանդ կար դեռ. յամենալը ոճիր
էր, ու կարաւանը կանդ չէր առներ արդէն։ Վ. ն ալ հա-
սաքեց իր բոլոր ուժերը, ու յամառ կամքի մը թափով
ոտքի կանոննեցաւ. մէկդի նետեց բոլոր հաղուստեղէն-
ները ու վերմակը, եւ միայն հացն ու աղջիկը շալակած
կարաւանին խառնուեցաւ. կօշիկները մաշեր էին սա-
կայն ու քարերուն վրայ պողոչիկ կապած ոտներուն
կաշին գուլպային էր կպած. քամակը կը ծոէր այդ
ծանրութեանը տակ ու ինք կը կաղար այլեւս. իրմէ
վերջ գտնուողները յառաջ կը շարժէին ու ինքը ետ կը
մնար շարունակ. երկար ճանապարհ է Պաղիտաղէն
մինչեւ Գլուխ Տիգէ. Ե՞րբ կը կարձի այն սասանկ գը-
նացքով . . . ու եղեռնական մտքեր սկսան տարտամօրէն
յուղել իր գանկը . . . Հապա եթէ նորէն յարձակում
գործուի Քիւրտերէն . . . Հապա եթէ նորէն գնդակները
այսպէս պար բոնեն մեր շուրջն ու մեր գլխուն վերեւ . . .
Հապա եթէ նորէն հոդիներն հնձուին ճամբուն երկայն-
քը . . . Հապա եթէ նորէն գանկեր ճմլուին կառքերուն
տակ . . . ու մանաւանդ Հապա եթէ կամաւորները չյա-
ջողին կասեցնել այս անդամ թշնամիին գրոհ . . . : Այս
ու այօրինակ խորհուրդներով վտանգը կը մեծնար իր
աչքին, ու չօշափելի ըլլալու աստիճան կը թանձրանար
իր առջեւ. մահը ստուգութիւն մը կը դառնար ա'լ ու
այնքան ծանր բեռով իր ազատութիւնը՝ անկարելի։
Վտանգին ներկայութեանը՝ մարդ այնքան ոճրագործ
խորհուրդներ չծնիր, որքան անոր հաւանականութեա-
նը, որ կը մեծնայ երեւակայութեամբ, ու սարսափով
կը համակէ մարդուն էութիւնը։ Այդպէս էր նաեւ Վ. ին
համար որ տակաւ ազատիլ կ'ուղէր իր բեռէն արագ ա-
րագ ճամբան կտրելու եւ ժամ առաջ վտանգի դիծէն
գուրս նետելու ինքպինքը։ Իր մօտէն անցնողները նշան
կը բոնէր ու կը տեսնէր որ շատ չանցած՝ անոնք հեռա-
ցած կ'ըլլային իր տեսողութեան սահմանէն. իրեն այն-

պէս կուգար թէ ամենէն դանդաղն էր ինք եւ վտանգը
իրեն կ'սպառնայ ամենէն աւելի։ Ի՞նչպէս փախէր ինք
վտանգի պահուն, անկէ առաջ պէտք էր իր դլխուն ճա-
քը նայէր. ուրիշ ճամբայ չկար ուրեմն իրենց համար,
պէտք էր որ ինքն իր բաղդին ձգէր աղջիկը. երկուքն
ալ միաժամանակ սպաննուելէ աւելի նախընտրելի էր
որ աղջիկը մեռնէր միայն ու ինքը ազատուէր. ու յե-
տոյ սիրով կը զոհէր իր կեանքը, եթէ գիտնար որ ա-
տով պիտի ապրէր աղջիկը. բայց լ՞ոնչ երաշխիք կար
ատոր . . . բացի այդ, ո՞վ կ'ըսէր թէ աղջիկը լքելով ան-
պայման մահացուցած կ'ըլլայ զայն. չէ՞ որ բարի կա-
մաւորները կային, որոնք իրենց գրկին մէջ ու քամա-
կին վրայ պղտիկներ վերցուցած յառաջ կ'ընթանային
անտրտունջ. չէ՞ որ քօզակներ կային բարեսիրտ — ո-
րոնք իրենց ձիերուն վրայ միաժամանակ մէկ քանի
սկզբիկներ էին հեծցուցած. չէ՞ որ հիւրընկալութեան
մէջ անուն հանող դաւառացիներ կային սայլի տէր . . .
ինչքա՞ն հաւանականութիւններ կային ուրեմն աղջկան
ազատմանը։ Գիտէր որ ինք չէր կընար ինդքել ասկէ
կամ անկէ հոդալ իր աղջիկը, որովհետեւ տղամարդ էր
ինք եւ ո՞վ պիտի ուղէր օժանդակել իրեն. չէ՞ անիկա
կ'զգար որ անսանելի նախատինք մը պիտի ըլլար իրեն
համար գիտցնել ուրիշներուն թէ ինք այլապէս ըս-
տիպուած պիտի ըլլայ մահուան այդ վայրերը թողուլ
իր աղջիկը ու ջանայ փրկել իր կաշին. լուսթիւնը ոսկի
էր այդ պահուն. եւ յետոյ Աստուած ողորմած էր, բան
մը կ'ըլլար աղջիկը . . . բայց ինչքա՞ն քնքոյչ էին անոր
այտերը, ու ինչքան արտայայտիչ անոր աչքերը աղ-
ուոր. ձայնին մէջ զաւկի սիրոյ քաղցրութիւնը կը
կաթէր ու բարբառող լեզուին քաղցրածորան հնչիւննե-
րը, խղճի խայթերու պէս կը ճնշէին հօրը սրտին վրայ .
. . . ի՞նչ օգուտ սակայն, ոտներն ետ ետ կ'երթային ու
մահուան չուրպով մթագնած անորոշ ճամբան կ'անծայ-
րէր աւելի. նախորդ օրուայ սարսափի վայրկեաններ

կը վերապրէր ու կը բաղձար, ա՛հ, կաթողին կը բաղձար, որ թեւ առնէր ու ժամ առաջ թոէր մինչեւ Գըզը Տիգէ : Կորսնցնելու ժամանակ չկար. օրուան ժամերը ամբողջապէս կարենալ օդտաղործելու համար պէտք էր կանուխ գործադրէր իր մտադրութիւնը : Լոյսը դեռ նոր էր ծայր տուեր նուազկոտ ցոլքերով, ու ճամբան հազիւ թէ կը զանազանուէր. ճամբուն եղերքը՝ մօտն ու հեռուն, պակաս չէին հսկայ քարեր. եւ Վ.ի համար, առոտուան մթութենէն օգտուելով, դժուար չեղաւ քիչ մը շեղել իր ճամբան ու պահ մը պահուիլ քարի մը ետին. հոն անիկա քակեց իր շալակը ու աղջիկը դրկին մէջ առնելով ողողեց անոր այտերը համբոյրներով... զիտնայի՞ք, ինչքա՞ն ծանր էր իրեն համար զատուիլ այդ քնքոյց էակէն, բայց մահուան սարսափը, ծնողական սէրէն շատ աւելի ուժգին թափով մը, դրկած էր այդ ժամուն Վ.ի էութիւնը, պէտք էր տեղի տար կարեկցութիւնը, որպէսպի օրը չտարաժամած, կարճէր ճամբան : Աղջիկը միամիտի իր մանկական հարցումները կ'ուղղէր հօրը, անդիտակ անոր գանկին մէջ յուղուող փոթորիկներուն...: Օ՛հ, ինչպէ՞ս կ'անիծէր Վ.ի սեւ բաղդը, որ սախուած կը լքէր աղջիկը ու ոճարազործի մը զգուշութեամբը՝ արագ արագ կը փախչէր մութին մէջ ու յոդնախուռն բազմութեանը խառնուելով անհետ կ'ըլլար տեսողութեան սահմաններէն...:

* * *

Հօրը բացակայութիւնը անլուծելի առեղծուածի մը երեւոյթը ունէր Վարսենիկի մատաղ գանկին համար, որ դեռ սորված չէր մեկնել իրեն ու երեւոյթները : Քանի մը բոպէ շուրջը նայելով սպասեց հօրը, բայց վերջն երբ տեսաւ որ անիկա կ'ուշանար գալու, լեղապատառ ճիչ մըն էր փրցուց ու կաղն ի կաղ ճամբան իջնելով հայրիկը ձայնել սկսաւ. քարերն իրեն ետ բերին արձագանգը իր ձայնին ու յամեցող թշուառներու ամէն մէկը, իր սեփական վիշտն իրեն ընկեր, անցաւ

անոր մօտէն անկարեկիր ու անողոք: Ո՞վ է խենթեցեր որ իր իսկ անհատական ցաւը թողած ուրիշինովը ըգրադի. չէ՞ որ ամբոխը, մանաւանդ մահուան անդո՞ւ ապրող ամբոխը, իր զգացումներն ունի անձնասէր, զոր կը զգուէ ընդ միշտ. ա՛լ ի՞նչ փոյթը անոր՝ լացն ու կոծը աղջկան, որ իր հօրը սպասելէն յոդնած՝ կը յօրանջէր այլեւս: Արեւը իր կիզիչ ճառագայթներով՝ հեղձուցիչ մթնոլորտ մը կ'ստեղծէր ամէն տեղ ու վարսենիկի արտեւանունքները մենակութենէ ճանձրացած, հանդչիւ կ'երթային երազներու աշխարհին մէջ... հոն հայրիկը նորէն կուգար իրեն ու զինքը շալակն առած կը տանէր անտրտունջ. բայց ատեն մը վերջ, երբ աղջիկը զարթումի իր վայրկեանը ապրեցաւ, գտաւ որ հայրը եկած չէր դեռ ու խաւարը, սոսկավիթխար հրէշի մը պէս, իր պուկին կը փակչէր: Բէրկրիի կիրճը բոնուած, փակուած էր արդէն ու մինչեւ Պաղիտաղ ու քիչ մըն ալ դեռ անկէ անդին, երէկի շէն ճամբան, ամայքի մէջ, այսօրի իր մեռելութիւնը կը սպար: Վարսենիկի երկու աչքերը հեռաւոր ու մթամած հորիզոններուն ուղղուած, սարսափահար ու անձկակարօտ, կը սպասէն մէկու մը, որ սակայն կ'ուշանար գալու. յամեցումին իսկական պատճառները անծանօթ էին նորակազմ այս մտքին. ինչպէ՞ս խորհէր անիկա, թէ իր այնքան բարի հայրը զինքը հոս մահուան խոռվքին լքածոճարզործի մը պէս՝ փութիոտ սլացեր է լեռներէն անդին. մանուկի իր վստահութիւնը, անդրդուելի համոզումի մը պէս, վերագարձի յոյսը կը ներշնչէր իրեն. բայց խաւարը թանձր էր ու լուսթիւնը ահարեկիչ: Ճամբուն մօտիկ, քարի մը ետին, կծկուեցաւ մինչեւ լոյս, ու ցերեկուան մօտ, անօթութեան, տաքի ու ըգրվլիչ ծաղիկներու աղլեցութեանը տակ, արտակարգ թմրիր մը կը դրկէր անոր մարմինը ու անիկա, իրեն անծանօթ յուղումի մը մէջ, կը փակչէր աչքերն աղուոր...:

* * *

Վանը վերագրաւելու հրաման էր եկած վերստին ռուս բանակին, եւ շատ չանցած, ճամբան նորէն կը կենդանանար շարքերուն տակ ասպետական քօղակներու, որոնք իրենց ձիերուն վրայ աշտարակուած՝ դէպի թէկրի Գալէ կ'արշաւէին:

* * *

Աղջիկը լքելէն վերջը Վ. ի ոտները բացուեցան տաքնալով, ու անիկա նոյն օրն իսկ անցաւ կէվրիշամէն, Գանլը Տէրէն ու Գրզը Գայան, եւ գիշերեց թէփէուսի կողքին, Անդրանիկի բանակին մօտերը: Յաջորդ առտու կանուխ, արեւը տակաւին իր շրջանին քառորդը չըրած, անիկա Գըզը Տիղէ հասաւ, ու ապա հովութեան այդ գոտիին մէջ հանդիստ շունչ մը առաւ: Ծանօթներ տեսաւ հոն, որոնց հետաքրքիր հարցումներուն կողկողագին ձայնով մը պատասխանեց թէ Վարսենիկ, ճամբու ընթացքին, թող տուած էր իր ձեռքը, ու առանձնակի իր յառաջացումին մէջ կորսըւած էր յանկարծ: իր բոլոր փնտուածքները ապարդիւն էին մնացեր ու ինք ճարահատ՝ շարունակած էր իր ճամբան...:

* * *

Ապահովութեան գոտիէն անդին, ինչպէս ամէնուն, նոյնպէս եւ Վ. ի միտքը իր լրջութիւնը գտաւ ա'լ, ու անիկա, անսահման պէտքի մը պէս, կարօտն զգաց իր լքուած զաւկին: ամէն անդամ, պղտիկներով բեռնաւորուած կառքի մը անցնիլն երբ կը տեսնէր, յոյսի մը գողը կ'ապարէր պահիկ մը, ու արագավազ գնացքով մը անոր մօտ երթալով՝ լաւ մը աչքէ կ'անցնէր մէջի փոքրիկները, իրեն ծանօթ մանուկներ չէին պակսեր այն տեղ: բայց, ափսո՞ս, հազար ափսո՞ս, որ իր Վարսենիկը չէր նշմարուեր հոն: Մտախոռվքը տակաւ կը պատէր զինքը: բայց յոյսի նշոյլ մը պղտիկ դեռ կը սնուցուէր իր սրտին մէջ: ճամբէն հաւաքրուած բոլոր փոքրիկները, իկարի մասնաւոր կայանի մը մէջ պիտի զըր-

կուէին ու անկէ ծնողքներուն պիտի յանձնուէին: Ի՞նչ երջանիկ պիտի զգար Վ. ինքզինք, եթէ անգամ մը ձեռքը տային իր Վարսենիկը, որպի՞սի ջերմ համբոյքներով պիտի ողողէր անոր մարմինը. իր ծոցը դրած քանի մը տասնեակ թրքական ոսկիներով անոր քմահաճոյքները պիտի դգուէր շաքարեղին, խաղալիք ու նոր հանդերձ պիտի առնէր անոր. եւ անդամ մըն ալ պիտի չը զատուէր անկէ՝ վտանգը որքան ալ սպառնական ըլլար եւ մահը՝ որքան ալ չօշափելի. իր ամբողջ կեանքը անոր համար ողջակէզ պիտի ընէր ա'լ. պիտի մեծցնէր, հարս պիտի ընէր զայն, ու կեանքի իր վերջինքին՝ անով պիտի հրձուէր, միայն թէ, ա'խ, գտնէր անգամ մը. աշխարհ իրը պիտի ըլլար ու Վարսենիկը՝ երջանիկ: անոր շուրջը պիտի ստեղծէր դրախտ մը, որուն մէջ անիկա իր վայելելիք հաճոյքովը արքշու՝ պիտի մոռնար ամբողջապէս հօրն անձնասիրական հակումներն ու անոր իրեն հանդէպ տածած ոճրագործի զգացումները, երանութեան պարտէզի մը մէջ անիկա փթթիլ պիտի տար անոր ու ամէնքը պիտի նախանձէին իրենց... Վարդաշող այս երազներով անիկա կը պարուէր իր միտքը, ու ճամբու ամբողջ տաժանքը ա'լ մոռցած կը դլէր, կ'անցնէր ճամբորդները:

* * *

Ոուսական սահմանագլուխէն մինչեւ Օռկօֆ վայրէջք մը կայ երկար, դարձգարձիկ, քարքարուա ու յոդնեցուցիչ: Ճամբորդն այդ տաժանելի վայրէջքն ըրած ատեն, իգուր պուտիկ մը ջուր կը փնտոէ գէթ շուրթները թրյելու: Օդը արտակարգօրէն ճնշիչ մթնոլորտ մըն է շիներ հոն ու բնութիւնը ծառի մը ճիւղն իսկ շատ տեսեր է անոր. լերկ ամայութիւն մը անսահման, ուր անցորդներէ զատ ո'չ ոք կը նշմարուի ամառթէ ձմեռ. թոշուններն իսկ, այդ ամայքին վրայէն, արագ թոփէջք մը կ'ընեն ու կը փութան հանգչիլ իդդիրի ընդարձակ ու արդասաբեր դաշտերուն վրայ, օճապը-

տոյտ այդ ճամբաներէն վար ջիղերն իրենց առաձգականութիւնը կը կորսնցնեն կարծես ու մարդ կը զայրանայ որ Օռկոֆի ծառերը նշմարելէ վերջն ալ տակաւին պէտք է իջնէ ու իջնէ : Մտաղբաղ մարդուն համար , սակայն , ժամանակը չուտ կ'անցնի ու ճամբան կը կարճի ինքնին . այդպէս եղաւ նաեւ Վ. կ համար , որ Օռկոփ հասնելէն վերջը միայն անդրադարձաւ ծարաւի իր պապակին , զոր յաղեցնելու համար ստիպուած , կէս ժամուայ չափ ճամբայ եւս քալեց մինչեւ մօտակայ ձորակը , որուն մէջն բաւական յստակ ջուր մը կը հոսէր , եւ որու երկու եղերքը , խորտ ու բորտ քարերուն վրայ , գաղթականները տեղաւորուած հանդիստ կ'առնէին : Ծանօթքարեկամներ , ա'լ իրենց հանդրուանին մօտեցած , աւելի սիրով ու հետաքրքրութեամք վերաբերուեցան իրեն հանդէս , ու անիկա՝ կուշտ ու կուռ ուտել խմելէ յետոյ մրափ մը առաւ կարճ , որուն ընթացքին իր վարսենիկը թեւերուն մէջ գրկած , աղուորիկ աղուորիկ խաղալիքներ գնեց անոր , բայց յանկարծ յարձակեցան քիւրտերը , խեցին Վարսենիկն իր գրկէն ու հաղիւ թէ դանիկն ուղղուած հրացանը կը պայմէր երբ մէկէն բացաւ աչքերը ու զգաց որ ցնորական երազի մը խարկանը ու սարսուռն է որ ապրած էր քունին մէջ :

Անիկա չսպասեց այլեւս ազօթարանը բացուելուն . ու կէս զիշերը երկու ժամ անց՝ ճամբայ ելաւ ու տաքը չկոխած մօտն հասաւ իկտիրի , որմէ քիչ մը զրով , լայնածաւալ դաշտերուն վրայ , արեւուն կիզիչ ճառագայթներուն տակ , պատսպարուելու է նստեր բազդահալածներու կարաւանը : Զայն կերակրելու համար նըպաստամտոյց մարմիններ հացարար կառքեր կը զրկէն , որոնց չուրջը սովալլուկ ամբոխը խոնուած՝ կը պազատի , կ'աղերսէ , կը պօռայ , կուլայ ու նդովք կը կարդայ բազդին դլասուն : Խոշոր խոշոր հացերը կառքին վրայէն կը նետուին ամբոխին մէջ ու խլոզ խլոզի . յաղթանակը զօրաւորին է սակայն , աշխարհի ճակատա-

գիրն է այս . տկարներու , վեհերոտներու , պատուախնդիրներու , կարդ ու կանոնի սիրահարներու լէգէօն մը կայ բրդուճ մը հացի կարօտը քաշող , որ ստիպուած է խլուած , տարուած ու քաղցրօրէն ճաշակուած հացերու հանդիսատեսը ըլլալ լոկ , մինչեւ որ յագենայ ուժովը , ու կարգը — ո'վ գիտէ ե'րը — իրեն դայ : Ահարեկող , սահմոկեցուցիչ , քստմնելի աղէտը յանկարծահաս՝ ժամանակ չէ տուեր կարդ ու կանոն դնելու նըպաստաբաշխ գործին մէջ . այդ իսկ պատճառով հացարար կառքերը կը պարպուին մէկզմէկու ետեւէ ու ժողովուրդին մեծագոյն մասը անօթի կը տանջուի դեռ . . . :

Արգելիչ դօտի մը , առժամաբար մեծապէս կը սեղմէր , կը կոտորակէր իկտիրէն ներս մանողներու քանակը , բայց Վ. կերպով մը յաջողեցաւ ներս սպրդիլ անկէ ու դսաւ որ ծայրէ ի ծայր լեցուած էր արդէն քաղաքը , որուն պղտիկ , աղտոտ , փոշեպատ ու հրապոյրէ զուրկ փողոցները , մեծ քաղաքներու չքեղ պողոտաներու պէս կենդանութիւն էին զգեցած եռ ու զեռի մէջ երթեւեկող բազմութեան քայլերուն տակ : Փուռերէն մէկ քանիները հոն բանակող զինուորներուն կը գործէին , իսկ մնացածներն ալ բացարձակապէս անկարող էին բաւականաչափ հաց հայթայթելու խեղճ փախստականներուն , որոնք ամառուայ այդ տօթին , փուռերու առջեւ զիզուած կ'սպասեն ու կ'սպասեն , ու շատ շատ անդամ ալ , դատարկ ձեռներով կ'երթան ետ՝ տխուր գէմք մը ցոյց տալով հացին կարօտովը մաշող իրենց փոքրիկներուն : Վ. գրամ ունէր սակայն , եւ մէկի տեղ յաճախ մէկ քանի պղտիկ վճարելով կարող կ'ըլլար հարկ եղած ուտելիքը հայթայթել տուներէն եւ կամ ճաշարաններէն :

* * *

Եկող փախստականները էջմիածին , Գանձակ , Երեւան ու Աղեքսանդրօփուլ կը դրկէին տակաւ ու գաղ-

թականները խնամելու գործը սիսթէմի մը տակ կը դրուէր հետզհետէ . վախստականներու կարաւանը կը ցանցաւանար կամաց կամաց ու եկտորները՝ մէջ ընդ մէջ, հատիկ հատիկ յետամնացներ կ'ըլլային սոսկ : Վարսենիկը գտնելու յոյսը կը չքանար այլեւս ու մեռելութիւն մը անսահման կը չոքէր Վ. ի սրտին վրայ : Կարաւանին ամբողջապէս դադար առնելէն վերջը մէկ շաբաթ եւս ըրաւ անիկա իր փնտոտուքներն հոս ու հոն եւ ա'լ ճարահատ՝ թիֆլիս մեկնեցաւ :

* * *

Վասպուրականի շրջաններէն դուրս չելնող ու աշխարհ չտեսնող Վ. ի նման հոգիներուն համար հիացումի արժանի քաղաք մըն է վառվուուն, կեանքու եւ ուրախ թիվլիսը, ուր ապրող անհատը դժուար թէ գոյայ պատերազմին առթած տաղնապալի կացութիւնը . կեանքը իր սովորական ընթացքն ունի հոն ու նորեկին համար հաղար հրապոյրներ, փորձանաւոր հաղար թովքեր կան այդ տեղ . թատրոնական բեմերուն վրայ, ամէն իրիկուն սէրը կը խայտայ . ու պալերու ու սինէմաններու դռները կոնակնուն վրայ բաց են մինչեւ երկու ժամ կէս գիշերը անց . Միւշթէհիտի թանձրաստուեր ծառերուն տակ, տոփիէն գինով զոյգեր ժամադըրումի իրենց վայրկեանները կ'ապրին, ու գեռ իրենց որսը չտած ֆնեոյշ ճիւաղներ Միւսայէլովսկի պողոտային վրայ իրենց բաց կուրծքերու եւ յայրատ նայուածքներու բոցը կը պտտցնեն . Գերմանական արշաւանքը փոլոնական սահմաններէն ներս, ու Բիկային ու Փէթրօկրատին սպառնացող վտանգը ու Մօսկուան յուղող խոռվութիւնները տիրութեան եւ ոչ մէկ գիծ կը փոթեն կենսուրախ այս քաղաքին վրայ, որուն փողոցներուն մէջ կը վլստան դեռ անհամար երիտասարդներ, զոր մարդ տեսնելով անկարելի է որ չհարցնէ ինքնին . — իրա՞ւ պատերազմի մէջ է այս երկիրը . իրա՞ւ զինուորագրութիւնը պարտադրիչ է այս տեղ . իրա՞ւ փըր-

կանքի դրութիւնը գոյութիւն չունի հոս . այս ի՞նչքան զինուորացուներ ունի դեռ այս պետութիւնը . ոուսական մարդահեղեղը անտեղիտալի է ու յորդ . զինուորներու լչդէոններովը օժտուող այս հսկայ կայսրութիւնը դժուար թէ պիտի պարտուի : Տարբերու բազմազանութեան ու սպաններու այլասերումին հանդամանքը կայ, սակայն, որ լրջօրէն խորհրդածել կուտայ վերլուծելու ընդունակ բոլոր ուղեղներուն, եւ արագաննորէն կը մնայ պահուած թանձր մշուշի մը մէջ անթափանց . . . :

* * *

Անհամար հաճոյքներով օժտուող այդ քաղաքը, սակայն, դժուսք մը կը թուէր Վ. ին, որ հակառակ հայտեղական թերթերուն մէջ ըրած յայտարարութիւններուն, գեռ չէր յաջողած գտնել հետքը իր չքնաղ աղջը-կան, որուն պատկերը չէր հեռանար բնաւ իր աչքէն . խորապէս կ'զգար հիմա, որ ինքն իր իսկ ձեռքերովը վտանգի անդունդն էր նետեր անմեղութեան այդ ողին, որ գեռ մանուկ մը անդիտակից, պէտք ունէր եւ իրաւունք՝ վայելելու իր սէրն հայրական ու հոգածութիւնը ծնողքի . ապաշաւը, կճող խայթոցի մը պէս, իր հոգիին կը միտուէր ու իրեն այնպէս կուգար թէ բորենիներու վոհմակ մը այդ փոքրիկ կոյսին պատիւը պատարագ էր ըրեր իր վայրադ կիրքին ու աղջկան կեանքը՝ պուտիկ պուտիկ քամուեր էր իրմէ . անոր քաղցրօրէն բարի նայուածքը իր բիրերուն կ'ուղղուէր ու ինք՝ անոր անմեղութենէն հալածական՝ ոճրագործի իր սարսուները կը վերապրէր, իր սրտահատորի կեանքին դաւած ըլլալու գիտակցութիւնը Սիփիանայ սարին պէս կը ձնչէր իր կուրծքը ու չուրջի իրերն ամէն կարծես իր երեսին կը պօռային մարդոցմէ պահուած ու երկընքին միայն ծանօթ իր եղեռնադործութիւնը անանուն : կեանքը, զոր ապահոված էր հիմա, աննպատակ դեգերումի մը տպաւորութիւնը կը թողէր իր վրայ,

— 29 —

ու եսասէրի իր զգացումները լուծուեր, չքացեր էին իրեն համար անծանօթ նոր կերպարանափոխութեան մը մէջ. հաճելի պարտականութեան մը դիտակցութիւնը տարտամօրէն մարմին կ'առնէր իր հոդիին մէջ ու կեանքը թանկ արժեցնելու սրբազն զգացումը հետրդ-հետէ աւելի կը խորունկնար իր ներսը. յուսահատութիւնն ու լքումը տակաւ տեղի կուտային երանութեան մը, որ ոչ դոյն ունէր դեռ եւ ոչ անուն. աղջկան պատուի ու կեանքի ենթադրեալ վտանգը վրէժի մը ծարաւը կուտար իրեն այդ բորենիներուն հանդէպ, ու կոռու անընդունակ իր խառնուածքը ուազմի մը պապակով կը տոչորուէր այս անդամ. զէնք բոնելու կարող ու անձնազութեան ողիովը տարուող բոլոր իր աղջակից կամաւորները աստուածութեան չունչով օծուած հոգիներ կը թուէին իրեն ու ինք կը պղտիկնար, կը հալէր, կ'ո-չընչանար այդ վեհութեանը առջեւ. անոնցմով շահուած հայ աղջային փառքին մէջ իր բաժին մը չունենալը իր եղեռնագործութենէն աւելի մեծ նախատինք մը թուեցաւ իրեն. ու լեռներու կատարն, ու ձորերու յատակը, թշնամին հալածելու համար, անոնց կրած անհամար զրկանքներն ու անօթութեան եւ ծարաւի տաղնապները բարձալի առաւելութիւններ նկատեց ինքը, եւ Անդրանիկներու, Քեռիներու, Վարդաններու, Դրօներու, Համազասպներու եւ իշխաններու ուժեղ չունչին տակ վերանորոգուած գունդերուն մէջ անհատի իր դերը կատարելու որոշումը տուաւ: Այդ գիշեր հանդիստ քուն մը քնացաւ եւ զգաց որ Վարսենիկի ներող նայուածքը ուրախութեան մը ճառագայթովը կը չո-դար:

* * *

Յաջորդ առաւօտ զինուորական շտապին ներկայացաւ ու անունը արձանագրել տալէ յետոյ Երեւան մեկնեցաւ: Խ.-ի գունդին մէջ տեղ մը տուին անոր ու անիկա հրացանն ուսին գնաց բանակին հետ, մաղթելով որ

— 30 —

վերստեղծուին Տիլմաններ, ուր Անդրանիկի ուազմավարական հանճարն էր չողացեր եւ ուր հայկական արի գունդին փառապսակն էր կերտուեր:

* * *

Քանի մը շաբաթ վերջ, Վ.-ի պատկան բանակը շարժման մէջ կը դրուէր դէպի Ոստան: Վախով ու տաժանքով կտրուած ճամբան բուռն վրէժինդրութեամբ լեցուած էակներու քայլերուն տակ նոր կենդանութիւն մը կ'ստանար այս անդամ: Պազիտաղի մօտերը Վ. իր մտախոռնիքներն ունեցաւ նորէն. ճակատն ամպոտեցաւ. Է՛հ, հայր էր վերջապէս. ի՞նչպէս մէկէն թաղէր իր յոյսերը բոլոր. աղջկան թողած վայրերէն էր որ կ'անցնէր հիմա. հողն ու քարը, թուփն ու ծաղիկը տեսակ մը ընտանութիւնն ունէին այժմ Վ.-ի համար. քայլերը գանդաղեցան ու ինք մոլորեցաւ քիչ մը այն տեղ. իր փնտուտուքը սկսաւ քարերու ետին: Մութ էր այն ատեն, երբ ինք գաւաճանեց իր աղջկան: Ո՛վ գիտէ ո՞ր քարին ետեւն էր, որ ինք գործեց իր ոճրագործութիւնը, ի՞նչպէս գտնէր հիմա նոյն տեղը, զիտէր որ աղջիկը չէր կրնար ապրած ըլլալ մինչեւ այդ ատեն, բայց ո՞վ գիտէ, թերեւս յաջողէր իրեն անոր զիակը գտնէլ. ա՞հ, ինչքա՞ն երջանիկ պիտի զգար ինք-զինք եթէ կարենար գտնէլ անոր մարմինը. գիտէր, որ թռչունները փորած պիտի ըլլային անոր աչքերը ու որդերը՝ մինաթափած անոր անդամները. ի՞նչ փոյթ սակայն, ինք պիտի ճանչնար զայն անոր հաղուստէն ու իր սուբինով գերեզման մը փորելով անոր մէջ պիտի ամփոփէր աճիւնները. վրան պարզ քար մը պիտի դնէր ու Քիւրտին ձեռքը անցած ըլլալու հաւաստիքն իրեն ընկեր՝ հանդիսա սրտով պիտի մեկնէր կատարելու իր սրբազն պարտականութիւնը: Վայրկեանները կը սահէին, սակայն, բանակը կը հեռանար ու Վ.-ի յուսախարութիւնը իր գաղաթնակէտին կը հասնէր: Գունդը Պազիտաղ պիտի անցնէր նոյն գիշերը. ճամբան որոշ

— 31 —

էր եւ Վ.ի համար դժուար չեղաւ հասնիլ իր ընկերներուն։

* * *

Վան վերադարձող գոզաքները ճամբուն եղերքը փոռող չքնաղ աղջկան մէջ խուսափելու մօտ շունչ մը նշմարելով՝ քիչ մը ջուր էին սրսկած անոր երեսին, ու զայն վերակենդանացնելով իրենց ձիերուն վրայ տարած էին դիրքէ դիրք, իրենց բերնէն կտրած ու կուշտ ու կուռ կերակրած էին զայն եւ գիշերուան ցուրտին՝ իրենց եափունջաներուն մէջ տաքցուցած էին անոր մարմինը վատուժ։ թանկաղին աւանդի մը պէս դուրս գուրացած էին անոր վրայ ու իրենց սեփական կաշիէն աւելի անոր կեանքին պահպանման էին հոդ տարեր։ իրենց կոխներու ընթացքին՝ ամենաապահով փոսերուն մէջն էին զետեղեր զայն ու իրենց յառաջացումներու ժամանակ հետերնին էին վերցուցեր։ աղջկան լեզուն քաղցր էր եկած իրենց ու անոնք անսահման վիշտն ունեցած էին զայն չկրնալ հասկնալու։ մինչեւ Վան տարած էին զինքը ու փախչիլ չկրցող ու տակաւին հոն գտնուող ընտանիքներէն մէկուն յանձնած էին զայն, խնդրելով որ լաւ հոդ տանի անոր։ Վարսենիկ իրեն ծանօթ այդ ընտանիքին մէջ օտարութիւն չէր քաշեր երբէք, եւ մանուկի միամտութեամբ մը կը պատմէր իր գլխուն եկածները, առանց գիտնալու թէ ատով հօր դատապարտութիւնն էր որ կը հռչակէր։

* * *

Մեռելներու աշխարհէն՝ անհունօրէն սիրուած էակի մը վերադարձը անակնկալ՝ աննկարագրելի երանութեամբ մը օծեց Վ.ի էութիւնը, երբ անիկա Վան հասաւ ու Վարսենիկն իր բազուկներուն մէջ առած՝ անսահման ուրախութեան եւ խորունկ ապաշաւի իր լացը լացաւ անոր ոսկի ծամերով գլխուն վրայ։ Կատարուած իրողութիւնը զօրեղ հրաշքի մը թափն ունէր ուժգին, եւ ասպետական ոդիով տողորուած բարի գոզաք-

ներու վեհանձն ժեստը՝ հմայք մը անտեղիտալի։ Սիրասուն զաւակը իր ծունկերուն վրայ էր հիմա։ ինք զայն երջանկացնելու պարտականութիւնը ունէր։ կը յիշէր այդ մասին ըրած իր որոշումները։ բայց Մայր Հայաստանի սրտի խորքերէն արձակուած ճիշերն աղեկտուր՝ աւելի բարձր կը հնչէին իր ականջին։ թոպամահներու, աքորուածներու ու կախուածներու վրէժի աղաղակը թունդ կը հանէր իր հոգին։ բռնաբարումէ նուազած կոյսերու մօտ կիներ կը տեսնէր անիկա արեան ճապաղաղիքի մէջ, որոնց արդանդէն սաղմնային մանուկներ պոկուած էին եաթաղանով։ մայրերու ստինքներէն կախ ծծկեր երախաններու փափուկ գանկերը ջախջախուած էին քարերուն վրայ։ փոքրիկներու կայծկլտացող աչքերուն մէջ սուխններ էին մըխուած, պեղուած երկարածիդ փոսի մը եզերքը հարիւրաւոր տղամարդկանց վիզերը կացինն էր կտրատեր, ու պաղատող ու աղերսող ու լացող նայուածքներու հանդէպ կարեկցութիւնը քար էր կտրեր։ անտարբերութիւնը մեծագոյն ոճագործութիւնը պիտի ըլլար այլեւս։

«Աղջիկս, ըսաւ անիկա, ես քեզ նորէն պիտի թողում։ մեր հայրենիքը պէտք ունի ինծի։ օր պիտի գայ որ խելքը տեղ պիտի ընէ, ու դուն պիտի զդաս այն վատութիւնը զոր գործեցի քեզ հանդէպ։ յիշէ՛, սակայն, որ զզջումը տարբեր մարդ մը ըրաւ զիս եւ սորվեցայ զգալ այն տառապանքը, որ կ'ապրին քեզ նման պկտիկները Սիւրիոյ անապատներուն մէջ։ քեզ, Երեւան, մօրաքրոջդ մօտ պիտի զրկեմ։ եթէ այլեւս չտեսնես զիս, մի՛ տիրիր ու գիտցիր որ այն բարի գոզաքներուն պէս՝ քեզ նման փոքրիկներ ազատելու գործին զոհուեցայ ես։ Տարակոյս չունիմ, որ այն ատեն պիտի ներես ինծի գիտակցաբար ու ատիկա իմ լաւագոյն վարձարութիւնս պիտի ըլլայ»։ Վարսենիկ բան մը չհասկցաւ այս խօսքերէն, թէեւ տարտամ տպաւորութիւն մը ունեցաւ անոնցմէ։ բայց Վ. «յիշէ՛, Վարսե-

նիկ, յիշէ՛ որ հայրիկդ կամաւոր գնաց» ըսաւ անոր ու զայն տենդագին համբուրելէ վերջ ճամբու դրաւ դէպի Երեւան ու ետ իր գունդին դարձաւ:

Աղջկան կենդանութեամբ քաւուած Վ. ի եղեռնական քայլը վեհերոտ՝ արի խորհուրդներու մէջ կը լուծուէր, կը չքանար, կ'անհետէր խապառ. արդար վրէժի մը պապակը՝ փոթորկայոյդ ծովին պէս կը դալարուէր, կ'ուռէր, կը ծաւալէր ու վրփրակուտակ ալիքներու վերածուած՝ եռ կուդար հոգիին խորքը. նորօրինակ այս աւիւնը աշխուժի մը բոցը կ'արծարծէր անոր մէջ. ու անիկա անսովոր ուժգնութեամբ մը կը կտրէր լեռներն ու ձորերը վայրկեան առաջ թշնամիին հասնելու եւ կատաղի կուռի մը ընթացքին սուինին ծայրը խաղցընելու անոր խիտ չարքերուն մէջ: Մայր Երկրին համար կեանքը պատարագելու անձնազոճի իր ըղձանքները ջերմեռանդի մը վերացումը կը չնորհէին իրեն ու անիկա խորապէս կը հաւատար, որ մշուշապատ լեռներէն անդին, աւետարեր նոր այդի մը ճառապայթներն են, որ օծելու կուդան Հայութեան սրտերն յուսարեկ: Մաւզէրի մը գնդակը կրնար պատուել իր կուրծքը. ի՞նչ փոյթ, սակայն, բա՛ւ էր որ ինկող նահատակներու վառքերովը՝ աճիւնացած մոխիրներէն յառնէր Հայաստան մը, զոր չէնցնելու փութային օտար ավունքներու վրայ գեռ չխորթացած ու յաւէտ անոր կարօտումը մաշող բոլոր հոգիներն հարազատ:

1916

— 34 —

ՆԱՅՈՒ ՀՈԳԻ

Բողոքական համայնքի գլխաւորներէն էր Սահակ աղան: Կոկիկ դրամագլուխ տէր վաճառական մը՝ որ կը յարգէր կառավարական պաշտօնեաները, եւ կը յարգուէր անոնցմէ: Քրիստոնէի կատարեալ տիպար մը՝ որուն աշխարհը ժողովարանի չորս պատերն էին առ հասարակ, եւ ընթերցանութեան գլխաւոր առարկան՝ աշխարհաբար Սուրբ Գիրքը՝ որմէ պղտիկ չեղում մը լ'ընէր սակայն ամէն հեղ, երբ, չարաթը անդամ մը, Պօլսէն ժամանող թղթաբերով կը հասնէր իր Աւետարեբը: Տարիներով բաժանորդ եղած էր այդ թերթին ու խմորուած անոր բարի, հեղահամբոյր չունչովը: Քարոզչին բացակայութեանը՝ ինք կը լեցնէր բեմը: Աղգի, հայրենիքի, գէնքի եւ այլ նման գաղափարներ ո՛չ իր միտքին կը բաղկէին եւ ոչ ալ ինք ըղեղ կը յոգնեցնէր ատոնց չուրջ: Յեղափոխութիւնը իր աչքին ունէր երեւոյթը օձի մը՝ որմէ կը սոսկար, կը սարսըսար, կը խուսափէր խելայեղ: Փաղոնի տուներու, խոր ներքնայրիերու մէջ համախմբուող անձինք տեսակ մը դիւային արարածներ էին իրեն համար, որոնք ստեղծրած էին կարծես վտանգելու հանրութեան խաղաղ կեանքը, եւ տիրող աղդին ատելութիւնն ու թշնամանցը գրգռելու հաւատարմօրէն հպատակ տարրերու հանգեց:

Ինք զգուշաւոր մըն էր բառին խմական առումովը, եւ այդպէս ալ մնաց նոյնիսկ սահմանադրութենէն յետոյ, երբ կուսակցութիւններ հրապարակային ժողովներ կը սարքէին եւ բեմերէն լուսաբանութիւններ կ'ընծայէին օրուան հրատապ հարցերուն չուրջ: Սահակ ա-

— 35 —

դան ինքնամփոփ մարդը մնաց շարունակ, եւ օր մը օրանց չմասնակցեցաւ այդ կարգի ժողովներու եւ հանդէսներու՝ որոնք, ապազային, կրնային աղէտ մը պայթեցնել իր դլխուն: Աւտարերը պէտք եղած տեղեկութիւնները կուտար արդէն եւ թեւ կ'առնէր մինչեւ հոն, ուր գտնուիլ ներելի էր յաչս կառավարութեան եւ ի մասս Աստուծոյ: Ատէտ աւելիին ո'չ ինքը պէտք ունէր եւ ոչ ալ իրենները:

* * *

1915ի ամառն էր: Տարուան մը ճամբայ կտրած էր արդէն համաշխարհային պատերազմը, եւ Թուրքը, արտաքին թշնամիներու հարուածներուն տակ խելացնոր, Հայերու վրայ կը թափէր իր ցասումը: Սահակ աղայի գտնուած քաղաքը, Խ...ն ալ, ի հարկէ, անմասն չէր կրնար մնալ այդ ցասումէն:

Դիւրաւ ընկճուելիք քաղաք մը չէր, սակայն, Խ...ը: Փոքր Ասիոյ ամենէն նշանաւոր քաղաքներէն մէկն էր այն՝ որպէս կեդրոն լուսաւորութեան եւ վառարան յեղափոխութեան: Քիչ հայ տուներ կային առանց զէնքի: Կառավարութիւնը գիտակ էր այս իրողութեան, եւ դիմադրութեան մը ուժդին կասկածը կ'ահարեկէր զինքը:

Գայմագամ իոլրահիմ պէյին հնարամտութեանը թողուած էր Հայերն ընկճելու խնդիրը. եւ իրօք ալ, պղտիկ աղուէս մը չէր անիկա: Գիշերուան մը տքնութիւնը բաւական եղաւ իրեն համար յղանալ լիակատար ծրագիր մը՝ որուն հետեւելով պիտի կրնար յառաջացընել ակնկալուած արդիւնքը: Ու առաւօտ կանուխ, արշալոյսը հազիւ բացուած, կանչեց ոստիկանապետը, եւ հրամայեց, առանց ժամանակ կորսնցնելու, երկերկու ոստիկան դըկել քաղքին ծանօթ յեղափոխական հինգ պետերուն տուները, եւ հարկեցուցիչ պատճառ մը պատրուակելով, ոստիկանատուն առաջնորդել զանոնք, մէկդմէկէ գաղտնի: Ոստիկանները յաջողած էին

անոնցմէ չորսը իրենց տուները գտնել, եւ խարելով խարխրելով ոստիկանատուն բերել, բայց մէկը, Միհրանը, տուն եկած չէր նոյն գիշեր, եւ վերջէն փնտըռուած ըլլալն իմացած, ու դլխուն գալիքը գուշակած ըլլալով՝ ա'լ չէր երեւցած:

* * *

Յեղափոխական պետերու այսպէս անաղմուկ ձերբակալութիւնը մէծ յաջողութիւն մըն էր անշուշտ, բայց զէնքերու ուրուականը՝ խաւարչտին գիշերուան մը պէս, կը սարսէր գայմագամին էութիւնը: Պէտք էր ոլինաթափ ընել ժողովուրդը. բայց ի՞նչպէս շարժելու էր որ անախորդութիւն չպատահէր, եւ ծրադիրը ի գըշլուի հանուէր միեւնոյն տուեն: Յանկարծական խուզարկութիւններ կրնային արթնցնել ժողովուրդին կասկածը եւ յուսահատի իր պայքարը մղել տալ անոր, ու ասիկա կրնար իրապէս սուղի նստիլ կառավարութեան: «Անուշ լեզուն օճն իր ծակէն» ըսուած է, եւ աղուխարարոյները ամենէն աւելի դիտակ են այս ճշշմարտութեան: Կրնար վրիպիլ բռնի ուժը, եւ յառաջացնել ճախողանք մը, որով կնքուած ըլլար գայմագամին ճակատագիրը: Զարերուն նախազդացումը աւելի նուազ կը խարէ զիրենք, եւ իպրահիմ պէյ պղտիկ չարագործ մը չէր: Անիկա գիտէր իր ընելիքը:

Լուսաւորչական ու Բողոքական համայնքներէն մէկ մէկ հոգի կանչեց, քահանան ու քարոզիչը, եւ խնդրեց անոնցմէ, որ իրեւ կրօնական պետեր, յորդորեն ժողովուրդը բերել յանձնել զէնքերը, ճանչութիւն հաւատարիմ՝ կառավարութեան եւ աղատուիլ վերահաս աղէտներէ:

Ա՛յնքան անուշ խօսեցաւ գայմագամը, ա'յնքան բարեկամական, որ քահանան ու քարոզիչը հազար կըտոր եղան իրենց սրտագին չնորհակալութիւնները մատուցանելու. յետոյ, ուրախ ուրախ, կառավարական չէնքերէն դուրս եկան, եւ նոյն օրն իսկ, առանց վայր-

կեան կորսնցնելու, տունէ տուն, եւ խանութէ խանութ
պտտելով իրենց պատգամները որոտացին հաստատ հա-
մողումի եւ կատարեալ վստահութեան շեշտէրով: Ամ-
բողջ երկու շաբաթ, եկեղեցին խորանէն, եւ ժողովա-
րանին բեմէն ուրիշ բան չլսուեցաւ այլ միայն յոր-
դոր՝ զինաթափութեան, գովեստ՝ բարեխնամ կառա-
վարութեան, եւ երախտագիտութիւն՝ բարեացակամ
գայմագամին:

Ու ժողովուրդը ունկնդեց անոնց, հաւատաց, հը-
պատակեցաւ, եւ մասունքի պէս պահած իր զէնքերը,
առանց պուտ մը արցունքի, տարաւ յանձնեց կառավա-
րութեան:

Այսպէս է անզեկ ժողովուրդը. տեսակ մը ամբոխ՝
որ վախէն կը բոնուի, ու տգիտութեան, խելացնորու-
թեան մէջ կը թաղուի: Տարիներու ջանքովը կառուց-
ուած ջիղը՝ կրօնականի մը անուշ, համողիկը խօսքե-
րուն տակ կը քայքայուի, եւ անջիղ, անկորով ստրու-
կը կը յառնէ մոխիրներէն: Ախալ հասկցուած, սխալ
մեկնաբանուած, մեղկացնող կրօնքի մը նուիրականու-
թիւնը կ՛ընկճէ ամբոխը, ու մարդիկ կամովին կը սի-
րեն խարուիլ, չտեսնելու համար իսկական վտանգը, եւ
աչքերնին կը դոցեն՝ ապրելու համար երջանիկ եւ ան-
հոդ: Ո՞վ պիտի վերակոչէր անոնց՝ վատնուած աշխա-
տանքը, զոհաբերուած կեանքը, զէնքին հանդէպ տած-
ուած գուրգուրանքը: Ուժ մըն է ամբոխը՝ որ չըմ-
բռներ, չի հասկնար, չի վերլուծեր, չի հեռատեսեր,
այլ կը շարժի, կը քշուի, կը մղուի, կը գործէ:

* * *

Գայմագամին վերջին քայլն ալ յաջողած էր ու-
րեմն: Ա'լ չէր վախնար ինք ժողովուրդէն: Անզէն ժո-
ղովուրդը, կրակ ու բոց ալ ըլլայ, չի կրնար դիմագ-
րել զէնքի ուժին: Յաղթանակը կը ժպտէր ուրեմն ի-
րեն: Բայց որոշ կասկած մը կը չարչրէր, կը լլիէր դեռ
իր միտքը: Միհրանը երեւան չէր ելած տակաւին, եւ

ո'չ ալ իր զէնքը յանձնած: Պէտք էր ամէն ջանք թափել
ձեռք ձգելու համար այդ խիզախ երիտասարդէ՝ որ մի-
եւնոյն ատեն նշանածն էր զեղանի հայուհիի մը: Գայ-
մագամը տեսած էր այդ զեղուհին հայ մեծաւորներէն
մէկուն յարկին մէջ եւ վառուած՝ անոր աչքերուն լո-
ցէն: Ներկայ անիշխանական շրջանը ամէն իրաւունք
կուտար իրեն՝ ցուցադրելու իր խենէչ զաղանաբարո-
յութիւնը, եւ իր լովիրչ ըրթներով պղծելու անմեղ,
չքնաղ աղջկան մը կուտութիւնը: Ամենէն հետին բանն
էր այժմ զայդ ընել, բայց ի՞նչպէս համարձակիլ առ-
նել այդ քայլը, առանց մէջտեղէն վերցնելու Միհրանը:

Չէ՛, իր մտադրութիւնը գործադրելէ, եւ կամ նոյն-
իսկ այդ մասին ակնարկութիւն մը ընելէ առաջ, պէտք
էր ձեռք ձգել Սիրանուշին նշանածը. այլապէս, հա-
զարդվանի փորձանքի մը նման, անիկա անպայման կը
թունաւորէր իր երջանկութիւնը: Հայ յեղափոխականը
հրաշագործ էակ մըն է, որմէ կ'ահաբեկի չարածին
ուղեղը: Միհրանը մինակ էր այժմ թերեւս, միս մի-
նակ, բայց չէ՞ որ զէնք ունէր դեռ, սուր ու դաշոյնի
ձեռք կը զարնէր: Ո՞վ դիտէ թէ օր մը, սեւ գիշերուան
մը մէջ, իր ննջասենեակի պատուհանէն, եւ կամ ձե-
ղունին անտես, աներեւոյթ մէկ ճեղքուածքէն գնդակ
մը պիտի չսուրար ծակելու իր գանկը եւ դուրս թա-
փելու իր ուղեղը. ո՞վ դիտէ թէ իրեն անծանօթ հազար
ու մէկ միջոցներով, խոր քունի մէջ խոկացած մէկ պա-
հուն, վրէժինդիր դաշոյն մը պիտի չմխուէր իր կո-
րոդը, եւ կամ խոշոր, հսկայ կացին մը չճզմէր, չը
ջախջախէր իր հրէշածին գլուխը:

Այսպէս կասկածու են միշտ ալ վատերը: Մինչեւ
հիմակուան իր առած քայլը ընդհանրական բնոյթ կը
կրէր, եւ յետոյ, դեռ ուեւէ մէկուն մազին դպած ալ
չէր: Յեղափոխական ծանօթ չորս դէմքերը արդելան-
քի տակ առած էր միայն. հետեւաբար, վախնալու ո-
րոշ պատճառ մը չունէր: Բայց իր ծրագիրը կիսկատար

կը մնար դեռ : Գիտնայիք, ի՞նչքան ակուայ կը կրծտեցը-նէր Միհրանին հանդէպ, երբ միտք կը բերէր Միհրա-նուշը, այդ փափուկ, կաթնաթոյր աղջիկը : Այդ էդը իր գերին եղած պիտի ըլլար այժմ, իր թեւերուն մէջ, իր դդայութիւններուն ենթական, եթէ միայն ան միւ-սը, անոր նշանածը, բաղդին քմահաճ մէկ կարգադրու-թեամբը, ձեռքէ փախած չըլլար :

Ի՞նչ ընէր, վնասուել տար զինքը, բայց ատիկա կրնար հեռացնել զայն քաղաքէն, եւ այդ ատեն, սար-սափին ուրուականը՝ դամոկլեան սուրի մը հանդոյն՝ մշտնջենապէս կախուած պիտի մնար իր գլխուն վերեւ :

Զէ՛, խստութիւնով չէր կրնար գլուխ ելնել այս յե-ղափոխականներուն հետ : Անուշ լեզուն միայն կրնար գործ մը տեսնել : Նախ այդ պէտք էր փորձել, եւ անոր վրիպումէն վերջն էր միայն, որ այլ միջոցներու վրայ պիտի արժէր միտք յոդնեցնել :

* * *

Միհրանին մօրեղբայրն էր Սահակ աղան, եւ Միհ-րան իր մօրեղբօր թուլամորթութիւնը, աղդային խըն-դիրներու հանդէպ անոր ունեցած անտարբերութիւնը դատապարտելով հանդերձ, կը յարդէր անոր բարի մարդու շիտակութիւնը : Գիտէր որ սուտ չէր խօսիր այն, եւ մէկու մըն ալ չարիքը չէր ուզէր : Գայմադա-մը անդիտակ չէր Սահակ աղայի՝ ընդհանուրէն վայե-լած այս կերպ յարդանքին : Ուստի, իր մօտը կանչեց զայն եւ ըստւ .—

«Սահակ աղա, գիտես որ ես Հայերը շատ կը սի-րեմ, եւ կը տեսնես որ իմ քաղաքիս մէջ ցարդ մէկու մը քիթն իսկ չարիւնեցաւ : Կեդրոնէն հրաման եկած էր ինձ, հաւաքել զէնքերը եւ ձերբակալել յեղափոխական ծանօթ հինգ պետերը : Հրամանը գրեթէ գործադրուած է ամբողջապէս, միայն Միհրանը, քու քեսորդիդ կը մնայ դուրսը : Եթէ քու, Միհրանին, անոր անեցինե-րուն, եւ այս քաղքի Հայերուն բարիքը կ'ուզես, պէտք

է որ Միհրանը գտնես, եւ համոզես որ յանձնուի : Ու ես պսակիս, եւ հօրս գերեզմանին վրայ երդում կ'ը-նեմ թէ ուեւէ վնաս պիտի չհասնի իրեն : Զինքը բան-տարկել ալ պիտի չտամ, այլ քու խարերդ համար զէն-քերը ստանալէս յետոյ, աղատ պիտի արձակեմ դայն եւ իր միւս ընկերները : Այսչափ մը բան ընել անհրա-ժեշտ է, որպէսպի ես ալ կարենամ հաղորդել Բարձրա-գոյն Դրան թէ հրամանը գործադրուած է, եւ ձերբա-կալուողները իրենց զէնքերը յանձնած, եւ կատարեալ հպատակութեան երգում տուած ըլլալով աղատ թող-ուած են :

«Ուստի, լուր ձգէ անոնց տունը — անոնք անոր ուր ըլլալը կը գիտնան անշուշտ — որ գայ քեզ տեսնէ, եւ իր գալէն յետոյ, ինձ ալ լուր զրկէ որ ես ալ զամ ու երկուքս մէկ համոզենք զինքը, եւ այս փորձանքը — վերէն եկող հրամանը — վանենք մեր գլխէն» :

Սահակ աղան, միամիտ մարդ, հաւատաց գայմա-գամին խօսքերուն, եւ նոյն օրն իսկ թախանձադին ինդրեց Միհրանի տնեցիներէն, որ անպատճառ իրենցը հանդիպի մէկ մը, ըսելիք ունի :

Տնեցիներ հաղորդեցին լուրը Միհրանին, եւ Միհ-րան, մօրեղբօր խօսքերուն վստահելով հանդերձ, սպա-սեց մօտաւորապէս շաբաթ մը : Եւ օր մըն ալ, կէս գի-շերուան մօտ, երբ փողոցները այլեւս ամայացած էին ամբողջապէս, եւ անձրեւոտ երկինքը, թանձր խաւարի մը մէջ մթնցուցած էր բովանդակ տիեզերքը, անիկա, վերէն վար զինուած, մօրեղբօր տունը առաւ շունչը :

Ծառան զայն վեր հրամցնելէ յետոյ, լուր տուաւ էր տիրոջ, որ պատուիրեց անոր՝ անմիջապէս իմաց տալ գայմադամին . եւ ինքը՝ վերարկուն հաղնելէ յե-տոյ, Միհրանին քով ելաւ :

Անոնք քանի մը բոպէ հաղիւ տեսակցած էին մէկ-զմէկու հետ, երբ յանկարծ, չորս ոստիկաններ՝ ներս մտնելով, յարձակեցան Միհրանին վրայ, բռնեցին

դայն, շղթայեցին եւ զինաթափ ընելէ յետոյ անկիւնը ձգեցին:

Գայմադամը այս անարիւն յաջողութենէն խելայեղ, նոյն վայրկենին իսկ բերել առուաւ Սիրանոյշը, եւ հակառակ անոր հաղար ու մէկ ընդդիմութիւններուն, դայն բոնի իր բազուկներուն մէջ առած՝ մտաւ Սահակ աղայի սենեակէն ներս, եւ Միհրանին դէմ կանդնելով ոռնաց. —

«Զե՞ս յանձնուիր, հա՞... կառավարութեան քթին իը խնդաս, եւ կը կարծես թէ մարդ չի կրնար ձեռք տալ քեզի եւ քու նշանածիդ: Տե՞ս, ահա այսպէ՞ս կը տիրանան այս հուրիին»:

Մինչեւ այն ատեն Միհրանի դայրացմամբ եւ արհամարհանքով ողողուն դէմքը փոխուեցաւ, գունաթափուեցաւ յանկարծ, եւ աչքերէն արցունքի կաթիւներ այտերէն վար սահելով թրջեցին գետինը:

Ոստիկաններէն երկուքը բանտ տարին Միհրանը, իսկ միւս երկուքն ալ Սիրանուշը առնելով, հետեւեցան դայմադամին, մինչեւ անոր տունը:

* * *

Սահակ աղան ա՛լ անկողին չդարձաւ այն դիշեր: Քարացած մնաց կեցած տեղը: Բարի մարդու իր հաւատքը կը խախտէր այժմ, եւ գայմադամին լրբութիւնը՝ դայն սքօղող ծածկույթներէն մերկացած՝ կը տանչէր, կը տառապեցնէր զինքը: «Ո՞րպիսի ստորին ստախոս մըն է եղեր այս մարդը, ի՞նչքան քծնող կեղծաւոր մը, ո՞րքան անողայ սրիկայ մը» կ'ըսէր Սահակ աղան ինքնիրեն, ու կը ցաւէր, դառնօրէն կը ցաւէր որ ինք, ստանց գիտնալու, միամիտ գործիք մը եղած էր այս անշահ չարագործին ձեռքը:

Իր աչքերէն չէր հետանար բնաւ գաղանի մը թաթերուն մէջ պրկուած զեղանի կոյսի մը անմեղ, տկարնայուածքը, որուն ի տես, բուն իսկ իր տէրը, իր հուժ-

մատնութեամբը, շղթայուած, կապուած, կաշկանդըւած, կուլար անզօր մանուկի մը պէս...: Օ՞հ, այդ արցունքը... անզօրութեան, գերութեան, բան մը չը կրնալ ընելու գիտակցութեան արցունքը՝ որ կ'այրէլ կողերը, եւ ամօթի մը զգացումովը կը տոչորէր ենթական: Իրաւունք ունենալ, եւ միեւնոյն ատեն զգալ ուժը բունցքիդ մէջ՝ ճզմելու, ջախջախելու, յօշուելու դէմդի իր ակունքը ցցող գաղանը, եւ միեւնոյն ատեն, պղտիկ մանկան մը պէս, անզօր, անզօր ըլլալ ճկոյթդ իսկ չարժելու...: Ա՞հ, ինչո՞ւ պատճառ եղած ըլլար ինքը՝ որ իր քեռորդին, Միհրանը, աղատ լեռները, անսահման դաշտերը թողլով գար, եւ բանտըւած թոչունի մը հանդոյն՝ իր գաւաճանուած ճակատագիրը սղար...:

Ո՞ւհ, այդ արցունքը, յեղափոխականի, կտրիճի, կոնակը քարին չբերուղի արցունքը՝ որ կ'իյնար ու կը թրջէր իր յարկին տախտակամածը: Աստուա՛ծ իմ, հրա՛շք մը այս գիշեր, հրա՛շք մը, որ քակուին շղթաները, բացուին բանտին դռները, ու վրէժինդիր ձեռքեր երթան սեղմել կոկորդը անոր՝ որ իրը չեղած կոյշի մը թարմ մարմինին բոյրովը կը գինովնայ այժմ: Ի՞նչ անզութեն այս անիծեալ աղդին պաշտօնեաները, Աստուա՛ծ իմ, ի՞նչ անզութեն, որ արցունքներու հանդէպ կը քրքջան եւ գիւային հեղնութեամբ մը կը ծիծաղին: Լացող գեղեցկութիւն մըն էր Միհրանին դէմքը՝ որ տեսակ մը սրտառուչ բան ունէր իրեն մէջ: Բանաստեղծութիւն մըն էր այդ արցունքը՝ որուն մէջ յայտնապէս սէրը եւ զայն պաշտպանելու աւաղելի անզօրութիւնը կը պահուէին: Զըսուած, չարտայայտըւած վշտին լեզուն էր այդ արցունքը՝ որ կենդանի սըրտերէն յուսահմատ՝ կուզար շարժել շուրջի անշունչ իրերը: Վէրք մը, խորունկ վէրք մը կար այժմ բացուած յեղափոխականի կուրծքին ներքեւ, եւ արցունքը՝ բուժելու անկարող՝ կ'իջնէր ամոքել զայն: Անզօր վրէժ-

Խընդրութեան մը կայծն էր որ կը բորբոքէր այդ անդայտ, անդօր, տկար հեղուկին մէջ, եւ Սահակ աղան կը զդար, կ'ըմբռնէր այդ ճշմարտութիւնը: Բայց ի՞նչ կրնար ընել ինքը. չէ՞ որ անխոհեմ ոեւէ շարժում աւելի գէշին կրնար առաջնորդել ձերբակալուղներուն բաղը...:

Գիշերը կը յառաջանար սակայն, եւ արշալոյսը ծայր տալ կը սկսէր: Ա՛յս, ի՞նչ պիտի ըսէին վաղը իր ծանօթները, ո՞րքան պիտի մեղադրէին դինքը, ի՞նչ ըսէր, ի՞նչպէս հասկցնէր անոնց՝ իր անդիտութիւնը, իր տաղնապը, իր ապաշաւը:

Կուսցած էր: Անձրեւոտ դիշերէն յետոյ, ամառուան արեւը կը շողար այժմ: Ասհակ աղան դուրս ելած չէր դեռ սենեակէն: Կինն էր որ առաջին անդամ ներս մտաւ, եւ սթափեցուց զայն իր թմբութենէն:

Տեսնէի՞ք, ո՞րքան տժգոյն էր ան, ո՞րքան յոդնած, ո՞րքան ուժասպառ: Օրն իրեն համար չէր այլեւս: Աչքերը կը մթնէին, դլուխը կը դառնար, ձեռքերը՝ դործելու անտրամադիր՝ կ'իյնային սեղանին վրայ: Առաջին անդամն էր որ այսպիսի վիճակի մը կ'ենթարկուէր:

— Ո՞ւհ, այդ արցո՞ւնքը, կնի՞կ, ապառաժի պէս հզօր, սարի պէս տոկուն այդ մարդուն արցունքը, եթէ տեսնէիր... Ու մտածել որ ես էի պատճառը, ե՛ս, ե՛ս, ե՛ս...:

Ա՛լ չկրցաւ շարունակել խօսքը. բան մը կ'այրէր կոկորդը, եւ հեկեկալով բազմոցին վրայ ինկաւ նուաղած:

* * *

Առաւօտուն տեղահանութիւնը սկսած էր արդէն, փողոցներուն մէջ տիրող լացն ու աղաղակը կը գլէին կ'անցնէին ամէն սահման: Դիւային ծրագրի մը ամբողջական գործադրութիւնը նո՞ր էր որ իրականանալու ճամբռուն մէջ կը դրուէր: Գացին անոնք, եւ ո՛չ ոք իմացաւ անոնց ճակատագիրը:

— 44 —

* * *

Գայմադամը խղճաց մէկ քանի Հայերու, մէկ երկու անջիղ, անլնասս Հայերու, եւ զանոնք իր մօտ կանչելով յանձնարեց անոնց՝ դաւանիլ մահմետական կրօնքը, փաթթել ձերմակը՝ գլխնուն, եւ ապահով շարունակել կեանքը՝ իրենց տուներէն ներս: Համակերպեցան կանչուողները, որոնցմէ մէկն էր նաեւ Սահակ աղան, որ առանց զիտնալու, խելակորոյս անձի մը նըման ըրաւ, ինչ որ ըրին ուրիշները:

* * *

Այդ օրն ալ իրիկուն եղաւ, մութը նորէն պատեց երկիրը, եւ Սահակ աղան՝ անկողնին մէջ պառկած՝ մէկ կողմէն միւսը կը դառնար քիչ մը հանգիստ, քիչ մը կազդոյր գտնելու համար:

Ի՞նչ օրեր են ասոնք, Աստուած իմ, ի՞նչ օրեր, կը մտածէր ան, եւ հոգեկան մէկ տագնապէն չազամած, ուրչ տագնապի մը մէջ կը գտնէր ինքինք:

Տարիներ տարիներով Աւետարան կարդալ, Սուրբ Գիրքով սանակիլ, Քրիստոսով երդնուլ, եւ այսպէս, մէկ վայրկեանէն միւսը, նետուիլ մահմետականութեան ծոցը: Ա՛հ, ինչքան ազնիւ էր իր քեռորդին Միհրանը՝ որ յեղափոխականի իր հաւատքին մէջ անխախտ, կ'արհամարհէր յանձնուիլ, եւ իրա՛ւ ալ զինաթափ չպիտի ըլլար բնաւ, եթէ երբէք չար բաղդը, ա՛յնպէս, անակնկալօրէն չկաշկանդէր զինքը:

Դաւանակիսութիւն... նախ որ սրտանց եղած բան մը չէր անիկա եւ յետոյ ի՞նչ ընէր, կեանքը կը սիրուէր միշտ ալ: Աստուած գիտէր որ ինք քրիստոնեայ է ներքնապէս, ու յետոյ, երբ պատերազմը վերջանար, եթէ սանկ քիչ մը կամքի ազատութիւն տիրէր, ինք նորէն իր նախկին հաւատքին պիտի դառնար: Բայց կասկած մը, չարագուշակ, սեւաբախ կասկած մը կը տանձէր զինքը: Ի՞նչ պիտի ըլլար իր բաղդը, եթէ երբէք, պատերազմը վերջանալէն առաջ, իր այս ներկայ դա-

— 45 —

ւանանքին մէջ, մեռնէր յանկարծ... Ո՞ւհ, այս մտա-
ծումը կը սարսէր զինքը, եւ ինք՝ դողէ մը բոնուածի
պէս՝ կը սարսուար :

Կ'արժէ՞ր իրապէս ա'յսքան ուրացում սա՛ կեանքին
համար, որուն դարանակալ կը սպասէ մահը եւ որ, ուշ
կամ կանուխ, պիտի ընկճէ զայն անպայման: Ինչո՞ւ
չելնալ, չցցուիլ այժմէն բոլոր անարդարութիւննե-
րուն դէմ, եւ սպայքարողի մը ուժեղ հաւատքովը նետ-
ուիլ մահուան գիրկը... Սիրելիներու ժպիտը կայ սա-
կայն, յետոյ անոնց խեղճուկ, որբունի նայուածքը՝ որ
կեանքին կը կապէ մեղ: Պոդիկ հոգիներուն գործը չէ
արհամարհէլ կեանքը: Զայդ ընելու համար, ամենէն
աւելի անձնազոհութեան ու բուռն հայրենասիրութեան
ոգիով վառուած պէտք է ըլլայ մարդ... բաւական
ճամբայ կայ դեռ կտրելիք դէպի այդ...:

Լուսոյ դիմ, մտածումները հանդիսատ թողուցին
զինք քիչ մը. բայց անիկա՝ պղտիկ մրափ մը առնելէ
յետոյ՝ բացաւ աչքերը: Կինն էր որ արթնցուցած էր
զինքը, մինչ անիկա՝ իր խոռվայոյլ քունին մէջ նա-
խորդ գիշերուան երեւոյթներն երազելով՝ կը ճար —
Միհրա՞ն, Միհրա՞ն, ե՛ս էի, ե՛ս էի, ե՛ս էի:

* * *

Գայմադամը իր ակնկալած վերաբերութիւնը չգը-
տաւ Սիրանուշին մէջ: Իր միակ սիրոյն հաւատարիմ
այս հայուհին՝ հոգին բովանդակ թափովը կ'ատէր սա
գաղանը, սա հրէշը՝ որուն շրթները կը լորձունքոտէին,
ու աչքերը կը խոշորնային գերզգայութեան վայրկեան-
ներուն: Գայմադամը ի զո՞ւր նախ փաղաքած էր զայն,
եւ յետոյ՝ սպառնացած անոր: Անիկա նոյն անդրդուե-
լի ապառաժը մնացած էր:

«Պէ՛տք է դասը տալ այս սառ աղջկան, կ'ըսէր ինք-
նիրեն գայմադամը, պէ՛տք է գերուհի մը նկատել զայն
այլեւս, եւ իր մէջէն մի անդամ ընդ միշտ հանել նշա-
նածին շուրջ սնուցած իր յոյսը»:

— 46 —

* * *

Ուրբաթ էր այն օրը, ֆէյֆի օր, եւ գայմադամը
խնձոյքի հրաւիրած էր մէկ քանի բարձրաստիճան պաշ-
տօնեաներն ու իրեն մօտիկ բարեկամներէն ոմանք, ո-
րոնց մէջն էր նաեւ Սահակ աղան:

Ճաշը լմնցած էր արդէն, ու գլուխները մասամբ
ֆէյֆ եղած՝ երբ գայմադամը հրամայեց ներս բերել
Սիրանուշը եւ ստիպել որ պարէ անիկա: Աղջիկը մէր-
ժեց կատարել այդ հրամանը: Խարազանի հարուածնե-
րուն տակ ընկճուեցաւ անոր մարմինը, եւ Սահակ աղան
տեսաւ որ ա'յնքան առողջ, ա'յնքան առողջ այդ աղջի-
կը՝ քանի մը օրուան մէջ, հալեր էր, հատեր: Մեղ-
րամոմէ պուպիկ մըն էր ան այժմ, զուրկ գոյնէ ու
կենսունակութենէ, ու մարդակերպ հրէշներ սիրտ կ'ը-
նէին դեռ ստիպելու որ պարէ անիկա:

Սահակ աղա այս խորհրդածութեանց մէջ ընկըլ-
մած էր, երբ գայմադամը աչքով նշան մը ըրաւ, ո-
րուն վրայ, երկու սպասաւորներ՝ վարագոյրի մը ծայ-
րերէն բոնած՝ ներս մտան սենեակէն, ու կեցան հան-
դիսականներուն դէմը: Այս երեւոյթը, ինչպէս բոլորին
նոյնպէս եւ Սահակ աղային, ուշագրութիւնը գրաւեց:

Բաժակները նորէն լեցուեցան, եւ գայմադամը՝
զաւաթը ձեռքը բոնած՝ ոտքի կեցաւ. իրեն հետեւեցան
բոլոր հանդիսականները. անիկա խորհրդաւոր ձայ-
նով մը ըստա. —

«Վարագոյրը բացուած ատեն, խմենք այս գաւա-
թը այն յաջողութեանը համար, որ այժմ թաքնուած է
անոր ետին»:

Գայմադամին ձեռացի մէկ նշանին վրայ, վերցը-
ւեցաւ վարագոյրը, եւ տեսնուեցաւ որ հինգ գլուխներ՝
իրենց մարմիններէն անջատուելով՝ բերուած, շար-
ուած էին հոն քովէ քով: Ծանօթ հինգ յեղափոխական-
ներու գլուխներն էին անոնք, որոնց մէջ ամենէն յատ-
կանշականն էր Միհրանինը՝ որուն աչքերը չէին փակ-

— 47 —

ուած : Դիսլուածի մը արդի՞ւնքն էր արդեօք այդ , թէ մասնաւոր քմահաճոյքի մը , ո՞վ գիտէ : Հանդիսական-ները պաղարիւնութեամբ ու տեսակ մըն ալ հրճուանքով դիտեցին այս տեսարանը , ու մինչ կը պատրաստուէին պարպել բաժակները , յանկարծ սարսուռ մը եկաւ Սահակ աղային վրայ , տեսակ մը դող՝ զոր չկրցաւ զսպել , ու թոյլ տուաւ որ ձեռքի գաւաթը դետին իյնայ ու փը-շուր փշուր ըլլայ : Միրանուշ՝ որ մինչեւ այն ատեն ե-րեսը պատին դարձուցած ըլլալով՝ ոչինչ նշմարած էր , այս ձայնէն սթափելով ետեւը դարձաւ յանկարծ , ու գլուխները տեսնելով փակեց աչքերը , եւ անզգայ՝ ին-կաւ տախտակամածին վրայ :

Սպասաւորները սենեակէն դուրս քաշեցին զայն եւ դլուխներն առնելով հեռացան :

Գայմադամը Սահակ աղային մօտենալով՝ ջանաց մխիթարել զայն :

«Մի՛ վախնար , ո՛եւէ վտանդ չկայ անոնցմէ , ամէ-նուն ալ բանը բուսեր է : Քիչ վերջ կ'երթաս հանդիստ կ'ընես , անհո՛գ եղիր» :

* * *

Սահակ աղան իր տունն էր այժմ : Ի՞նչպէս եկած էր , ի՞նչպէս շիտակ դտած էր ճամբան՝ ինքն ալ չէր դի-տեր : Կը յիշէր միայն որ ներս մտած ատեն , կինը դի-մաւորած էր զինքը ու հաղորդած իրեն թէ ծառան , նոյն օր հիւրանոցը մաքրած ատեն , պղտիկ ատրճանակ մը գտած էր բաղմոցին վրայ : Ի՞նչպէս եկած էր այդ ատրճանակը հոդ — Միհրանին վրայէ՞ն ինկած էր արդեօք , ոստիաննե՞րը մոոցած էին զայն հոն , գայ-մադամը ձգած էր Սահակ աղային հաւատարմութիւ-նը փորձելու համար , թէ ծառայինն էր , որ ժամանա-կին յանձնած չէր , եւ այժմ ալ չկրնալով տեղ մը պար-տըկել զայն , կ'ուղէր այս կերպով նետել վրայէն . ո՛չ ոք գիտցաւ , եւ ո՛չ ոք կրցաւ մեկնարանել զայդ : Ի՞նչ պէտք էր ընէր այժմ Սահակ աղան , յանձնէր՝ չղիտի

հաւատային իրեն , եւ պիտի ըսէին թէ ինք անհաւա-տարիմ եղած էր , եւ այժմ՝ վերջին սարսափը կրելէն յետոյ էր որ ստիպուած՝ կը յանձնէր . չյանձնէր՝ դու-ցէ զինք փորձելու համար ձգուած ըլլար հոն . . . Ո՞վ գիտէ , թէրեւս Աստուած զրկած էր զայն՝ մեծ չարա-գործ մը վերցնելու աշխարհէն . . . ա՛հ , այդ չարագոր-ծը . . . կեղծաւոր , նենդամիտ . . . կուսալիղծ մարդաս-պան այդ գաղանը . . . մա՞րդ է այդ , բանականութի՞ւն ունի , իմ՞ո՞ղն ունի , դո՞ւթ ունի . . . փոթորկին մէջ ոռ-նացող գայլը նուազ անողոք է քան այդ եղեռնագործը : Դժո՞խը . . . բայց նոյն ինքն դժոխքն է այս : Պէտք է քանդել , պէտք է քանդել այդ դժոխքը : Զարն զգետ-նելով կը հարթուի դրախտի ճամբան :

Հայ եմ . . . հապա սա ճերմա՞կը՝ որ ճակտիս վրայ անարգանքի մը պէս կը խարանուի . . . հայ եմ . . . ու մինչ իմ աղդակիցներս կ'անձիտուին , ես հոս , սա՛ լըկ-տիներուն հետ կը նստիմ կ'ենեմ : Պէտք է , պէտք է գիտցնեմ թէ հայ եմ ես , եւ եթէ հայու պէս չապրե-ցայ , գիտեմ մեռնիլ հայու պէս . . .

Անջատուած գլուխին այդ աչքերը , մահուան մէջ բաց մնացած , լոյսէ , կենդանութենէ , ժպիտէ , սէրէ զուրկ այդ աչքերը շատ բան կը խօսին սրտիս : Անոր ամբողջ հոգին էր թաղուած անոնց մէջ : Ատելութեան , արհամարհանքի , վրէժի ոգին՝ որ այժմ կը բոցավա-ռէ զիս ա՛յնքան :

Ճակատագի՞ր . . . ի՞նչ անիմաստ բառ է այս , ո՞ր հնարած են մարդիկ խարելու համար ինքինքնին : Սը-խալ շարժում մը , անխորհուրդ արարք մը՝ կը յառա-ջացնէ անակնկալ , անախորժ արդիւնքներ , եւ մարդ-կութիւնը ճակատագիր անուամբ կ'որակէ զանոնք : Ո՞վ կ'ըսէ թէ Միհրանին ճակատագրուած էր ա՛յսպէս անարգօրէն խոշտանդուիլ , եթէ երբէք ես չկանչէի զայն տունս , ու լուր չտայի գայմագամին , այդ անի-ծապարտ , ստորին արարածին : Ո՞վ կ'ըսէ թէ երէկի

Հքնաղ աղջիկը այսօրուան մեղքամոմէ պուպրիկը պիտի դառնար, եթէ իմ անխորհուրդ մէկ շարժումս ըլւլար... Ե՛ս կերտեցի այդ ճակատագիրը, եւ Ե՛ս պէտք է որ քաւեմ զայն այժմ:

Ունեցածդ ուրիշը վայլէ, հարստութիւնդ ուրիշը մսիչ, գէնքերդ ուրիշը կրէ, ու այս ըսուի ճակատագիր հէ... Մէկը պառկի անկողին, ու միւսը քբքջայ այդ դիակին վրայ ու մէկ մը չգտնուի պոռակու այդ անամօթութիւնը՝ հեղինակին ճակտին... Ե՛ս պիտի ընեմ դայդ:

Բայց բան մը կայ, որ կը չոքի կուրծքիս, որ կը չղթայէ ձեռներս, որ կը սեղմէ կոկորդս... Ի՞նչ չուանէ այս՝ որ կանցնի ահաւասիկ վիզս, ու կը պրկէ, կը պրկէ զայն անխնայ... Ո՞ւհ, սարսափն է այդ գիտեմ, մահուան սարսափը՝ որ կ'ահարեկէ զիս, ու կը ցըռէ բոլոր լաւագոյն մտածութիւններս...: Ի՞նչ չըուկ է այս, դահի՞ն է արդեօք որ կը մօտենայ ինձի... մութէ դուրսը... հովն է որ կ'աղմէկէ չուրջս... լուս է սիրտս, լուս՝ ինչպէս մահը: Բայց կոկորդս կը պրկուի տակաւին... գիտեմ, անկենդան դիակ մըն ալ ես պիտի ըլլամ վաղը, ու ա՛լ պիտի չըլլայ այն եսս՝ որ այժմ կը խոկայ, կը ծրագրէ, կը սարսուայ այսպէս... Ա՛լ պիտի չըլլայ... ա՛լ պիտի չխօսիմ... ա՛լ պիտի չերդեմ... ա՛լ անոնց ճայնը պիտի չլսեմ... ա՛լ պիտի չողջագուրեմ զանոնք... Ո՞ւհ, սոսկալի է այս. չէ՛, պիտի ապրիմ, պէտք է որ ապրիմ...: Ճապա աչքէ՞րը... ճապա արի՞նը... ճապա ապակի՞րը... ճապա աստրանա՞կը ու զայն զրկող Աստծոյն կա՞մքը...:

Ո՞չ, վազն իսկ գայմագամին պաշտօնատեղին պիտի երթամ ես, եւ աթոռ մը առնելով ճիշդ իր դիմացը պիտի նստիմ, ու ատրճանակս ճակտին ուղղելով պիտի կրակեմ... այսպէս ճանդիսաւոր կերպով պիտի

սպաննեմ զայն, ու ձերմակը դլսէս հանելով պիտի նետեմ գետնին վրայ ու ըսեմ. «Սպաննեցէ՛ք զիս, Ճա՛յ եմ ես»:

Ա՛լ հիմա կրնամ հանդիստ զգալ ինքզինքս: Գրպանիս մէջն է այժմ վրիժառու ատրճանակը. ա՛յս է որ առանձինն պիտի կատարէ հաղար անդէն մարդերու ընել չկրցածը:

Առաջին անգամն է որ ատրճանակ ձեռքս կ'առնեմ իրաւ, բայց գիտեմ որ ահա սա բլթակը քաշելով է որ կը սուրայ գնդակը... զգո՞յշ, մասս չմօտենայ այժմ անոր, մինչեւ վաղը, մինչեւ հանդիսաւոր վայրկեանը, երբ գնդակը սուրալով դուրս պիտի բերէ մարդակերպ դաղանի մը ըզեղը:

* * *

Առաւոտը լուսցաւ: Արեւն իր սոկին ցանեց գաշտերուն մէջ: Կեանքն սկսաւ իր սովորական ընթացքը:

Սահակ աղան, առանց բառ մը իսկ ըսելու իրեններուն, ստուերի մը պէս դուրս սահեցաւ տունէն:

Գլուխը կը գառնար, աչքերը կը մթաղնէին, ծունկերը կը կթստէին, տեսակ մը աներեւոյթ էակ կը չոքէր կուրծքին, շունչը գժուարաւ դուրս կ'ելնէր կոկորդէն, անցնող գարձողները չէին գրաւեր իր ուշագըրութիւնը, մէկ երկուքին բարեւը միայն կրցաւ առնել, եւ տեսաւ որ կը գողար ձայնը: Արտակարդ յուղում մը սարսած էր իր զլային դրութիւնը: Նոր կերպարանափոխութիւն մըն էր այս, անօրինակ, անսովոր կերպարանափոխութիւն մը՝ որ տիրած էր իր ամբողջ հութեանը:

Պահ մը ետ դառնալ մտածեց. վարանեցաւ, շուարեցաւ, կեցաւ. բայց անօրինակ, անձանօթ, անանուն ուժ մը յառաջ մղեց զինքը:

Կառավարութեան շէնքէն ներս, երկրորդ յարկը տաննող սանդուղներուն առջեւ, տկարութիւն մը եկաւ

վրան, տեսակ մը ապաշաւ, որուն սակայն յաջորդեց զօրաւոր հաստատամտութիւն մը՝ որ քաջութիւն տըւաւ իրեն՝ մօտենալ դուռին, ու զայն բանալով ներս մտնել սովորական պաղարիւնութեամբ:

Գայմագամը աթոռ մը հրամցուց անոր՝ իրեն մօտ: Սահակ աղան նստաւ: Ակզբի մէկ քանի բոպէներուն մէջ պահեց իր պաղարիւնութիւնը, բայց վերջէն ո՛չ իրեն եղած հարցումները կրցաւ ըմբռնել եւ ո՛չ ալ կրցաւ անդրադառնալ իր տուած պատասխաններուն:

Մէ՛կ տիրական խորհուրդ միայն ունէր ինքը — դայմագամին դէմն անցնիլ, եւ ա'յնպէս մը պարզել որ չըրիպի գնդակը:

Սահակ աղային սարէն ձորէն տուած պատասխանները ա'յն համոզումը դոյացուցին դայմագամին միտքին մէջ, թէ անիկա նախորդ գիշերուայ տպաւորութեան տակ կ'ապրի դեռ:

«Գնա՛ քիչ մը հանդի՛ստ ըրէ, Սահակ աղա» դիտել տուաւ դայմագամը:

«Երթա՛մ հա՛» ըստ Սահակ աղան, եւ հանդիպակաց պատկերը դիտելու պատրուակով՝ դայմագամին դէմը անցաւ: Հետզհետէ աւելի ճշդեց իր դիրքը, մինչեւ որ համոզուեցաւ թէ դապանին դէմն էր իրապէս, եւ գնդակը կրնար ուղղակի ջախջախել հրէշին դանկը: Գայմագամին դարձուց երեսը, եւ ատրճանակը դըրպանէն հանելով քաշեց բլթակը: Պո՛ւմ... սլացաւ դընդակը, եւ ատրճանակը վար ինկաւ անոր անհաստատ, դողդոյուն ձեռներէն: Վրիպած էր նշանը, եւ դայմագամը կատղած՝ կ'ոռնար բարձրագուչ — «ջախջախեցէ՛ք այդ անհաւատին դանկը»:

Հրացաններուն կոթերը կ'իջնէին անոր դիմուն վըրայ, մինչ անիկա՝ իր հազիւ բացուող ակռաներուն մէջէն կ'աղաղակէր —

«Օ՛խ, ի՞նչ լաւ է այս, Աստուա՛ծ իմ, ի՞նչ լաւ է որ Հայու պէս կը մեռնիմ»...:

Զ Ո Ն Ը

Աւելի քան տասնեակ մը տարիներ անցեր են անկէ ասդին, յորմէ հետէ տեսայ ես տիկին Երանուհին — դեղեցկութեան մը դիմագծերը կրող այն կինը՝ որ դեղներ, հալեր, հիւծեր էր գրեթէ: Աղուորութիւն մը ըլւալու սահմանուած այդ էակը կ'ապրէր այլուրութիւն մը, տարտամ, բացակայ երազ մը, ուրուականներու, չար ողիներու յաճախանք մը՝ որ դութդ կը շարժէր:

Զոհ մըն էր այն, զոհը կոտորածին՝ որ թաթառին պէս մեծցաւ եւ ուրագանին պէս ծաւալեցաւ ամբողջ Հայաստանի վրայ: Տառապանքէն, վախէն, սէրէն, ակամայ ոճիրէն ցնորած մը, իւելագարած մը՝ որ մինչեւ յիմարանոցն էր նետուեր, ու կ'ապրէր անոնց հետ որ չուքերնուն հետ կը իսպային, աննպատակ, անկեանք նայուածքներ կ'ուղղէին ծառերուն, թուչուներուն, անցորդներուն ու քեզի, անձահ ծիծաղներ կը չույլէին, կուլային, խնդուքէ կը մարէին եւ անվերջ կը խօսէին հա կը խօսէին: Խեղած հոգիներ, որոնց մէջ ուղեղը հազարաւոր յոյզեր կը ծնէր, եւ որոնց մէջ բանականութիւնը կը բացակայէր սակայն: Ո՛վ գիտէ ո՛րպիսի յուսախարութիւններու, յաւէտ գդուըւած բայց չիրականացած երազներու, նիւթական թշուառութեան, անձառելի ախտածէտութեան, չըսուած վըշտերու, խաբուած սէրերու նոխազներն էին ասոնք, որ այսպէս իրարու մօտ հաւաքուած, մէկտեղուած, կ'ապրէին մէկզմէկէ անջատ եւ իրարու անհաղորդ:

Ամառ օր մը, յիմարանոցին պարտէզին մէջն էր որ հանդիպեցայ իրեն: Ան, տապէն հալածական, իր ընկերներու հետ միասին ծառերու շուքին էր բերուեր,

ևս՝ անբնականութիւններու հետաքրքիր՝ դաշեր էի տեսնել այն հոգիները՝ որոնք ամենէն խորթ զաւակներն էին ծներ բաղդին:

Ու դէմս էր այն, խոտին վրայ, ա'յնքան մեղմիկ, ա'յնքան անուշ, ա'յնքան բնական իր նայուածքով, որ պահ մը տարուեցայ խորհելու թէ մի՛ դուցէ չար նախանձի մը, թիւր մեկնաբանութեան մը եւ կամ բժշկական սիսալ փորձարկութեան մը զոհն եղած ըլլայ այն, եւ ես այս մասին ինձ ընկերացով բժիշկին հարց ուղղելու վրայ էի, երբ հիւազնապահ մը մօտենալով բաներ մը փափսաց անոր ականջին: Բժիշկը մէկ երկու բռպէի համար ինձմէ ներողութիւն ինդրելով մեկնեցաւ: Անիկա մէկ քանի քայլ առած էր արդէն, երբ ես, չդիտեմ ի'նչողէս, թերեւս ակամայ, թերեւս անդիմորէն եւ կամ թերեւս ժամանակն սպաննելու մտադրութեամբ, սիկառէթ մը ճանեցի եւ լուցկին քաշելով զայն վառեցի: Ճաղիւ թէ սակայն լուցկին բոց առած էր, երբ դէմս կեցող այդ անմեղունակ, բարի, խոհական նայուածքով տիկինը փոռուեցաւ գետինը, հողին վրայ եւ սկսաւ փետտել մաղերը, պատուել հաղուստներն ու խելայեղ ճիշերով աղմկել բոլորտիք:

Բժիշկը ետ դարձաւ անմիջապէս, ու պաղատագին եղանակով մը, հեւալով, հեւքտալով.— «Մի՛, մի՛ քաշեր սիկառդ, վա՛ր ձգէ խնդրեմ, ոտքիդ տա՛կը առ զայն, տրորէ՛»:

Սիրայօժար կատարեցի խնդիրքը: Բժիշկը այդ տիկնոջ քով դալով գուրգուրաց անոր վրայ, ու յետոյ երկու հիւանդապահ կանչելով զայն իր խորցը դրկեց եւ ինձ դառնալով յարեց.— «Զը գիտնալով ըրիք գիտեմ, բայց շատ գէշ էր վերջապէս: Յանցանքը իմս էր սակայն, պէտք էր որ ամէն պարագայի տակ զգուշացընէի կանխաւ»:

Եւ իմ հետաքրքրութեանս վրայ հետեւեալ պատմութիւնն ըրաւ ինձ անիկա.—

Դ. քաղաքէն է այս կինը, Տիրատուրեաններու նըշանաւոր գերզաստանէն: Տասնեւմէկ տարի է որ այս չէնքին մէջն է, եւ երբ եւ իցէ ճրադի լոյս չեն տեսած իրեն աչքերը: Զինք հոս բերողները, իր պատմութիւնն ընելէ յետոյ, ըսին նաեւ թէ երեկոները, ճրադն երբ վառի, անիկա կ'սկսի ճշալ ու փետտել մազերը: Յիմարութեան տեսակը ծանօթ էր այլեւս մեղի, եւ մենք առանձնացուցինք զայն սրբակի խորց մը՝ ուր մութին մէջ կը փակուի ամբողջ գիշերը, եւ առաւօտուն կատարելապէս լուսնալէ յետոյ միայն, կը բացուի իր խցիկին գուռու՝ ուրկէ գուրս զալով կ'սկսի չըրշաղայիլ պարտէղին մէջ, երբ պարզ է օդը:

Բացարձակապէս արդիլուած է ծխել չչնքէն ներս. բայց կ'երեւի թէ դուք ուշադրութիւն չդարձուցիք դըրան վրայ դրուած այդ պատուէրին, այլապէս, վըստահ եմ որ սիրով պիտի հապատակէիք: Այս տասնեւմէկ տարուան մէջ, առաջին անդամն ըլլալով, դուք էիք որ ծխելու փորձ ըրիք անոր ներկայութեանը, եւ լուցկինը բոցովն ու սիկառէթին կըակովն ու ծուխովը պատճառ եղաք որ անիկա անդամ մըն ալ ապրէր իր չարչարագին օրերը . . . :

Տասը տասնեւմէկ տարի առաջ, Խաչի շաբթուն Ուրբաթ օրը, առաւօտ կանուխ, մարդիկ հազիւ թէ բացած էին իրենց աչքերը օրուան լոյսին, երբ չուներն ուննալ սկսան ամէն դիէ: Անօրինակ խորժան մը, փողոցներուն մէջ խոնուած, սպաննական աղաղակներով կը լեցնէր միջոցը: Յանկարծ հրացան մը պայթեցաւ, յետոյ երկուք, յետոյ երեք . . . մարդիկ ականջ տուին դողահար, ու աւելի եւս կծկուեցան իրենց անկողնին մէջ: Հրդեհի աղղարարութիւն է խորհեցան շատերը, բայց հարուածները բազմացան երթալով: Այս կնոջ տնեցիներն ալ արթնցան ամբողջ: Յուղում մըն է ըստ կըսաւ: Զէ՛, հրդեհի աղղարարութիւն չէր կընար ըւլալ, երեք հրացանէն աւելի պարզուած էր: Ծխախոս

փախցնողներու եւ դէտերու արիւնահեղ կռիւ մըն է թերեւս որ կրնայ շուտով վերջ գտնել կը տրամարանէր յոյսին կառչելու ընդունակ անոնց միտքը . . . : Բայց պայթիւնները չէին դադրեր, եւ խորհուրդները, վայրկեան առ վայրկեան, կը դառնային աւելի չարագուշակ, աւելի ահաւոր: Հեռաւոր թաղերու մէջ սկսուած վայրագ գործողութեան մը արձադանդը բերանէ բերան տարածուեցաւ, ծաւալեցաւ, մեծաւ ու գրկեց ամէնը: Կոտորա՛ծ . . . կոտորա՛ծ . . . ու մարդիկ կը փախչէին դողնիդող ու խելայեղ . . . :

Վեց հոդի էին Երանուհիւնց տան մէջ. էնքը, իր երկու եղբայրները, ամուսինը եւ տասներեք ու տասնեւմէկ տարեկան երկու մանչ զաւակները. վեց հոդի, լեզապատառ, շուտարուն վեց ստուերներ՝ որ կը յածէին սենեկէ սենեկակ, ուշադիր՝ եկող կայծերուն, լսուող աղաղակներուն, տրուած մեկնաբանութիւններուն եւ արիւնի պէս կարմիր լուրերուն: Վեց հոդի էին, վեց անկամ, անջիղ էակներ՝ զոր վախը մինչեւ մառանին յարակից մուժ տունը վարեց:

Արեւի լոյսէն յաւէտ գուրկի, անպատուհան, խոնաւ, խաւարչտին խուց մըն էր այն՝ որ ո՛վ գիտէ ո՞ր չար գաղանին վախէն տան նախահայրերը շինած աւանդնած էին որդիէ որդի. տեսակ մը գերեզման՝ ուր ողջ մեռելներ պէտք էր իրենց գովզը ապրէին, մինչեւ որ, յարուցեալ Յիսուսին պէս, նորէն լոյսին բանային իրենց աչքերը: Ու հիմա հոն էին անոնք ամէնը, հոն, այդ խցիկին մէջ, որուն դուռը հաղիւ իր մէջ մարդու մը իրանն առնելու չափով շինուած պղտիկ բոլորակ մ'էր, որ պատին գոյնովը ներկուած, անոր հետ կը շփոթուէր: Հոս էին, դուրսի աղաղակներէն հեռու այս վայրին մէջ, եւ սակայն վախը, աւելի տարավոխիկ քան ժանտախտը, աւելի տիրական քան բանականութիւնը, կը վարակէր ամէնը ու կը հպատակեցնէր իրեն: Անծանօթին, անորոշին, մահուան սարսուան էր որ կը տի-

րապետէր ամէն ուրեք: Ամէն տուն անիծեալ էր այլեւս, ամէն յարկ՝ նղովեալ. ու հոս, այս խցիկին մէջ կարծես օձեր էին բոյն դրեր. օձեր պատերուն վրայ, օձեր առաստաղին վրայ, օձեր յատակին վրայ, օձեր ոտներու տակ որ դլուխնին կը ցցէին, կը մերձենային չնչաւոր էակներուն, կը պլուէին անոնց մէջքերուն, ու տակաւ անոնց վղերէն վեր բարձրանալով կը սեղմէին անոնց կոկորդը . . . Սարսափահար այս հոգիներուն ականջները մէկ աղաղակ միայն կը լսէին — Մահ՝ որ դաժանօրէն արտասանուած վճիռը մը պէս կը չոքէր անոնց կուրծքերուն վրայ: Դոներէն գուրս, ու գոներէն ներս, տանիքներուն վրայ ու առաստաղներէն վար մահ կը ծորէր. անօրինակ, սովորական մահերէն աւելի դաժան մահ մը՝ զոր կը մերժէր ըմբռնել Երանուհիի եւ իր ընկերակիցներու ըղեղը: Ո՞ր անծանօթ երկինքն էր որ կը զրկէր այս գժնէտեսիլ հարուածը՝ որ մահ էր, բայց մահուան հանդարտութիւնը չունէր, որ մարմինը կը հնձէր, որ ներկայ էր ամենուրեք ու կ'սպառնար ամենուն:

Քիչ մը ժամանակ յետոյ, Երանուհիւնց փողոցին մէջն ալ ձայները շատցան: Ամբոխն էր որ մերձեցած էր Երանուհիւնց տանը, որուն դուռը, կացինի հարուածներուն տակ, դողաց, դողդզաց եւ չոախնչ խորտակուեցաւ ինքն իր վրայ: Ներս խուժեց ամբոխը: Սանդուղամատերը դողալ սկսան թալանողներու ծանր ոտներուն տակ. պահարանները քանդուեցան եւ տունը դատարկուեցաւ ամբողջապէս: Կացինի միակ հարուած մը ջախջախնեց նաեւ մառանին դուռը, եւ ոճրագործուներ, անոր սեմերէն ներս, եկան ամբողջացնել քանդումի իրենց դործը:

Բարակ պատ մըն էր միայն այժմ որ մէկզմէկէ կը բաժնէր ոճրագործներն ու զոհերը՝ որոնք յատակօրէն կը լսէին անոնց ոռնոցները, եւ մահուան դալուկն ըդգեցած՝ ոչ իսկ ձայն մը, շըուկ մը, շարժում մը կ'ը-

նէին խցիկէն ներս։ Շունչն իսկ զգուշութեամբ կուտային եւ կ'առնէին, վախնալով որ մի զուցէ ոճրածարաւ գաղանի մը սուր մէկ ականջը լոէ հեւքն իրենց բերնին ու դայ մութին մէջ խեղդել իրենց կոկորդը . . . :

Ու վայրկեանները գարերու պէս կ'երկարէին։ Ապրելու բաղձանքն ու մահուան ուրուականը ամենէն անողոք պայքարն էր որ կը մղէին մութին մէջ սողացող այս սրտերէն ներս։ Իրենցմէ ոտք մը անդին, կարասները կը խորտակուէին փշուր փշուր, եւ մառանը, ցամքած աղբիւրին պէս, իր գատարկութիւնը կը սղար։

Քանի մը վայրկեան յետոյ լոեց ամէն ինչ։ Ա՛ւ ձայն չկար։ Ոճրախանձ ամբոխը՝ կատաղութենէն մոլեզնած ծովուն նման՝ յորդած էր իր ավերէն անդին, խորտակած էր անդըծովեղբեայ ժայռելն եւ այժմ ետ, դէպի իր սահմանները կը քաշուէր նորէն։ Ապրելու յոյսը նորէն կ'սկսէր վերածաղկիլ Երանուհիի եւ իւրայիններու սրտին մէջ, եւ անոնք հոգեւին կը բաղձային անդամ մըն ալ տեսնել լոյսը, դուրսի արեւը՝ որմէ տարիններով զրկուած էին կարծես։

Կէս օր էր արդէն, եւ միւէզզինը, մօտակայ մինարէթին գաղաթէն, յաղթական Ալլահին եւ պարտեալ Աստուծոյն աւետիսը կը պատղամէր մարդարէի հաւատացեալներուն։ Աղէտին վախճանն էր արդեօք այս, թէ նոր հրաւէր մը՝ քաղաքն աւելի եւս աւերակօրէն փոելու արեւին տակ, — այս հարցն էր որ ամենէն աւելի կ'զբաղեցնէր այժմ մութ խուցին մէջ ապաստանողներու միտքը, եւ Երանուհիի մեծ եղբայրը, դայդ լուծելու բուռն տենչին մղուած, որոշեց դուրս նետուիլ և գաղտագողի արագ նայուածք մը նետել քաղաքին վրայ։ Մինչեւ մառանին դուռն հաղիւ հասած էր սակայն, երբ ձայներ լսելով ետ վաղեց արագ եւ նորէն խուցը մտաւ։ Քիւրա Հիւսէյին պէյն եւ իր մարդիկն էին որ եկած էին քար քարի վրայ չթողուլ այս չէնքին մէջ։ Անոնցմէ մէկը նշմարած էր ստուերի մը անց-

քը եւ հեւ ի հեւ մառանը վութացած էր։ իրեն հետեւած էին նաեւ իր միւս ընկերները։ Այժմ վինտուուքն էր որ սկսած էր մութ մառանին չորս կողմը։ Ամէն տեղ խուզարկուած էր, ամէն ծակ ու ծուկ նայուած, բայց ոչինչ նշմարուած էր։ Մարդոցմէ ոմանք վեր վաղած էին, պրապած ամէն անկիւն եւ վար իջած նորէն։

«Պէ՛տք է գտնել, պէ՛տք է գտնել անպայման» կ'աղաղակէր Հիւսէյին պէյ՝ որուն ատելութիւնը չափադանց բուռն էր Երանուհիի ամուսնոյն, Վարդան աղային հանդէպ, որմէ հարիւր ոսկիի մօտ ապրանք գընած էր երկու տարիի չափ առաջ, եւ ձգձգելով ուղած էր կոկորդն անցնել պարտքը։ Վարդան դատ բացած էր, եւ պահանջրին մեծագոյն մասը գատաւորնելուն կաշառք տալով յաջողած էր յաղթական դուրս դալ։ Պէյը զայրացած էր իր կրած այս պարտութենէն եւ այժմը որ պատեհութիւնը ներկայացած էր, եկած էր լուծելու իր վրէժը։ Նախորդ օր ուրիշ քաղաք մը թալանի գացած ըլլալուն ուշ իմացած էր այս տեղի կոտորածին լուրը, եւ քիչ մը ուշ հասած։ Քաղաք ժամանէն անմիջապէս յետոյ Վարդանին խանութը դիմած էր եւ զայն հրդեհուած դտնելով անոր տունը եկած էր զինք ձեռք ձգելու հաստատ որոշումով։

«Պէ՛տք է գտնել, պէ՛տք է գտնել զայն» կը գոչէր պէյը, եւ այս աղաղակը, չարագուշակ ոռնոցի մը պէս կ'երկարէր խուցի մութին մէջ եւ սարսուոով կը համակէր կամքէ, ջիղէ, զիմաղբական բնազրէ զուրկ այս վեց մարդակերպ ստուերները՝ որոնց ակուները իրարու կը բաղխէին, եւ որոնք՝ դատաւորին ներկայութեանը գտնուող ոճրագործին պէս՝ կը գողգըղային։

Պէյը վեր ելաւ եւ յուսահատ՝ մառանը դարձաւ նորէն։ Ստուերն հոն էր նշմարուած եւ յետին ճիղերն հոն պէտք էր որ դործադրուէին։

Դիւային խորհուրդ մը փոթորկեց անոր դանկը, եւ անիկա կայծակէ զարնուածի պէս, ոռնաց յանկարծ ա-

«Կրակեցէ՞ք դէպի առիքը... դէպի աջ պատը... դէպի ձախ...» եւ հրացաններու բոմբիւնին հետ լըս-ուեցաւ մարդկային սուր ճիչ մը : Դէպի ձախ պատը կը-րակուած գնդակներէն մին Երանուհիին փոքրիկ որ-դիին ականջը քերելով անցած էր, եւ անիկա վախնալով եւ ինքինք վիրաւորուած կարծելով աղաղակ բարձրացուցած էր : Գաղտնիքը երեւան ելած էր այժմ : Մատ-նըւած էին :

Տասնեակ մը կացիններու հարուածներուն տակ պատը կը դոզդզար, կը կքէր, եւ յետոյ կը խորտակ-ուէր ամբողջապէս... Պահարանը բացուած էր արդէն, եւ Երանուհին ու իրենները Հիւսէյին պէյի առջեւն էին, դունատ՝ ինչպէս մեղրամոմը, խեղճ՝ որպէս մուրացիկը :

* * *

«Պզտիկնե՞րս, ամուսի՞նս, եղբայրնե՞րս, չնո՞րհք» կ'աղերսէր պէյին առջեւ ծնկաչոք Երանուհին՝ որ իւ-րայիններէն մեկուսացուած, կորսնցուցած էր անոնց հետքը :

Ու պէյը, յաղթական նշոյլը աչքերուն, կ'ըսէր ժպտադին .— «Ողջ են անոնք, անհո՛դ եղիր, ոչ մէկը կրնայ դպչիլ անոնց՝ առանց իմ հրամանիս, եւ ես ա-զատ պիտի թողում դանոնք քանի որ ա՛յսքան կ'աղեր-սես դուն, միայն թէ պիտի վառեմ ձեր տունը» :

— Տո՞ւնը, օ՛հ, քո՞ւկդ ըլլայ այն, վառէ՛, նոյն-իսկ քու ձեռքո՞վլդ տուր կրակը՝ եթէ կ'ուզես, հըրճ-ուէ անոր աւերակներուն վրայ : Տո՞ւնը, ես ի՞նչ ընեմ տունը . ինձի իմիններս պէտք են . ամուսի՞նս, պըդ-տիկնե՞րս, եղբայրնե՞րս...:

— Անոնք քուկդ պիտի ըլլան նորէն, բայց դո՞ւն պէտք է որ վառես լուցկին եւ հրդեհես տունը : Տես, խոտերը դիղել տուած եմ արդէն միջանցքին մէջ : Լուց-կի՛ մը՝ եւ տունն ինքն իր վրայ պիտի այրի անպայման :

— Ե՞ս, ե՞ս տամ լուցկին իմ բնակարանիս, իմ

տանս, յիշատակներու իմ սրբավայրիս, ա՛հ, խնայէ՛ ինձ, ես չե՛մ կրնար զայդ ընել :

— Զե՞ս կրնար...

Ու պէյի սպառնական նայուածքը շանթեց Երանու-հին :

— Զե՞ս կրնար, ուրեմն ազատում չկայ քուկին-ներուդ.

— Պէ՛յ, տանը համար չէ որ կը հողամ, բայց գի-տեմ որ անիկա խայթ մը պիտի ըլլայ ինծի՛ կեանքիս բոլոր օրերուն մէջ : Ուրի՛շ մը թող ընէ զայդ :

— Ուրի՞շ մը, է՛հ, դժուար չէ ատիկա, բայց գիտ-ցիր որ այն ատեն ազատում չկայ քու...

— Օ՛հ, այո՛, այո՛, կուտամ լուցկին իմ տանս, կուտամ, միայն թէ ազատուին իմիններս, բայց ո՞ւր են անոնք, ա՞գամ մը տեսնեմ գոնէ...

— Տեսնե՞ս, չե՞ս հաւատար իմ խօսքին :

— Մեղա՞յ պէյ, կը հաւատամ, կը հաւատամ...

— Ա՛ռ ուրեմն սա լուցկին :

Եւ Երանուհին բոնեց լուցկին իր դոզդոջուն մատ-ներուն մէջ եւ ջախնախուած դուռին մօտեցաւ, համ-բուրեց սեմը, քաշեց լուցկին, ու երեսն ետին դարձե-լով խոտի դէղին մօտեցուց բոյն ու այսահար հոգիի մը նման դուրս խուռեց : Վայրկեան մը յետոյ սարսուռ մը ունեցաւ, մարելիք եկաւ վրան, բայց այն ուժեղ կամք ի գործ դրաւ չկորսնցնելու իր գիտակցութիւնը, եւ ձեռ-ներովը ծածկեց աչքերը, որպէսզի չտեսնէ իր սրբա-վայրին հրդեհուիլը : Յանկարծ բացաւ սակայն անիկա իր աչքերը ու շեշտակի հրդեհին նայեցաւ : Մարդկա-յին ձիչեր կը լսուէին բոցերու մէջէն :

— Աստուած իմ, իմիններս են որ կը հրդեհուին բոցերուն մէջ, ու խորհի՛ւ որ ե՛ս վառեցի անոնց խա-բոյցկը :

— Պէ՛յ, զաւակնե՞րս, ամուսի՞նս, Եղբայրնե՞րս . . .
— Զաւակնե՞րդ, Եղբայրնե՞րդ, ամուսի՞նդ, հոն
են անոնք, ա՛յլ բոցերուն մէջ :

— Հա՛յ կուրանաս դու, պէ՛յ, Երկինքէն շանթեր
թափին դլխուզ, գժուխքին բոցերը ճարակեն մարմինդ。
ճշաս, ճշաս, ու քուկիններդ անդօր ըլլան հասնելու
քեղի . . .

Պէյը՝ հեղնական ժպիտը չըթունքին՝ կը ծիծաղէր
Երանուհիի այս մոլեգնութեան դիմաց եւ զայն կը հեղ-
նէր հանդարտ քաշելով իր սիկառը :

Տունը՝ հսկայ ճարճատիւնով մը՝ աւերակօրէն տա-
րածուեցաւ արեւին տակ :

Պէյը հրամայեց իր մարդոց՝ դուրս քաշել զոհերուն
մարմինները՝ որոնց ձևոներն ու ոտները կանխաւ մէկ-
ըզմէկու չղթայուած էին ուժեղապէս :

Ահա քուկիններդ, ըսաւ պէյը Երանուհիին, տե՛ս,
ո՛ղջ են, չէ՞ . Վարդան աղան հիմա կ'ելնէ վղիս կը չո-
քի եւ կը պահանջէ պարտքս, չէ՞ , հա՛ , հա՛ , հա՛ :

Ու ածխացած դիսկները, սարսուազդեցիկ Երեւոյ-
թով մը, կը տարածուէին գետնին վրայ : Պղակիկ տղան
միայն՝ փլած պատին տակն ինկած եւ մասամբ միայն
այրուած ըլլալով ճանաչելի էր դեռ :

Երանուհի համար ամէն տարակոյս վերցուած, ա-
մէն յոյս ճարած էր այլեւս, եւ անիկա, խելայեղ խո-
յանքով մը, վագեց դէպի դիսկոյուը, ինկաւ անոր վրայ
եւ նուաղեցաւ . . . :

Ու երբ որ վեր առին դինքը, անիկա խելագարած էր
արդէն :

Այսպէս վերջացուց բժիշկն իր պատմութիւնը, եւ
ես անմիջապէս հրաժեշտ առնելով դուրս նետուեցայ-
ոճրագործի մը հանգոյն :

Ու անկէ ասդին, ամէն անդամ որ կը յիշեմ յի-
մարանոցին տուած իմ այցելութիւնս, կը զայրանամ
ես ինծի, որ սիկառէթ մը վառած ըլլալու սին մէկ քը-
մահաճոյքիս պատճառով գժոխսք մը տանջանք ճաշակել
տուի Երանուհիին, ոճրախանձ բարբարոսութեան մը
այդ զոհին, որ պէտք ունէր մանաւանդ ապրելու իր ցը-
նորքներուն մէջ ու յաւէտ չվերակոչելու անցեալը :

1917

ԲԱՂԴԱԶՈՒՐԿՆԵՐԸ

Հայաստանի լեռնագաւառներուն մէջ արդէն իսկ համբաւեալ ցուրտը կարծես աւելի սաստկացած, թափ առած էր այն տարին: Խստամբեր, մոլեգին փոթորիկը՝ լեռներու գաղաթներէն պայթելով՝ կը սուրար քաղաքին մէջ, եւ դռներու բացուածներէն ու պատուհաններու ճեղքերէն ներս մուտք դործելով՝ ամբողջ շէնքերուն կը թափանցէր: Պատերն իսկ կը դողդղային, կը մսէին կարծես: Զիւնը բրդացած, լեռնացած էր փողոցներուն մէջ եւ անոր երկու փէշերուն ձգուող ոտք մը արահետներէն դժուարաւ կ'երթեւեկէին մարդիկ: Դէպի կառավարական չէնք երկարող գլխաւոր պողոտան էր միայն որ երբեմն կը մաքրուէր ձիւներէն ու բաւական աղատ անցք կ'ընծայէր կառքերուն:

* * *

Կարօ, իրիկուան սովորական ժամուն, կեցուց կառքը իր տիրոջ Ալէքսան աղայի գրասենեակին առջեւ, ու խորհելով որ տէրը կուդայ անմիջապէս, հարկ չտեսաւ վար իջնել նստած տեղէն: Բոպէները կը սահէին սակայն, եւ տէրը կ'ուշանար գալու: Հովը կը փչէր, կճող ցուրտը կը կատէր տակաւ, ոտները կը մսէին, աչքերը կ'արցունքուէին, շունչը կը սառէր պեխերու ծայրին, ակռաները մէկլզմէկու կը բաղլսէին, ամբողջ մարմինով՝ կը դողար այժմ, ցուրտը իր ոսկորներու ծուծը կը թափանցէր մինչեւ. վար իջաւ կառքէն: Երկու ժամէն աւելի անցած էր, բայց տէրը երեւցած չէր դեռ: Եթէ գիտնար որ բաւական պիտի ուշանար, կըրնար մօռակայ տուն մը, սրճարան մը, տեղ մը երթաւ

եւ քիչ մը հանդիստ առնել: Բայց եթէ յանկարծ դուրս ելնէր եւ զինք այնտեղ չդանէ՛ր, հապա եթէ իր բացակայութեանը վորձանք մը դար կառքին դլխո՛ւն, եթէ փոկերը կտրելով ձիերն առնէին տանէի՛ն, եթէ այն հարկադրուած ըլլար սպասե՛լ իրեն... ո՛չ, մտածումն իսկ սարսուռ կ'աղղէր: Որչա՛փ դիւրին պիտի ըլլար եթէ բաց ըլլային հանդիպակաց պղտիկ խանութները, ուր ինք կը համարձակէր մտնել եւ դէթ մասամբ պատըսպարիուլ ցուրտէն, եւ վաճառատան դուռը բացուածին պէս դուրս ցատկել ու կանգնիլ կառքին մօտ. եկուր տես սակայն որ փակ էին անոնք ամէնն ալ, փողցներն ամայացած էին ամբողջապէս. շուներն իսկ, գոմերու մէջ կամ քիւերու տակ, կծկուած պառկած էին: Ո՞րքան աւելի բարեթաղդ էին անոնք, այդ անքան արարածները՝ որ իրենց փափաքին համաձայն կը մընէին ամէն ծակ ու ծուկ, եւ դէթ չէին զգար ցուրտին կատաղութիւնը, մինչ ինք պէտք էր նկատէր ամէն պատշաճաճութիւն, ու խորհէր որ իրեն պէս մշակի մը համար անյարմար էր ներս մտնել եւ իր տիրոջ հետ միասին վայելել միեւնոյն մենաչնորհները, բնութեան իսկստ տարբերուն հանդէպ գործածուած միեւնոյն բաղձալի, օրհնարեր միջոցները: Զէ՞ որ առանձին խօսակցութիւն ունէր տէրը ու կ'ակնկալուէր որ ինք բառ մ'իսկ չլսէր անէէ: Թո՛ղ չլսէր, իր ի՞նչ փոյթը թէ տէրն ի՞նչ ծրագիրներ կը յղանայ, թէ ի՞նչ շահէր կ'ընէ, թէ ի՞նչ սուտեր կը կլլեցնէ, բաւ էր միայն որ հոն, ներսը այդ տաքուկ տեղն ըլլար, ու բամպակով իսկ խցէր ականջները, եթէ պէտք էր: Բայց չէ՛, խիստ էր տէրը, չափազա՞նց խիստ. այսքան կարճ ժամանակ տէրը, չլինչ պատճառներով իսկ, քանի՛ քանի՛ անդամ սպառնացած էր հանել զինքը գործէն: Եթէ ներս մտնէր, կընար նոյնիսկ այն գաղափարը տալ տիրոջ, թէ սպասելէն յոդնած, եկեր փայտի պէս տնկուեր էր այնտեղ որպէսզի կարճ կապէ վաճառականը. որո՞ւ

պիտի հասկցնէր, թէ յօժար էր ամբողջ գիշերն իսկ
 սպասել, անքուն, անմրափ սպասել, միայն թէ տեղ
 մըլլար տաքուկ: Իր տէ՞րը — ատանկ պատճառարա-
 նութեանց ականջ դնող մէկը չէր անիկա: Հարուստ
 աղա՝ որ ամէն բանէ աւելի կը սիրէր իր առջեւ դլուխ
 ծոռղ եւ իրմէ ակնածող մարդիկը: Զէ՛, այդօրինակ
 քայլ մը կընար զայրոյթի մղել զայն, եւ ա՛լ դործ չու-
 նէր ինքը...: Անդո՞րծ, այդ սեւ գաղափարն իսկ կը
 տաղնապեցնէր զինքը: Գէշ էր տարին, հունձքը նուազ
 եղած էր, ասլրուստը սղած, շատ սղած. մարդիկ իրենց
 մէքալիքներն իսկ կը պահէին աւելի նեղ օրերու հա-
 մար. շատցած էր, շատ էր շատցած անդործներու թի-
 ւը: Մարդիկ, դրամ դուրս չտալու համար, իրենց խիստ
 կարեւոր դործերն իսկ կը յետաձդէն, եւ կամ իրենք
 կ'ընէին՝ դիշերը ցորեկին խառնելով: Բարերադդ էին
 անոնք, որ իրենց սեփական գործն ընելու դրամադլուխ
 չունենալով հանդերձ, ուրիշին գործը ընելու, ծառա-
 յելու պատեհութիւնն ունեցած էին: Եւ անոնցմէ էր
 ինքը: Իրաւ է որ առածը բան մը չէր, ամսական մէկ
 քանի մէծիտ միայն, բայց այդ ալ բաւ էր իր մօրը,
 վճարելու տան վարձքն եւ հոգալու ապրուստն ու կա-
 պուստը...: Ա՛հ, եթէ տարբեր ըլլային ժամանակնե-
 րը, եթէ գործերն այնքան նուազ չըլլային, եւ կամ ե-
 թէ ինքն առանձին եղած ըլլար եւ իր մայրն հոգալու
 սիրելի պարտականութիւնը չունենար փէշին, այժմ
 իսկ կը թքնէր մշակի իր այս ծառայութեանը վրայ ու
 կ'երթար: Բայց հիմա համբերել պէտք էր, ակուն
 սեղմել, մինչեւ որ տեսնէր թէ ի՞նչ կ'ըլլայ: Եւ սակայն
 քանի՛ յառաջանար գիշերը, ա՛յնքան կը սաստկանար
 ցուրտը, եւ ա՛յնքան կը դողար, կը դողդար, կը տագ-
 նապէր ինքը: Պէտք էր բան մը ընել վերջապէս, խոր-
 հեցաւ անիկա: Մօտ էր զինետունը, շատ մօտ, յաջորդ
 փողոցին մէջ, հաղիւ մէկ երկու վայրկեան հեռու:
 ի՞նչ պիտի ըլլար եթէ վաղէր, դաւաթ մը երկուք կոն-

ծէր ու դար: Այդ կարճ ժամանակի մէջ ո՞վ ինչ պիտի
 ընէր կառքին: Տէրն ալ, քանի որ մինչեւ հիմա չէր ե-
 լած, քանի մը բոպէ եւս կ'ուշանար անշուշտ: Հապա-
 կած, եթէ գացածին պէս դուրս ելնէր Ալէքսան աղան, բա՛հ,
 մինչեւ որ դրասենեակը գոցէր անիկա, ինք կը հասնէր:
 Ու յետոյ, այս աստիճան ցուրտը անոր դութն ալ պիտի
 շարժէր անշուշտ, ու անիկա սովորականէն տարբեր
 պիտի վարուէր այս անդամ: Ու կարօ՛ վճռական շար-
 ժումով մը՝ քաշեց խարազանը՝ զոր հազիւ կրնար բլո-
 նել ցուրտէն ուռած իր ձեռներուն մէջ ու վազեց դէպէ
 գինետուն: Ներս մտածին պէս, երեսին զարկաւ գոլը,
 ու ինք կարծեց ըլլալ դրախտի մը մէջ, ուր գտնուող-
 ու ինք կարծեց նախանձը կը շարժէին այժմ: Ծանօթներ էին
 ները իր նախանձը կը շարժէին այժմ: Անկարելի էր գէթ մէկ քանի խօսք չփո-
 ամէնքն ալ: Անկարելի էր գէթ մէկ քանի խօսք չփո-
 ամէնքն ալ: Կարօ կարճ կապեց եւ երկու դաւաթ
 խանակել, բայց կարօ կարճ կապեց եւ երկու դաւաթ
 օղի ճնկելէ յետոյ, մինչեւ կառք մէկ առաւ չունչը:
 Ալէքսան աղան, կրակ կտրած, իր ընկերոջ հետ
 միասին կանգնած էր կառքին մօտ, ու հազիւ թէ կա-
 րօն երեցած էր, երբ անիկա —
 — Ո՞ւր ես, ծօ՛; հինգ ժամ է քեզի կ'սպասենք.
 — Շատ ցուրտ էր, աղա՛, դացի քիչ մը տաք...
 — Եեղու ունիս տէ կը կասուս տակաւին հա՞ , սա-
 ուցած սատկելի՛ք քեզի, ցո՞ւրտ է եղեր, ո՞ր տեղը
 ցուրտ է, սասան կ ցուրտ իի՞չ մը չէիր տեսներ դուն.
 — Զէ՛, աղա՛, այսօրուան ցուրտը շատ...
 — Ա՛լ երկան ըրիր, ըստ Ալէքսան աղան, եւ կա-
 րօն քթին բերնին քանի մը ուժդին հարուած իջեցնելով
 յարեց — Գիւղացիի՛ կտոր քեզի, անունդ գրել կարդալ
 իսկ չզիտնալովդ հանդերձ, քեզի գործ տուինք, քեզ
 մարդ ըրինք տէ, դուն երկու ըուպէ չես ուղեր մեզի ըս-
 տագութ նայէ, սըսոր նայէ ելլէ, շատ ցուրտ է եղեր, որ-
 պասել հա՞ , սըսոր նայէ ելլէ, ասկէ հազար անդամ աւե-
 սէս թէ իմ առջի մշակներս, ասկէ հազար անդամ մօտ
 լի ցուրտ օրերուն՝ ժամերովդ չեն կանգնած կառքին մօտ
 եւ սպասած ինծի. գործի սկսիւր երեք ամիս հազիւ

կ'ընէ դեռ, եւ արդէն իսկ իշխան դարձեր ես զլիսուս,
հապա ի՞նչ պիտի ըլլաս, եթէ քիչ մը հիննաս, հը՝, ը-
սէ նայիմ:

— Ներողութիւն, աղա՛:

— Ներողութիւն, շատ պիտին է այդ ըսել, յարեց
Ալէքսան աղան, եւ կը պատրաստուէր շարունակել դեռ
հարուածել, երբ միւս վաճառականը միջամտելով թա-
խանձեց հանդարտիլ իր խաթերն համար:

Ալէքսան աղան չէր կրնար կոտրել այս վաճառա-
կանին խօսքը, մանաւանդ այժմ, երբ անոր հետ միա-
սին ընկերութիւն մը կաղմելու եւ հսկայ շահեր ապա-
հովելու խօսքը կար, հետեւաբար հանդարտեցաւ, եւ
զայն կառք հրամցնելէ յետոյ, ինքն ալ նստաւ քովը եւ
հրամայեց կարօին՝ քշել:

Կառքը կը սուրար այժմ, եւ կարօ գոհ էր որ ա-
ժան աղատած էր — թող ծեծէ, կ'ըսէր անիկա ինքնի-
րեն, թող արիւնէ քիթս ու բերանս, թող պատոէ գը-
լուխս, թող հարուածէ մարմինս, այնալէս որ ամբողջ
գիշերն իսկ տառապիմ ցաւէն, բայց թող չհանէ զիս
դործէն: Ժամանակը կը բժշկէ վէրքս, կը մեղմէ ցա-
ւերս, կը մոռցնէ դառն անցքերու յիշատակը, բայց այս
օրերուն՝ սովնէ, մահն է որ կ'սպասէ անդործ մարդոց:
Գիտէի որ պիտի շարժէր վերջապէս տիրոջս գութը,
ու ես չխարուեցայ գուշակութեանս մէջ. ո՛րքան բարի
եղաւ այն այս անդամ որ թէեւ յանդիմանեց, թէեւ ծե-
ծեց, բայց չվոնտեց զիս իր ծառայութենէն....:

Այս երջանիկ խորհուրդներուն մէջ թաղուած էր
կարօ, երբ յանկարծ սահեցաւ ձիուն ոտքը սառոյցին
վրայ, եւ մինչեւ որ անիկա սանձը քաշեմ ըսաւ, ձին,
փա՛թ, գետին ինկաւ: Կարօ վար ցատկեց անմիջապէս,
քակեց փոկերը, արձակեց ձին, ու երկար ատեն անոր
դլիսէն, պոչէն քաշելով քաշքշելով արիւն քրտինք մը-
տաւ մինչեւ որ յաջողեցաւ ոտքի կանգնեցնել զայն
վերստին: Ալէքսան աղան, զայրոյթէն իսկայել, կ'ոռ-
նար բարկածայթ.

— 68 —

— Քէօ՛ր են, ախպար, ֆէօր, սա մեր մշակ ըսուած-
ները. գործերնուն ուշադիր եղած չունին որ... պէտք
է անօթի սատկին ֆի իսկերնին գլուխնին գայ: Բարիք
ընել չվայլեր ասոնց: Գործ յանձնելն իսկ մեղք է մեղի,
հազար մեղք, չէ՞ Յուսէփ աղա:

— Անանկ է հապա՞:

Բայց կառքը իր ճամբան գտած էր նորէն, ու կա-
րօի սկրտը կը տրոփէր անհամբեր. — ա՛լս, տուն հաս-
նէին անդամ մը, ու տեսնէր թէ ի՞նչ պիտի ըսէր տէրը,
ի՞նչ գիրք պիտի բռնէր, զինք պիտի քչէ՞ր, եթէ ոչ պի-
տի ներէր իրեն: Ի՞նչ կ'ըլլար որ ներէր այս անդամ,
մէկ այս անդամ եւ ա՛լ պիտի չնեղացնէր զայն. ամբողջ
գիշերն իսկ պիտի սպասէր գուրսը ցրտուն, պիտի նեղ-
ուէր, պիտի տաղնապէր, պիտի գողար, բայց ա՛լ կառ-
քին մօտէն պիտի չհեռանար: Առաջին անդամն էր որ
այսպիսի բան մը ըրած էր, եւ կ'որոշէր թէ վերջինը
պիտի ըլլար անիկա միանդամայն: Թերեւս տէրը ըս-
պառնար իրեն, եւ կամ վճռականապէս «կորսուէ՛, գը-
նա՛» ըսէր, բայց ինք, արտասուալից աչքերով, անոր
ոտքը պիտի իյնար, պիտի աղաչէր, պիտի պաղատէր որ
ինայէ իրեն՝ իր իսկամ, ծերունի մօրը սիրոյն... պիտի
ըսէր որ ինք չէր ձին ձգողը, թէ ճամբան սառած էր
ու այդ իսկ պատճառով գայթած՝ ձիուն ոտքը: Ալէք-
սան աղան ինքն ալ գիտէր անցուչտ զայս, եւ անտա-
րակոյս պիտի համոզուէր, պիտի կակզանար ու յետոյ,
ա՛յնքան անդութ պիտի չըլլար անցուչտ անարդելու
իր արցոնքները, իր աղաչանքը, ցարդ իր ունեցած
հաւատարմութիւնը....:

Տան առջեւն էին արդէն: Վաճառականները վար ի-
շան եւ կարօ ներս քաշեց կառքը:

Քանի մը բոսէ յետոյ, Ալէքսան աղա կանչեց կա-
րօն եւ «Ա՛լ հոս գործ չունիս, գնա» ըսաւ անոր:

Կարօ դուրս ելաւ անձայն: Ու երբ մութ գիշերին
մէջէն կը յառաջանար, կը մտածէր թէ ինչո՞ւ չունե-

— 69 —

ցաւ բաւականաչափ քաջութիւն՝ իյնալու անոր ոտքը
եւ չնորհ աղերսելու... ո՞վ գիտէ, թերեւս ասիկա ալ
սոսկ սպառնալիք մըն էր, կը խորհէր ան, թերեւս վաղն
իսկ նորէն մարդ զրկէ ետեւէս ու գործիս գլուխն անցը-
նէ զիս, թերեւս... թերեւս...;

* * *

Աննա խաթուն մինակ էր տանը մէջ, միս մինակ: Մէկ տարուան մէջ երեք մեռել թաղած էր: Ծերունի ամուսինը՝ որ չէր կրցած տոկալ թոքատապին, եւ իր երկու մատղզուկ աղջիկները՝ որ յաջորդաբար հարսանիթի բռնուելով՝ հրաժեշտ տուած էին կեանքին: Այդ մահերէն ասդին կանուխ անկողին կը մանէր ինքը: — Նախ որ ասովի կրակ ու լոյս խնայած կ'ըլլար, եւ յետոյ որ իւրայիններու յիշատակը աւելի անխոռվ կրնար դգուել այնտեղ: Նոյն յիշատակներուն մէջ թաղուած էր արդէն, երբ դուռը բաղխուեցաւ:

Գիշերի լոռւթեանը մէջ լոռող այդ անակնկալ
ձայնը սարսափեցուց Աննա խաթունը։ Ո՞վ էր արդեօք
այս անակնկալ այցելուն։ Ինչո՞ւ եկած էր։ Ի՞նչ պա-
տահած էր։ Գիտէր որ հիւր մը չէր կրնար ըլլալ այն,
ի՞նչ բարեկամ ունէր որ…։ Գիւղէն քաղաք փոխա-
դըրուիլը հազիւ քանի մը ամիս կ'ընէր գեռ, ու այդքան
կարճ ժամանակի մէջ բարեկամներ չեն շինուիր քա-
ղաքէն։ Մի՛ գուցէ սեւ փորձանք մը եկած ըլլայ զաւա-
կին զլիսուն… ա՞հ, այս՛, շատ հաւանական էր այդ…
չէ՞ որ նախորդ դիշեր պատուհանին տակ ունացած էր
չունը…։ Տնտեալու, խորհրդածելու ժամանակ չէր
սակայն այժմ։ Դուռը կը բաղխուէր ուժգին եւ անհամ-
բեր զարկերով։ Պէտք էր աճապարել։ Քաշեց լուցկին,
վառեց կազին կտուցը եւ ձայնեց.—

— 1094 —

— *b u b f*, *p w q*:

— *Горы...*

— *Բարեգամարտիկ, Կառուցելի:*

- 70 -

ԱՌՀ, իրաւ է, կարօն էր, ի՞նչպէս չէր ճանչած
ձայնը, ի՞նչպէս չէր գուշակած, բայց ո՞րտեղէն գու-
շակէր, երբ Ալէքսան աղայի քով մշակ մտնելէն աս-
դին՝ զիշերները տուն եկած չունէր, հոն կը պառկէր,
եւ կիրակի օրերը միայն կ'այցելէր երբեմն :

Աննա խաթունի կասկածները փարստեցան մեծ մասսամբ, ևսոր իր դէմ կանդնած տեսաւ Կարօն .—

— Եկո՛ւրը, ո՛րդի՛, եկո՛ւրը։ Փա՛ռք քեղ, Աստուած։
Ի՞նչքան վախցայ զաւա՛կս, գիտնայի՛ր։ Բայց ըսէ նա-
յիմ, ի՞նչպէս եղաւ որ եկար . . . :

Ու կարո պատմեց եղելութիւնը :

— Հոգ մի՛ լներ, տղա՛ս, ողջութիւն թող ըլլայ, Աստուած ողորմած է, ես վաղը կ'երթամ կը խօսիմ Ալքսան աղային . . . :

* * *

Առաջուան դէմ արտակարգ, սուր դող մը ունեցաւ
Կարօ, եւ յետոյ կրակորիլ սկսաւ մէկէն: Յարատեւ,
չոր հաղ մըն է բռնեց, մարմինը թուցաւ, վլուխը ծան-
չացաւ, աչքերը փակուիլ սկսան: Բաւական ճամբայ
բացաւ, աշքերը վահուիլ սկսան: Ենթած առաջա-
կարած էր արդէն արեւը, բայց կանուխ ենթալու վար-
ժուած էր արդէն արեւը, անկողնին գամուած կը
մնար, եւ չէր ուզեր անկէ բաժնուիլ:

Պարզ անհանգստութիւն մընէ, խորհեցաւ մայրը
կայն քրտնեցնել աշխատեցաւ: Յաջորդ օրը աւելի
եւ ծանրացաւ հիւանդը, կուշտին ցաւը սաստկացաւ,
հազն աւելի անտանելի դարձաւ, չնչառութեան ընկե-
րացաւ անհաճոյ, չարագուչակ հեւք մը, բուռն թուլու-
թիւն մը բոնեց անոր ամբողջ մարմինը, ուժը խոյս
տուաւ անկէ, դլուխը ճաթելու աստիճան ցաւիլ սկսաւ,
այտերը նուռի պէս կարմրեցան, շրթունքները կա-
պուտցան, ա'լ ախորժակ չունէր ուտելու, աչքերը կը
կարմրէին, լեզուն կը չորնար բերնին մէջ, մոլեգին
հրդեհ մը կ'այրէր կոկորդը, մարմինն հնոց դարձեր
էք: Զո՞ւր, զո՞ւր — ահա ինչ որ կը բաղձար ունենալ

- 71 -

այն այժմ՝ գետն իսկ անբաւական կուզար յաղեցնելու իր ծարսաւը, մինչ պառաւ մայրիկը քիչ, շա՞տ քիչ կուտար, հաղիւ դաւաթին տակը կը ծածկէր, վախնալով որ ջուրն աւելի եւս կը ծանրացնէ զայն:

Կէս օրէ յետոյ դուրս ելաւ Աննա խաթուն, եւ ամէն քայլափոխի հանդէնլով հասաւ վերջապէս բժիշկին բը-նակարանը եւ խնդրեց անկէ այցելել իր հիւանդին: Իրիկուան մօտ եկաւ բժիշկը, եւ ձրի դեղդիրը տալէ յետոյ, յայտարարեց որ թոքատապէ (սաթլըճան) բըունըւած է Կարօն, եւ մինչեւ տասը օր վտանգաւոր է կացութիւնը:

Տա՞սը օր, տա՞սը տարի...: Ու Աննա խաթուն մէ-կիկ մէկիկ համրեց ժամերը, անցաւ մէկ օրը, յետոյ երկուք, յետոյ երեք... յետոյ ինը. տասներորդ օրն էր արդէն. տաքութիւնը նուազեցաւ, հաղը կակուցաւ, Կարօ բացաւ աչքերը: Կտոր մը ախորժակ կ'դդար այ-ժըմ, ու հրճուանօք ձայնեց «մայրի՛կ»:

Մայրի՛կ... առաջին անգամն էր կարծես որ մայ-րը կը լսէր այդ ձայնը: Երջանկութեան մը դողը կը շրջէր այժմ իր երակներուն մէջ: Կը մանրանար, պլզ-տիկ տղայ մը կ'ըլլար հիմա իր զաւակը՝ որ նոր լեզու կ'ելնէր կարծես: Ա՛լ աշխարհ իրն էր այժմ: Տունը կը խնդար, արեւը կը խնդար, մարդիկ կը խնդային, ամէն իր բարի էր այլեւս, ամէն անձ՝ սիրալիր: Ա՛լ աղէկ էր իր որդին, ի՞նչ հոգ թանկութիւնը, սովը, կարօի ան-գործութիւնը. կը բաւէր որ ողջ պիտի մնար այն, ու իրը, իրը պիտի ըլլար:

Իրիկուն եղաւ, մութը պատեց, լոռութիւնը տիրեց ամէն կողմ: Հովն էր միայն որ երբեմն երբեմն ուժգ-նակի փշելով կ'աղմկէր դուրսը: Ի՞նչ փոյթ սա-կայն, հովն ալ բարի էր, շա՞տ բարի, չէ՞ որ հիւանդն աչքերը բացած էր ա՛լ, չէ՞ որ զինք իր անունով կան-չած էր գիտակցօրէն: Ի՞նչքան բարեգութ եղած էր եր-կինք, ի՞նչքան ողորմած, ու Աննա խաթուն իր աղօթ-

քը, շնորհակալութեան իր սրտաբուղիս տաղը կ'աղա-ղակէր, երանութեան իր քաղցրիկ արցունքը կը թափէր Երարչին առջեւ, երբ հիւանդին պատուհանին տակ շու-նը ոռնաց յանկարծ... Պառաւը ցնցուեցաւ, ո՞ւհ, այդ չարագուշակ աղաղակը՝ որ կը պատուի լոռութիւնը ու համատարած մութին մէջն արիւնի կարմիր, կը ակի պէս կարմիր գիծի մը նման կ'երկարէր, կ'երկարէր: Կի-նը սրտաբուղ պատուհան փութաց. սպասեց անձկա-նօք. անցաւ մէկ քանի բոպէ. ա՛լ ձայն չկար, խար-ուա՞ծ էր ինքն արդեօք, թերեւս. դուցէ իր ուրախու-թեան մէջն անխիկին տիսուր վերյիշումն էր որ ապրած էր, դուցէ... բայց ահա նորէն ոռնոցը՝ աւելի յարա-տեւ, աւելի լաւագին, աւելի չարագուշակ... Աստուա՞ծ իմ, վերջին ժպի՞տն էր այս՝ որ բաղդը շնորհեց ինձ վայլել զաւակիս դէմքին վրայ...

— Կա՛րօ...

— Հա՛մմէ մայրիկ:

— Ի՞նչպէս ես...

— Աղէկ եմ:

Աղէկ է, այս՛, իրօք աղէկ է, ահա ճակատը՝ որ ա՛լ չի ցաւիր, ահա այտերը՝ որ չեն կրակւորիր, ահա ձեռ-ները՝ որ չեն հրդեհուիր, ահա աչքերը՝ որ ա՛լ կը բաց-ուիր, ահա հաղը՝ որ չի տանջեր գինք, ահա շունչը՝ որ հեւք չունի, ահա գիտակցութիւնը՝ որ տեղն է հիմա, ահա ախորժակը՝ որ կը սրուի տակաւ, աղէկ է, իրօք աղէկ է, փա՛ռք քեզ, Աստուած, փա՛ռք... բայց ահա նորէն ոռնոցը, ու Աննա խաթուն վար վազեց աւելի ա-րագ քան որ կը տանէին զինք իր անզօր ոտները, ին-կաւ գետնին վրայ, ճանկեց, ճանկուեց սառած, բիւ-րեղացած ձիւնը, կտորներ փրցուց ու նետեց շանը, ոռ-նացող այդ գաղանին, որ այսպէս եկած էր խանդարե-լու իր ու իր զաւակին անձառելի, յորդող երջանկու-թիւնը: Շունը չչարժեցաւ տեղէն: Քար վնտուեց, աս-դին խարիսակեց, անդին խարիսակեց, չդտաւ: Շունը

կը շարունակէր ոռնալ տակաւին։ Վեր վաղեց պառաւը, փէշը լեցուց կարուած վայտերով ու վար չտապէց։ Բաւական մը մօտեցաւ շանը ու սկսաւ մէկիկ մէկիկ նետել վայտերը։ Շունը վեր ցատկեց, կաղկանձեց ու հեռացաւ։ Պառաւը վեր վաղեց հեւասպառ։ Ա'լ ոռնոց չկար։ Լոռութիւնն... ըռպէ մը... երկուք... հինդ... տասը... չէ՛, ա'լ չեկաւ շունը. պատահական բան մ'էր միայն, վախնալու բան չկայ։

— Ի՞նչպէս ես ո'րդիս...

— Կաւ եմ, մա'յրիկ։

Կաւ է, շա'տ լաւ, դարձ ընելու վախ չկայ։ Տրամագրութիւնը տեղն է կատարելապէս։

Քառորդ մը անցաւ, յետոյ կէս ժամ, յետոյ ժամ մը, երկուք, երեք, ա'լ ոռնոց չլսուեցաւ բնաւ, ու աղէկ էր կարօն։ Յոյսը նորէն ծաղկեցաւ պառաւին սըրտին մէջ, երանութիւնը նորէն չողաց անոր մարմրուն, կիսախաւար աչքերուն խորը ու հոգերուղիս ազօթքը նորէն թրթռաց անոր շրթներուն վրայ։ Որոշեց որ այն գիշեր ալ աչքը աչքին պիտի չդնէր։ Քա՞նիերորդ գիշերն էր այս դոր անքուն պիտի անցնէր, ո'վ դիտէ։ Կէս գիշերուան մօտ աչքերը ծանրացան սակայն, պղտիկ մը առաւ եւ ընդուստ արթնցաւ, ձեռքը կարօին ճակառը տարաւ, տաքութիւն չունէր, ճանդարտեցաւ. քիչ յետոյ աւելի երկար մրափի մը մէջ ինկաւ նորէն, ուր կարծեց լսել շանը ոռնոցը՝ որուն յաջորդեց չոր հաղ մը կարօի կոկորդին մէջ եւ բուռն կրակ մը՝ որ կը տուչորէր հիւանդին մարմինը... վեր թռաւ յանկարծին, իր կոկորդն էր որ կը չորնար, աչքերը կ'ազօտանային, տեսակ մը անսովոր մառախուղ կար սենեակին մէջ, չնչահեղձ կ'ըլլար, բացաւ սենեակին դուռը, ու տեսաւ որ միջանցքն ալ պատուած էր մշուշով, պատուհանը վաղեց, իրենց տան կից դրացիկ տունէն հրդեհն սկըսած՝ իրենց բնակարանին կը մօտենար տակաւ. մարդ նշմարած չէր դեռ կրակը։ «Հրդեհ» պոռաց Աննա խա-

թռւն լեղապատառ եւ կարօն վերմակին մէջ լաւ մը վաթթելէ յետոյ ջանաց դրկել զայն ու վախչիւ։ Ուները կը դողային, սիրաը կը տրոփէր արագ, բայց արտակարգ ուժ մը կ'օժտէր իր պառաւի բազուկները։ Վերցուց հիւանդը ու քալեց մինչեւ սանդուխները։ Ջեռները թուլցան, մէջքը կոտրիլ սկսաւ, ուսները շատանդօր դարձան կրելու այդ նոր ծանրութիւնը։ Վար դիրաւ զայն, շունչ մը առաւ, յետոյ նորէն ջանաց վեր առնել, չկըցաւ. երկրորդ աւելի ուժգին փորձով մը յաջողեցաւ վերցնել, իջաւ սանդղամատ մը, ու նորէն վար դրաւ. ա'լ չկըցաւ վերցնել. զգուշութեամբ վեր քաշեց զայն, ու սանդուխին գլուխը դրաւ։

— Երթամ դրացիներէն մէկը կանչեմ որ դայ քեդ տանի, ո'րդիս, չվախնաս։

Ու պառաւը դուրս նետուեցաւ։ Դրացիէ դրացի տարաձայնեց լուրը, ազերսեց, պաղատեցաւ։ Ամէն արթնցող իր ընտանիքով ու իր տան կահ կարասիներով մտահոգուեցաւ։ Տարժում մըն է սկսաւ թաղին մէջ, բայց ոչ ոք փութաց պառաւին անմիջական օժանդակութեանը։ Վայրկեանները սահեցան, ու պառաւն դակութեանը։ Կայրկեանները սահեցան, ու պառաւն սոիպուեցաւ քիչ մը աւելի հեռանալ թաղէն։ Հասաւ վերջապէս բժիշկին։ Բժիշկը՝ ծառային պատուիրելէ յետոյ որ կառքն իր ետեւէն հասցնէ, պառաւին տունը իր կահ կարասիքը, կը բաւէր որ ողջ ու անվնաս դուրս բերուած ըլլար իր զաւակը... կասկածը նորէն պատեց պառաւի սիրտը՝ որ տարիներու տառապանքին տակ՝ հիւծած, քայլքայուած էր իրապէս։

* * *

Հրդեհին բոցերը կը լավիէին այժմ կարօի բնակարանը, բայց Աննա խաթուն, առանց ետին նայելու, կը հետեւէր կառքին. ի՞նչ փոյթ իրեն օտարին տունն ու իր կահ կարասիքը, կը բաւէր որ ողջ ու անվնաս դուրս բերուած ըլլար իր զաւակը... կասկածը նորէն պատեց պառաւի սիրտը՝ որ տարիներու տառապանքին տակ՝ հիւծած, քայլքայուած էր իրապէս։

— 75 —

Բլուրին տակն էր այժմ, կը հետար, ոտները կը կթուիին, ետ ետ կ'երթային կարծես։ Զօրաւոր ճիղմը եւս սակայն, ու ահա կը կտրէր զառիվերը, ու ինք-դինք կը դանէր դէմ յանդիման հիւանդանոցին։

- Ո՞վ կ'ուղես, հարցուց գիշերապահը։
- Տօքթօր Ք…
- Ի՞նչ կայ, հիւանդ ունիս։
- Չէ՛, որդիս հոս է, կ'ուղեմ տեսնել։
- Է՛, հիմա գիշեր է, առաւօտ եկուր։
- Առաւօտ, առաւօտը տարի է, հո՛գիս, ես հիմա կ'ուղեմ տեսնել զաւակս։
- Բայց մեղի հրաման չկայ այս ատեն այցելու ներս առնել, ըսաւ գիշերապահը, եւ կը պատրաստուէր փակելու դուռը, երբ երեւաց բժիշկին կառքը՝ որ դուրս պիտի ելնէր։
- Տօքթօ՛ր…
- Ի՞նչ է Աննա խաթուն։
- Ո՞վ է զաւակս…
- Ո՞վ՞ :
- Սուտ մի՛ ըսեր, տօ՛քթօր…
- Ի՞նչո՞ւ սուտ ըսեմ։
- Հաղա երթամ մէկ մը տեսնեմ…
- Չէ՛, Աննա խաթուն, հիմա ուշ է ժամանակը, վաղը եկուր։
- Վաղը՛, վաղը տարի է մօր համար, ու Աննա խաթուն, արտասուլից աչքերով։
- Ա՛խ, տօ՛քթօր, միայն թէ տեսնեմ անդամ մը, համոզուիմ որ ողջ է ու դանամ, ուրիշ բան չեմ ուղեր, միայն թէ տեսնեմ անդամ մը։
- Պառաւ կնոջ յուղեալ ձայնն ու արցունքները գութը շարժեցին բժիշկին. ինքն ալ ծնողք եղած էր, ու դիսէր թէ ի՞նչ կ'զգան զաւկին տէրերը։
- Բայց խօսք տուր որ պիտի չյոդնեցնես զինքը, պիտի չխօսիս իրեն հետ։

— Հա՛, տօքթօ՛ր, քեզի՛ մատաղ, հա՛։
Ու բժիշկը առաջնորդեց զայն կարօի սենեակը։ Պա-
ռաւը տեսաւ կարօն՝ որուն աչքերը բաց էին թէեւ,
բայց տեսակ մը մառախլապատ ցոլք ունէին իրենց խո-
րը. կարծես թէ պաղած, սառած էին միջոցին մէջ։ Մօր
սէրը՝ իր բոլոր ուժգնութեամբը՝ արթնցաւ Աննա
խաթունի սրտին մէջ, եւ այն իր խոստումը մոռնալով՝
— Կա՛րօ, զաւակս…
Բժիշկը մէկդի քաշեց զայն։
— Ա՛խ, տօքթօ՛ր, հոգիի՛դ դուրպան, թող տուր
որ գոնէ լսեմ թէ «մայրիկ» կ'ըսէ այն։
Բժիշկը ստիպմաք դուրս հանեց զայն եւ ներքին,
յանկարծական մղումէ մը այնպէս զգալով թէ ա՛լ անօ-
գուտ էր ծածկել աղէտը, եւ գուցէ լաւագոյն ժամն էր
այս, յայտնելու զայն մօրը, ըստ։

— Աննա՛ խաթուն, կղզուած է տղուդ լեզուն։ Հըր-
դէհին յանկարծական լուրը վախցուցած ու կաթուա-
ծահար ըրած է զայն, հաւանական է որ ապրի, բայց
գուցէ իջուածքը տեւական ըլլայ եւ ինք անդամալոյծ
մնայ։

— Անդամալո՞յծ…
— Այո՛, ես ու իմ միւս բժիշկ ընկերներս ալ շատ
զարմացանք որ թոքատապի աղդեցութենէն արդէն իսկ
տպարացած անոր սիրու կըցաւ տոկալ կաթուածի հար-
ուածին, բայց բնութիւնը ունի այսպիսի խաղեր…
— Անդամալո՞յծ…

Այս անակնկալ լուրը շատ իսկ էր մօրը արդէն իսկ
մաշած սրտին համար։ Եւ անիկա, մոլեզին կատաղու-
թեամբ մը, կճրտեց ակուաները, եւ բնութեան խիստ
տարրերուն ու աշխարհի հարուստ բայց անկարեկիր
հոգիներուն դէմ իր սեղմած բուռնցքները պարապ մի-
ջոցին մէջ շարժելով, անկենդան գետին փոռեցաւ բա-
րի բժիշկին ոտներուն տակ…

ԱՄՈՒՆ ԱՊԱՇԱԽ

Ծննդեան քառասուն եւ հինգերորդ տարեդարձն
էր:

Ու Պարթեւ, իր մենարանի պատուհանին առջեւ
նստած, կը խոկար անցնող տարիներուն վրայ որոնց
իւրաքանչիւրին մասնաւոր յիշատակներ ունէր կապ-
ուած: Գերեզմանէն յարութիւն առնող մեռելներուն
պէս իր երեւակայութեան առջեւ կը կենդանանային
պատանիի, երիտասարդի իր օրերը՝ երբ կեանքը կը
խայտար իր աչքերուն խորը, ու բոցավառ արիւնը շըր-
ջան կ'ընէր երակներուն մէջ: Ի՞նչ հրապոյրներ ունէր
աշխարհ այն ատեն: Գեղեցկութիւն կը յորդէր շուրջը
ու գիւրամասոյց հեշտանքը կը հպէր իր շրթներուն:
Բնտանեկան կապեր իր ազատութիւնը կաշկանդող ծա-
նըր շղթաներ թուած էին իրեն ու ինք՝ նուրիրական ա-
մէն աւանդութիւն արհամարհելով՝ ինքնանկախ կեանք
ապրած էր: Մօտ քառորդ գարէ ի վեր վայլած էր աշ-
խարհը այնպէս՝ ինչպէս երեւակայած էր իր խանդա-
վառ օրերուն . . . : Ու այժմ, որ նոր տարեդարձ մը կ'ող-
ջունէր, գժողութեան ալիք մը կ'սպառնար խեղդել
զինքը . . . : Ատքի ելաւ: Հայելիին նայեցաւ: Ի՞նչ աւեր,
ի՞նչ աւերում: Երբեմնի իր առոյդ, կարմիր այտերուն
ոչ իսկ հետքը հիմա: Կայծկլոող բիբերուն տեղ՝ մար-
մըրուն աչքեր, ու մազերուն վրայ ծանր դիզուող ձիւն
մը՝ որ հալիւ չունի:

Հոյակապ չէնքի մը աւերակն անկառունակ . . . :

Տիւրութենէ ընկճուած սիրաը շեշտեց պէտքը կազ-
դուրումի, մաքուր բաց օդի: Ու ահա նորէն պատու-
հանին առջեւն էր Պարթեւ: Հանդիպակաց մայթին վը-
րայ ամէն օրուան պէս կը խաղային իր բարեկամին՝

Վաղարշին, դոյդ մը դաւակները: Պարթեւ խիստ յա-
ճախ — դրեթէ ամէն օր — տեսած էր անոնց խաղա-
լը: Բայց այսօր կարծես լեզու ելած էր այն ու բարձ-
րաձայն կը խօսէր իրեն:— Անհոգ հոս հոն վազվոտող
այդ մատաղ հոգիներուն հայրը՝ Վաղարշը՝ կը պատ-
կերանար իր առջեւ ու ինք անոր աչքերուն մէջ կը դըտ-
նէր հաղարտութիւն մը, յաղթական ժպիտ մը՝ որ կար-
ծես զինք կը հեղնէր ու կը խարանէր իր եսասիրութիւ-
նը, իր հեշտամոլութիւնը: Ու իրեն այնպէս կուտար
թէ կեանքի պայքարին մէջ վախկոտ մը, դասալիք մը
եղած է ինք: Իր սեփական դատաստանին առջեւ յան-
ցաւորի մը, մեղապարտի մը սարսուռն զգաց՝ ու լը-
քումը կապարի պէս ծանրացաւ իր ուսերուն: Մինչեւ
այդ օր երբեմն երբեմն միայն զգացուած ամայութիւնը
ծաւալեցաւ, խորացաւ, ու զահանդական անդունդի մը
համեմատութիւնները առաւ: Առաջին անգամն էր որ
զգաց իր մինակութիւնը ու սարսափեցաւ: Երբեք իրեն
այս սստիճան երկիւղալի չէր թուած մեռնիլը: Ու ա-
սիկա ոչ թէ անոր համար որ մահը շատ մօտ կը թուէր
իրեն. ո՛չ. թէ եւ մասսամբ հիւանդկախ, եւ սակայն կըր-
նար ասլրիլ տակաւին: Ի՞նչ ախտաժէտներ ապրած են
տարիներով: Բայց այս խորհուրդը, նոյն իսկ հաւաս-
տացումը, բաւական չէր փարատելու մահուան սարսա-
փիլ: Վաղարշի վարած կեանքը, անոր ճամբուն ընտ-
րութիւնը մշանչենպէս փայլող արեւի մը երեւոյթը
կ'առնէր: Իրը մէտօրա մըն էր որ աննշան շողարձա-
կումով մը պիտի շիշէր, անհետէր իսպառ:

Քառասուն եւ հինգերորդ տարեդարձն էր:

Քառասուն եւ հինգ մոմեր պէտք էր վառէին այ-
սօր, մտածեց Պարթեւ. ու իր երեւակայութեան ներ-
կայացան մոմերը՝ որոնք կը բոցավառէին, կը բոցա-
վառէին ու տակաւ տակաւ կը հատնէին, մինչեւ որ
մարմրէին, մարէին ու խաւարը պատէր ամէնը: Ի՞նչ
գժրաղղութիւն որ այդ բոցերէն պիտի չի վառէր նոր

մոմ մը, յետոյ ուրիշ մը, յետոյ ուրիշ մը, յետոյ ուրիշ մը ու այսպէս անվերջ: իր իսկ կեանքին խորհրդանշանն էր այս տեսիլը: Պարթեւ ի զուր ջանաց վանել սոյն տիսուր խորհրդածութիւնը: ինքնակոչ ու պարտադիր այցելուի մը պէս անցեալը կ'զգացնէր իր ներկայութիւնը: Անոր առջեւ մի առ մի կը պատկերանային այն բոլոր դէմքերը՝ որոնց հետ հաճոյքի վայրկեաններ, զօսալի ժամանցներ ունեցած էր: Կ'զգար որ թէ-եւ անոնց մէջ ապրած էր, անոնց հետ կերած խմած էր, եւ սակայն հոգեկան կապ մը, սիրտէ սիրտ յարաբերութիւն մը գոյացած չէր իրենց միջեւ: Ստուգիւ կենդանի էին գեռ անոնք: Բայց ոչ ինք անոնց համար ապրած էր եւ ոչ ալ անոնք իրեն համար ապրած էին: Ու այժմ՝ որ հաճոյքին յաջորդող աւերը կը պարզուէր ու կարեկից հոգիներու պէտքը կ'զգացուէր, մինակութիւնը ինքինք կը չետիշ ու բնտանեկան յարկի քաղցրիկ յիշատակը կը տաղնապեցնէր իր էռութիւնը: Ի՞նչպէս ցարդ չէր անդրադարձած թէ բազմութիւնը, ամբոխը պէտք չունի իրեն: Դրանը չէմքին, սանդղամատերուն վրայ, սենեակէն ներս ոչ ոք, ոչ ոք, ոչ ոք կ'սպասէր իրեն: Ու նորէն վաղարշի դէմքն էր որ հսկայի մը, աժտէհարի մը պէս կը ցցուէր իր առջեւ: Ի՞նչ հեշտանք կ'ողոզէ անոր սիրտը երբ զաւակները զինք կ'ողջունեն: Ի՞նչ քերկրանք կը չողայ անոր աչքերուն մէջ երբ կինը կը ժպտի իր վերագարձին . . . :

Դուրսի հովը՝ կանացի անուշահոտութիւնով ծանրաբեռնուած՝ ներս խուժեց սենեակէն: Պադշոս երդի մը եղանակը լեցուց միջոցը: Պարթեւ ցնցուեցաւ ու կեանքին մէջ առաջին անդամը ըլլալով պժդանքի մը խըլլը տառումն զգաց իր հոգիին մէջ: Ի՞նչքան պիտի ուզէր որ այդ երգին տեղ իր կեանքէն կեանք ու արիւնէն արիւն առած մատաղ հոգիի մը ճիչը ողողէր բովանդակ մթնոլորտը . . . :

Հեղնանքի ծով մը հայելիացաւ Պարթեւի առջեւ:

Իր մինչեւ երէկի բարեկամներու աչքերէն հեղնանք կը ծորէր, ընկերներու նայուածքներէն հեղնանք կ'արտահոսէր, ծանօթներու շրթներէն հեղնանք կը թորէր: Ամէնքը, ամէնքը զինք կը ծաղրէին կարծես ու իր մէջ կ'ուռէր կարօտը զինքը ողջագուրել փութացող փոքրիկ, քնքուշ էակի մը՝ որուն աչքերուն մէջ ու այտերուն վրայ տեսնէր իր պատկերը, ու անունին, ու էռթեան շարունակութեամբը, տեւականութեամբը, անմահութեամբը հրճուէր ու այնպէս փակէր իր աղօտացած աչքերը:

Այս անկարելի ըղձանքին առջեւ տեղի տուին բոյորմիւս ըղձանքները ու անոր սիրտը վերածուեցաւ լըքուած, թափուր վանդակի մը: Ու Պարթեւ որ անկախութեան, ինքնիշխանութեան, անկաշկանդ թոփչքի երադովը տարուած ու այդպէս ալ ապրած էր տարիներ տարիներով, զգաց իր եղկելիութիւնը, իր կաշկանդուած ըլլալը, իր մինակութիւնը, իր անյիշատակ կորուստը, ու քառասուն եւ հինգերորդ տարեդարձը տօնեց անսահման վշտով ու խոր այլ ամուլ ապաշտով:

ՔԱՐԷ ԱՍՏՇՈՒԽՆ ՎՐԷԺԸ

(Աւանդավալէպ)

Բլուրներուն ծոցը, կիրճի մը մէջ, տարիներ տարիներով փոռւած կը մնար գիւղը՝ որուն դլսուն վերեւ, սեպ ժայռի մը գագաթին, յաւիտենական սպառնալիքի մը սէս, իր ծանրութիւնը կը կախէր Քարէ Աստուածը — սպառածի հսկայ զանգուած մը:

Գիւղին բնակիչները՝ սարսափի այդ ուրուականէն ահարեկ՝ քարէ սրբատաշ բագին մըն էին կանգներ անոր ոտքը, եւ ամէն իրիկուն խունկով ու մոմով կ'օծէին զայն:

Բագինին մօտ աճեր, հասակ քաշեր էր հաստաբուն ծառ մը՝ զոր գիւղացիները գերբնական ուժով հագուեցեր եւ նուիրականութիւնով օծեր, սրբացուցեր էին:

Ու այսպէս, քարին ու ծառին պաշտամունքը տարածուեր, բռներ էր սմէնը, որոնք ուխտի կուգային յաձախ, եւ իրենց ազօթքներուն ու մաղթանքներուն հետ միասին գառնուկներ կ'ողջակիղէին եւ աքաղաղներու արիւնով կը ներկէին շրջապատի սրբազն հողը:

Ամլութեամբ տառապող կիներ, աչքերէ անտես, կամաց կամաց կը սողսղային, եւ երեք անդամ բագինին շուրջ կը պտտցնէին թել մը՝ որմէ դուլպայ հիւսելով կը հագնէին վերջէն. ու ապառածի սարսափաղդեցիկ այդ զանգուածը կ'ողորմէր իրենց եւ զաւակ կը սլարդեւէր:

Չորցած ստիճներով մայրեր՝ իրենց զաւակները գրկերնին առած՝ կուգային, կը չոքէին բագինին առջեւ, իրենց արցունքներով կ'ողողէին քարերը, եւ զանգը կը յուղուէր, ու ծիծեր կ'ուղուէրնային, ու կա-

թը կ'եռար, կը յորդէր պտկիկներէն դուրս, ու մանուկներու աղաղուն թաթիկները կը լեցուէին, կը գիւղուկնային տակաւ, ու անոնց գէմքերը հասած նուռերու պէս կը կարմրէին, կ'աղուորնային:

Զանազան ախտաժէտներ, բորոտներ, յօդացաւէ տառապողներ, քուրջէ կտորներու մէջ, իրենց ցաւերը ծառի ճիւղերուն կը փաթթէին ու տուն կը վերադառնային թեթեւցած ու կաղդուրուած:

Երաշտի ատեն, երբ արեւը կ'այրէր հողը եւ երկինք կը կղպուէր, կ'ամլանար իսպառ, գիւղին բոլոր բնակիչները մէծ թէ պղտիկ՝ բագինին շուրջ կը բոլորուէին եւ իրենց սեփական ձեռքերով մի առ մի հաւաքած փայտերէն հսկայ խարոյի մը կը վառէին: Ու երկինք կը տամկանար, ամպերը կը գիւղուէին, եւ օրհնաբեր անձրեւը կ'ողողէր, կ'արգասաբերէր արեւէն կոնծած անդերն ու անդաստանները:

Վայ թէ մարդիկ յանդգնէին հեղնել, կասկածի առարկայ ընել Քարէ Աստծուն հրաշագործ զօրութիւնը: Անոնց աշքերուն լոյսը կը մարմէր, կը չիջէր իսպառ, ձեռքերը կը քաշուէին, ոտքերը կը կթոտէին, անշարժութեան կը դատապարտուէին: Գիւղը քանի՛ներուն անունը կուտար, լսէի՛ք, քանի՛ներուն անունը՝ որոնց սկեպտիկութեան հետեւանօք բերանները ծոեր եւ երեսներն ետին դարձեր էին:

Ու գիւղը՝ Քարէ Աստծուն հանդէպ ցուցուցած իր պաշտումին վստահ՝ անխոռվ կը շարունակէր իր կենցաղը: Ու ապառածէ այդ զանգուածը՝ տարիներ տարիներով՝ իր տեղը գտնուած կը մնար անշարժ, եւ բարի հօր մը սէս ա'լ կը ժպտէր կարծես մեծին ու պղտիկին: Փուլ գալու, գիւղին վրայ իյնալու, զայն հիմնայատակ կործանելու սարսափը՝ տարիներու վարժութեան մէջ՝ նուազեր, հալեր էր գրեթէ, եւ գիւղացին հաշտուած էր իր Աստծուն հետ՝ որ հիմայ կ'ողողէր զինքը ամէն բարիքներով:

* * *

Ու օր մըն ալ, ի՞նչ գէշ օր — երթա՛յ երթա՛յ այն
օրը, ա՛լ չփայ — վայրագ խուժան մը՝ բիրերով ու
տապարներով զինուած՝ յարձակեր, վոնտեր էր բարե-
պաշտ գիւղացիները եւ բոնադրաւեր անոնց ինչքն ու
ստացուածքը: Քարէ Աստծուն պաշտամունքը ծալլուեր
մէկդի դրուեր էր: Ա՛լ ոչ ոք կ'երթար իյնալու Անոր
առջին ու իր սիրաը բանալու Անոր անսահման գուռան-
քին: Անոր նուիրուած բագինն ու ծառը իրենց առանձ-
նութիւնն ու անփառունակութիւնը կը սդային բաց օ-
դին մէջ, ու ապառաժի այդ զանգուածը կը տիրէր, կը
խոժոսէր եւ իր անսահման ցաւին մէջ կը պարտկէր իր
կատաղութիւնը:

* * *

Անան վերջերը՝ իրիկուան մը դէմ, խուժանի մէկ
քանի գաժան դէմքերը, խստաշունչ ձմրան հեռավատ-
կերէն տարուած՝ առին տապարները եւ գիմեցին դէպի
բաղինը: Քարէ Աստծուն ոտքը տարածուող յաղթան-
դամ ծառը ինկաւ անոնց տապարի հարուածներուն
տակ: Այժմ բագինն էր միայն որ կը կանգնէր այնտեղ
միս մինակ, առանձինն: Տապարահալներէն մէկը հուժ-
կու երիտասարդ մըն էր, կայտառ, առոյդ, քաջակազմ:
Արիւնը կ'եռար անոր երակներուն մէջ եւ ոճիրին խան-
դը կը զինովցնէր զինքը: Բագինին կապուած միամիտ
հաւատքին դէմ կ'ըմբոստանար իր միտքը եւ հեղնու-
թիւն մը, դառն ծիծաղ մը կ'ողողէր իր համակ էու-
թիւնը: Եւ բազուկը կը բարձրանար, ու տապարի հար-
ուածները՝ անսահման քրքիչներու մէջ՝ կը փշրէին,
կտոր կտոր կ'ընէին բագինը՝ որ ո՛վ գիտէ, քանի՛ քա-
նի՛ դարեր ջերմնուանդ ժողովուրդի մը երանաբաշխ
միջոցն էր եղեր:

Ու երիտասարդը՝ Աստուծոյ մը վրայ տարած իր
այս յաղթանակէն գինով՝ հպարտ մուտք մը կ'ընէր
տունէն ներս, իրեններուն հետ միասին:

* * *

Իրիկուան ստուերները իջան, խտացան եւ իրենց
դրկին մէջ առին բովանդակ գիւղը՝ որ իր վաղեմի ջեր-
մեռանդ բնիկներուն կարօտը կը քաշէր այժմ: Խաւա-
րին ալիքները յորդեցին եւ թուխպը պատեց երկինքը՝
որ մթնեց եւ կապարի պէս ճնշեց միջոցը: Ամպերը
բարզուեցան, կուտակուեցան, եւ վայրկեան առ վայր-
կեան աւելի սպառնալի, աւելի ահարկու դարձան: Հա-
զարաւոր թնդանօթներու միանուագ որոտին ուժգնու-
թեամբը ջիղերը սարսող գոռում գոչումներ լեցուցին
անսահման պարապը: Հեղեղանման անձրեւը ծեծեց
տանիքները: Կայծակները՝ հրեղէն օձերու պէս՝ ճեղ-
քեցին անջրակետը ու մխուեցան ժայռերուն ծոցը: Կոր-
ծանարար փոթորիկ մը սուրաց միջոցին մէջ եւ հիմնա-
յատակ կործանեց ծառեր ու ծառաստաններ: Երկինք ու
երկիր սասանեցան կարծես իրենց հիմերէն ու ապառա-
ժի գագաթին վրայ դարերով հանգչող Քարէ Աստծու-
ծը վեր ելաւ իր տեղէն եւ ահարդին գլորդամբ մը իջաւ,
իջաւ գիւղին վրայ ու իր սոսկավիթխար ճնշումին տակ
ծածկեց գիւղն ու անոր դաժան բնակիչները . . . :

* * *

Ու հիմայ, երբեմնի այդ չէն գիւղէն աւերակ մը
կայ միայն՝ որ իր ամօթը կը պտտցնէ արեւուն տակ
ու իր մշանչենական քունը կը խորդայ Քարէ Աստծուն
հսկայ ծանրութեանը ներքեւ:

Յաւիտենական մեռելն է այն՝ որուն իսպառ զլաց-
ուած է յարութեան չքնաղ յոյսը:

1920

— 85 —

ԹԱՓԱՌՈՒՄՆԵՐ

Յ Ի Շ Ա Տ Ա Կ

Անոր՝ որուն չի յայտնեցի սկըս երբէք

Մեռա՛ր...

Ու անկէ ասդին ամիսներ են անցեր, տարիներ՝ ու
դուն կ'ապրիս դեռ սրտիս մէջ՝ որ քեզմով բարախեց,
հողիս մէջ՝ որ պատկերովդ հրճուեցաւ, աչքերուս
մէջ՝ որ մահդ լացին, եւ այտերուս վրայ՝ ուր մանկու-
նակ տարիներուդ համբոյրը կը ջեռնու ահա՛:

Մեռար... ու կ'ապրիս տակաւին։ Մահը կեանքին
վերջաւորութիւնը չէ բնաւ, այլ անոր այլակերպ մէկ
եղանակաւորումը միայն։ Էութեանս մասնիկն է էու-
թիւնդ՝ որ վրադ կուտուող հողին ու շիրմաքարին մէ-
ջն՝ յառնող փիւնիկին պէս, կը բարձրանայ, կը ծի-
ծաղի, կը նաղի։ ինձ ծանօթ ծայնիդ շեշտերը՝ աղուոր
երաժշտութեան մը նման՝ կը գգուեն ականջներս, ու
դիցանուշ նայուածքդ՝ ապրիլի վարդերուն պէս՝ կը
ծաղկի աչքերուս մէջ։

Մեռար... ու կ'ապրիս տակաւին։ Վշտին արտա-
յայտութիւնը տկարութիւնն է մարդուն. ատիկա այ-
սօր է միայն որ կ'ըմբռնեմ, երբ պայծառ գիտակցու-
թիւնս կը մղուի հեղնելու արցունքներս զոր ա'յնքան
դառնօրէն թափեցի անշնչացեալ մարմնոյդ վրայ, եւ
մրմուռը սրտիս՝ զոր կսկծաղին քամեցի ուսամբարձ
դագաղիդ ի տես։

Մեռար... ու կ'ապրիս տակաւին։ ի՞նչքան լեռներ
անցայ ես յիշատակիդ հետ, քու մահէդ ասդին։ ի՞նչ-
քան ծովեր. ովկէանի ի՞նչ անսահման տարածութիւն-
ներ կտրեցի. ի՞նչ հորիզոններ ողջունեցի։ Հիւսիսէն

մինչեւ հարաւ, ու արեւելքէն մինչեւ արեւմուտք եղայր եղայր ես հովին ու ջուրին, անձրեւին ու արեւին. անոնց հետ ըլջան ըրի ու անոնց համեմատ հանդիստ առի. մինչեւ որ սուրին ու սովին ստուերը դադրեցաւ յաճախանք մը ըլլալէ...

Այդ իսկ, սակայն, չի լեցուց շուրջս փոռուող ամայութիւնը՝ զոր շունչիդ օծութիւնը միայն կը վերակենդանացնէ: Քու թաւիչք ոտներուդ տակ վարդաստաններ կը ծաղկին, մինչ երազիս աստուածները այցի կուգան արեւ տեսքիդ:

Մեռար... ու կ'ապրիս տակաւին: Յիշատակին անմահութիւնը անմահութիւնն է կեանքին: Եւ բաղձանքներդ զոր կը սնուցանէիր, եւ հաւատքդ որով շեշտակի ապաղային կը նայէիր, եւ սէրդ զոր թերեւս կը վարանէիր արտայայտել, եւ երդերդ՝ որոնցմով թեւ կուտայիր զգացումներուդ, եւ խորհուրդներդ, եւ խօսքերդ, եւ ձեւերդ եւ էութիւնդ համակ հոն են, յիշատակիդ մէջ, կենդանի՝ որպէս աստուածն երկինքին, եւ դգուելի որպէս ժպիտը յաւերժահարսին:

Մեռար... ու կ'ապրիս տակաւին: Յիշատակդ ծիածանն է գունագեղ, որ թիսպայորդ ամպերուն մէջէն կը ժպտի սրտիս աւերներուն: Ուշ, ի՞նչքան վիշտեր կան արձանագրուած հոն, ի՞նչքան վէրքեր, ի՞նչքան բոցեր, ի՞նչքան լացեր...: Ժամանակը կը թուչի, ու կեանքիս տարիները՝ որ կը սուրան անոր հետ, տակաւ կը կապտեն ինձմէ երջանկութիւնս զոր կը հաւատայի պահած ըլլալ իբրեւ աւանդ ապաղայի: Ու զուն որ կ'ապրիս, տիրող այս քայլայումին մէջէն ինծի կը բերես Անցեալը իր հազար ու մէկ վայելքներով, ու հարիւր հազար ծիծաղներով:

Մեռար ու կ'ապրիս տակաւին...: Ո՞վ երանութիւնը չի փսփսուած, չարտասանուած սէրին, ո՞վ վայելքը վարանոտ, գաղտագողի համբոյրին, ո՞վ ցնծութիւնը անմեղ, անմանկ նայուածքին, ո՞վ հեշտանքը մա-

նուկի պինդ ձեռնասեղմումին, ո՞վ յաւերժականութիւնը այս չքնաղ երազներուն՝ որոնց մօտ խուսափող, անհրապոյր անուրջ մըն է կեանքը՝ որուն ա'յնքան հոգեւին կառչած կ'ուղենք մնալ մենք մարդիկս:

Մեռար... ու կ'ապրիս տակաւին: Ա'լ արցունք չունիմ քեզի համար: Մանկութեանս ժպիտն է որ կեանքիս սա աշունին մէջէն զքեզ կ'ողջունէ: Երէկի օրերը անցեալինը չեն այլեւս, անոնք կենդանի են աւելի քան ներկան, եւ անոնց վրայ ա'լ իր մշուշը չի սփռեր բիրտ ժամանակը: Զութակի մը հեշտագրդիո խազերունթրուուն չեշտէն աւելի քաղցր է շիրմէն ձայնուած եղանակը՝ որ կը դիւթէ, կը գերէ զիս ու կը մղէ լքելու կենդանի ողջագուրումներու հմայքը եւ նետուելու դիրքը կը քու աննիւթ բաղուկներուդ:

Մեռար... ու կ'ապրիս տակաւին: Ո՞վ նուիրականութիւնը անունիդ հունչին, ո՞վ վաղնջական շունչը մոոցուած նուազին...: Ի՞նչպէս լեցնել, առանց անոնց, պարապը սրտիս՝ որ գիտեմ, պիտի հիւծի, պիտի մաշի վաղաժամ: Ալ'րտս... ուշ, տիրատեսիլ գերեզմանը լայնափոր՝ ուր մէկիկ մէկիկ թազած եմ բոլոր յոյսերն իմ գարունին: Գիտնայի՛ր, ի՞նչպէս ծաղկեցան անոնք առառուան ցողին հետ, ու մեռան աշունի վարդերուն պէս, զեռ իրիկուն չեղած: Բայց շիրմամփոփ այս սրտիս համար յիշատակդ շողն է արեւին, որ գարեր գարերով կեանք է տուեր աշխարհներու, ինքն ըլլալով ամենապայծառ ու կենսալիր երեւոյթը՝ թանձրախաւար քառսներուն վերեւ առկախ...:

1917

ԱՐՀԱՄԱՐԴԱՆՔ

Անբաղդ, աղուոր աղջկան մը

Մատաղ սրտիդ մէջ քնքուչ՝ մատղուկ սէր մը մեռաւ այսօր, ու ես կը բաղձամ որ այդածաղկին պէս ժպտիս նորէն կեանքին ու մարդերուն:

Ժպտէ՛, անբա՛ղդ աղջիկ, ժպտէ՛: Ապրող խորհուրդը տիեզերքին՝ յաւիտենական արհամարհանքն է միայն: Երանութիւնը դիւթական երազ մըն է սոսկ, որ կը պարուրէ մեր էութիւնը, որպէսզի, մեր սթափումի վայրկեաններուն, յուսախարութեան դառն բաժակը աւելի եւս դառնօրէն մօտեցուի մեր շրթներուն:

Ի՞նչքան տկար էակներ ենք մենք ճակատագրին ձեռքը՝ որ կը վարէ մեզ իր խօլ քմայքին համեմատ: Աղուոր բաղձանքներ, գեղեցիկ յոյսեր, կամրուկ վարդեր վայրկեանի մը բաժինն են մեր, ու ահա տառապանքը արագ թոփէներով կը հասնի մեզի ու կ'ընդդրիէ մեր ողջ էութիւնը:

Կեանքը ա՛յսպէս է սակայն: Ամէն ծնունդ ցաւով կ'երկնուի ու ամէն մահ վշտով կը հասուննայ:

Կայսող, ոստոստուն երդեր մոռացութեան մը ծոցէն հաղիւ թէ կը յառնեն հանդիսաւոր վայրկեանի մը մէջ, մինչ մեր առանձնութեանը պահերուն, դադաղին պէս տիսուր, ու ամպոտ օրուան մը պէս թախծոտ, վշտին երդերն ու քերթուածներն են որ կը յեղյեղն մեր շուրթները:

Ժպտէ՛, անբա՛ղդ աղջիկ, ժպտէ՛: Ամէն հողի հառաջանք մը ունի զոր ուրիշները չեն ըմբռներ: Յիմարները թերեւս անընդունակ են վշտի, ու յիմարները ա-

մենաեղկելի արարածներն են տիեզերքի: Իրաւ է որ իւրականութիւններուն հանդէալ անոնց ունեցած անդիտակցութիւնը կ'երջանկացնէ զիրենք երանութեամբը անզգայ իրերուն՝ որոնք պիտի չը ճանչնան, սակայն, երբէք քաղցրութիւնը արհամարհուած վշտին:

Ժպտէ՛, անբա՛ղդ աղջիկ, ժպտէ՛, մինչ վիշտը կը ձնչէ սիրտդ՝ որ անոր անսահման ծանրութեանը տակ կը ունին՝ զէպի գերեզման կը հակի: Յոյսը թող չի ծաղկի երբէք կուրծքէդ ներս, ու բնութենապաշտ հոգիդ՝ թխալայորդ ամպերուն ու ոռնացող վոթորիկներուն մէջէն՝ երփնագեղ ծիածանի մը խայտանքը թող չի նշմարէ բնաւ. զի այդ ծիածանը, ուշարող նայուածքն է բողակեաց կնոջ՝ որ համայնտարած թշուառութեան մը ծոցը՝ փեղկերէ զուրկ պատուհանի մը պէս, ունայնօրէն կը վուուի:

Ժպտէ՛, աղուոր աղջիկ, ժպտէ՛, ու ցուցուր որ դուն մէկն ես այն գերզգայնիկ հոգիներուն՝ որոնց արուած է վիշտը ճաշակել անտրտունջ, զի վշտակրութիւնն ալ արուեստ մըն է, գեղեցիկ՝ որպէս նոյն ինքն գեղեցկութիւնը, եւ վսեմ՝ որպէս աստուածութիւնն երկնքին: Գերագոյն սէրը վշտահար սրտերու մէջ մարմին կ'առնէ եւ անխարդախ ժաղիկն է դութին, եթէ երբէք հեգնանքը չէ անիկա վշտին:

Ժպտէ՛, անբա՛ղդ աղջիկ, ժպտէ՛: Կեանքը այսպէ՛ս է ձեւուած. — տարիներ պիտի հոլովուին եւ աւերակներուն վրայ աւերակները պիտի քրքջան. դալուկ վերջալոյսն ու մարող յետին ցոլքն անդամ ժպտելով պէտք է գիմաւորէ մարդ՝ որ անոնց հետ միասին իր դամբանին կը մերձենայ տակաւ: Վիճակներու նմանութիւնը ամենամեծ սիոփանքն է թշուառներուն, ու թշուառութիւնը գերագոյն ծնողն է եղբայրակցութեան:

Գիտնայի՛ր, ի՞նչքան աղուոր է ժպիտը դէմքիդ՝ անբա՛ղդ աղջիկ. ի՞նչքան գիտակից արհամարհանքն ունի այն՝ կեանքի վշտաստանին՝ ուր ուրախութիւնը,

խուսափող ասուսկին նման, բոսէ մը միայն կը լուսաւորէ միջոցը ու... կ'անհետի: Եւ անոր քաղցրիկ յիշատակը՝ զոր կը կրենք մեր սրտին մէջ, աւելի եւս կը չեշտէ սուզը՝ որով կ'ողբանք կորուստը աղուոր երեւոյթներուն եւ սիրելի էակներուն: Ի՞նչքան տկարամիտ ենք մենք, մարդիկո՞ որ հեւիհեւ ու չնչասպառ կը վաղենք ողջունելու բախտաւորութեան մը արշալոյսը՝ ուրուն ստոյդ նուաղումը մշտնջենապէս պիտի տանջէ մեր հոգիները:

Ժպտէ՛, անբա՛ղդ աղիջկ, ժպտէ՛: Արտաքնապէս կենսուրախ այս քաղաքին մէջ տառապանքն է համայնատարած: Ընտանեկան թշուառութիւններուն վրայ համայնքին անհոդ արհամարհանքն է փռուեր, ու հասարակական կոտտացող վէրքերուն վրայ քաղաքակըրթական խենթ խնձիղն է տարածուեր:

Ժպտէ՛, քոյր իմ, ժպտէ՛, թող ոչ ոք չի նշմարէ արցունքդ՝ որ մենիկ ժամերուդ կ'այրէ կոպերդ: Աշխարհ օտար է արցունքի: Դո՞ւն ես որ պիտի փաստես անոր թէ արցունքդ ուժ մըն է, գերազոյն ուժը աղաղակող թշուառութիւններուդ՝ որով հոգիդ կ'սփոփէ ինքինքը:

Ժպտէ՛, անբա՛ղդ աղջիկ, ժպտէ, ու մի՛ հաւատար երբ կ'ըսեն թէ ամէն ինչ որ կ'ապրի, պիտի մեռնի: Իրաւ է որ ծաղիկը կը թարշամի ու տերեւը կը թափի, թոչնիկը կը մնջէ ու աստղերը կը դալկանան, գունդերը կը հալին ու մարդիկը կը նիրհեն անէութեան ծոցը. բայց վիշտը, ա՛յնքան գալրերէ ասդին, չի ծերացաւ տակաւին: Ժամանակին ու Միջոցին հետ անմահ երրորդութիւնն է անիկա:

Ժպտէ՛, քո՛յր իմ, ժպտէ՛, ու թող ուրիշներ չը նշմարեն վիովիսութիւնը՝ զոր վիշտը պեղած է երեսիդ: Ժպտէ՛ երբ մեռնող մատաղ սիրոյդ բացակայութիւնը կը լեցնէ միջոցը: Ժպտէ՛ ու վիրաւոր սրտիդ արիւնիլը դո՛ւն միայն գիտցիր: Թո՛ղ որ ուրիշներ նա-

խանձին ժպտող երջանկութեանդ: Ժպտին յառաջ բերած նախանձը թշուառութեան արտադրելիք կարեկ ցութենէն աւելի նախամեծար է: Գութն ու ողորմութիւնը ուկորներ են որ փափուկ ակռաներդ կը փշրեն: Դժնէ ցաւին հանդէս սէդ կեցուածք մը վսեմ է ու խորհրդաւոր որպէս Մատոնան հոյակապ կաթողիկէի մը խորանին ներսը: Ու դուն նորագոյն ժամանակներութշուառութիւններուն եւ սպառնացող սովին ու սուրին հանդէս գեղեցկօրէն պիտի ժպտիս...:

1917

ԲԱՑԱԿԱՆ

Անոր՝ որ հեգնեց

Անձկութիւնը նորէն գրկեց զիս հիմայ...:
Զը գիտե՞մ, ինչո՞ւ բացակային այս յաճախանքը
այսքան ուժդին է ու յարատեւ: Ինչքան երկար է այս
դիշերն, Աստուած իմ, ու ինչքա՞ն սեւամած: Արհա-
մարհուած ըլլալու գիտակցութի՞ւնն է արդեօք որ այս-
պէս կը պատէ հոգիս տակաւ, ապա թէ չէ, ուրկէ՞ այս
փոթորիկը՝ որ կ'ալեկոծէ դանկս յարաժամ: Առաջին
սիրոյս պատիր բնազդն է թերեւս որ անկէ սիրուած ըլ-
լալու հաւատքը կը բերէ ինձ նորէն: Բայց չէ՞ որ շա-
տոնց հաւատացի ես թէ սխալ ընթերցող մըն է սիրտը՝
որ պղտիկ շարժումներէ, անդիտակ նայուածքներէ,
աննպատակ ժպիտներէ ու քաղցրիկ խօսքերէ աղուոր
հետեւութիւններ կը հանէ միայն: Ու չէ՞ որ տարի-
ներ առաջ, ես արդէն թաց աչքերով զգացի այդ պատ-
րանքը, ու վճռական լրումի մը մէջ այրեցի այդ պաշ-
տումի առարկան, մոխրացնելով միանգամայն սիրտս՝
որ անով կը խանդակառուէր...

Բայց ահա նորէն յաճախանքը անոր...: Ինչո՞ւ
արդեօք սրտերն ալ չեն ենթարկուիր ժամանակին ու
Միջոցին ազդեցութեանը: Ինչո՞ւ մարդկային կամքը
չի կրնար իր իշխանութիւնը տարածել նոյն իսկ տարի-
ներու անսահման անջրպետովը բաժնուած զգացումնե-
րուն վրայ...: Այս ի՞նչքան խորազգեցիկ է թափը ա-
ռաջին սիրոյն...:

Պա՞ղ հրաժեշտ մը... Ու ինծի այնպէս կուգար որ
ատիկա աւելի քան բաւական էր մոռնալու երէկը՝ որ
փոխադարձ սիրոյ սիրովանքը չէր ընծայած ինծի: Ո՞վ

անդիտութեանս թէ բացակայութիւնը մշտարծարծ
հուրի մը վառարանն է աներկրայ: Ու տեսէ՞ք, բացա-
կային կարօտն է որ կը չլթայէ զիս նորէն. մտածումս
անոր կ'երկարի, ու անոր գլխուն վրայ պտուտկող չա-
րագուշակ աղէտ մը կը տանջէ, կը չարչըկէ միտքս:
Ի՞նչքան բարերար կրնայ ըլլալ սակայն այն աղէտը՝ որ
սրտիս մոխրակոյտերուն տակ անթեղուած վերջին կայ-
ծըն ալ պիտի մարէ...: Բայց այս հրճուանքը հազիւ
դգացած՝ խիզճին խայթը կ'ունենամ: Գո՞ւթն է արդ-
եօք որ այսպէս կը յառնէ աւերակներուն մէջէն: Զեմ
կարծեր: Սեւ աչքերն են որ հոգիիս կը թափանցեն. ու
այդ աչքերը պաղատանքի մը չեշտը չունին իրենց մէջ:
Վհուկային ի՞նչ թովլք է այս որ անոր այտերէն չեթ
շիթ կը ծորի սրտիս մէջ: Կ'զգամ որ գերեվարուած մըն
եմ ես, ու ահա ջերմօրէն կը պաղատիմ որ չարագուշակ
աղէտը չի պայթի անոր գլխուն...:

Եւ ինչո՞ւ այս պաղատանքը՝ երբ գիտեմ որ անի-
կա չսպասեր ինծի: Անոր բազուկները հեռաւոր սէր
մը ողջագուրելու համար ստեղծուած չեն, ու պան-
դուստի տաժանքը լուռ հոգիս ինքն է որ առանձին պի-
տի կրէ յաւիտեան: Առ այն վերադարձի մը հեռանկարն
իսկ ցնորք մըն է աչքիս...: Բայց անոր ստուերը կը
հետապնդէ զիս ամէն տեղ: Ե՞ս եմ արդեօք որ իրեն կը
հետեւիմ...: Ի՞նչ մութէ մտքիս այս գիշերն, Աստ-
ուա՛ծ իմ, ու ի՞նչքան սեւամած. Ի՞նչքան թանձր է այս
խաւարը անայդ ու անառաւօտ...:

Տեսիլքս է որ կը գեղեցկանայ յանկարծ — սիր-
ուած հոգին ճամբուս կ'ապասէ, ու ժպիտը աչքին՝ զիս
կ'ողջագուրէ: Բլուրի կողքին, պարտէզին մէջ, ու գե-
տի ափին սիրոյ պաշտամունքը կը խնկարկենք: Թըու-
չունին երգը հոգեզմայլ մեղեդի մը կը դառնայ, ու ջու-
րին կարկաջը՝ քաղցրադու երաժշտութիւն մը: Բնու-
թիւնը կը զարթնու եւ սիրտը կը զեղու անսահման ե-
ռանդով: Բայց ահա կասկածը՝ որ տեսիլքէս աւելի ի-

ըական է, կը պարզէ ինձ եղելութիւններու դաժան իս-
կութիւնը. — ու ծաղիկները կը խամրին, ու տերեւնե-
րը կը գալկանան, ու թոչունները կը մնջեն ու փոթո-
րիկը կը խորսակէ նաւուն կողերը: Աստուած իմ, ի՞նչ
մութ է դուրսը, ի՞նչ խաւար մտքիս մէջ:

Առեղծուածային ի՞նչ հեղինակութիւն է այս որ հօ-
թը ծովիւրէն, ու հօթն անդամ հօթը սարերէն ասդին
ալ իր թեւերը կը պարզէ:

Ո՞վ պիտի եղերեցէ ինծի դառնութիւնը սրտիս՝
որ անլոյս ու անարեւ խաւարին մէջէն դէպի գերեզման
կը հակի...: Ու հեղնանքի ի՞նչ քրքիջ է այս, լսեցէք,
որ մեռնող սրտիս վրայ, սիրուած, բացակայ էակին
հաղագէն հրճուագին ու կոկորդալիր կը պոռթկայ...:

1917

Լ Ք ՈՒ Մ

Անոր որ գիշեր մը լուսաւորեց հո-
գիս, ու ապա յախտենական խաւարի
մը մէջ քաղեց զայն:

Ո՞վ պիտի երգէ ինծի թովանքը այն լուսնկայ գի-
շերին, ուր ծառերն ու ծաղիկները, մարդերն ու մար-
դաստանները կը նիրհէին դիւթական երազի մը դիր-
կը: Զեփիւռը չէր շնչար թուփիւրուն մէջէն, ու մեղ-
միկ շունչ մ'իսկ չէր գգուեր կոկոններուն թաւիչ թեր-
թիկները: Լճակին մէջ, ուր լուսնակին արծաթ շողիկ-
ները կը լոգնային, ալեակներն իրենց երազը ունէին,
ա՛յնքան հեշտագին, ա՛յնքան երանաւէտ, որ խոռվեի
եւ ոչ մէկ հետք կը գծէին իրենց շուրջ: Ո՞վ գեղեցկու-
թիւնը երազող բնութեան, ո՞վ անձառելի փառքը նիր-
հող լճակին, ո՞վ վսեմութիւնը գերահզօր լուռթեան՝
անհուն որպէս միջոցը, անսահման՝ ինչպէս յաւիտե-
նութիւնը, խորունկ՝ ինչպէս հողին երաժշտութեան:

Մինակ էի ես ափը լճակին՝ մինակ ու երազուն:
Աչքերս, անպարունակ միջոցին մէջ, անհունութիւնը
կը չափէին, մինչ հոգիս, բնութեան մէկ մասնիկը,
կ'ըմպէր հեշտանքը անոր դիւթական մրավին: Դուն ալ
մինակ էիր, մինակ ու երազուն՝ լճակին պէս, միջոցին
պէս, ինծի պէս: Աչքերդ՝ բիւրեղ ինչպէս լճակը, լու-
սաւոր ինչպէս լուսնակը, խորհրդաւոր՝ ինչպէս երկին-
քը անամպ, կը լողային գոզը հեշտագրդիո երազին:
Թաւշային ի՞նչ գեղեցկութիւն էր այն, Աստուած իմ,
որ կ'օծէր այտերդ, երբ արմուկդ գետնին, ու գլուխդ
արմուկիդ, լուսնակին թովքը կը ծծէիր, անդիտակ այն

աչքերուն՝ որ նոյն այդ պահուն քու թովքդ կը ծծէին
 հեշտալիր ու երանաւէտ։ Աչքերս ի՞նչպէս մոլորեցան
 անպարունակ միջոցէն, ու ոտներս ի՞նչպէս չի պղծե-
 ցին անսահման ու խորունկ լոռութիւնը, այդ ես չի գի-
 տեմ . . . : Բա՛ւ էր որ վայրկեան մը յետոյ քովդ էի, եւ
 նոր ու անսովոր երազով մը կը խայտար հոգիս . . . : Աչ-
 քէ անտես ձեռներ երանութեան մը գողը դրին սրտիս
 մէջ, երբ շունչդ, վարդաստաններէն անցնող հովիկին
 նման, կը բուրումնաւէտէր միջոցը: 0', ձեռքէ՛ր, ձեռ-
 քէ՛ր, մաքուր ինչպէս ձիւն, լուսաւոր որպէս արեգակ,
 փափուկ ինչպէս շուշան . . . Ո՞վ պիտի երդէ ինծի, ը-
 սէի՞ք, ո՞վ պիտի երդէ ինծի անանուն դողը ձեր անսահ-
 ման գրգանքին, ո՞վ պիտի երդէ ինծի անմոռանալի
 հեշտանքը ձեզ մատուցուած համբոյրին . . . : 0', ձեռ-
 քէ՛ր, շուշանաթոյր, կաթնորակ ձեռքէր: Ի՞նչպէս եր-
 դեմ ես այժմ աստուածային երազը ձեր լոիկ այլ խո-
 րաթափանց երաժշտութեան. ինչպէ՛ս երդեմ ամենա-
 նուած հրապոյը վարդի ու մեխակի ձեր փափկու-
 թեան, ուր հոգին իր պատկերը դրած էր ու սիրուն՝ իր
 երազը: 0' ձեռքէ՛ր, ձեռքէ՛ր, բուրումնաւէ՛տ, կանա-
 ցի՛ ձեռքէր, երնէ՛կ ձեզ, հաղա՛ր երնէկ, որ թարշա-
 միլ չունիք դուք: Այսեր կը դականան ու աչքեր կը
 մարմրին ժամանակի լախտէն հարուածեալ, բայց դուք
 կը պահէք ձեր գեղն ու հրապոյը, մինչեւ որ ձեզմով
 խօսող հոգին որսը դառնայ գերեզմանին: 0', ձեռքէ՛ր,
 ձեռքէ՛ր, երգեցէ՛ք ինծի այսօր ձեր երդն հոգեթով,
 ինչպէս լոիկ երգեցիք այն գիշեր, ու սիրոս խայտաց
 հեշտագին . . . : Երգեցէ՛ք ինծի աստղին պէս չքնաղ ու
 լուսնիայ շողին պէս փափուկ այն էակը՝ որուն սիրու
 ձեր մէջ կը բարախէր, ու հոգին՝ աչքերուն: 0' հ, ի՞նչ-
 քան գողտը էին մատները ձերին, նրբին ինչպէս խաղ
 մը տխուր, գողուելի ի՞նչպէս երազը մանկան, սրտա-
 գըրաւ ինչպէս սիրոյ առաջին մրմունջը վարանոտ . . .
 երգեցէ՛ք, երգեցէ՛ք ինծի ձեր երդն այն գիշերուայ,

առ որ կը թուչի այժմ հոգիս երանաբաղձիկ:

Ի՞նչ գիշեր էր այն, յիշէի՛ր, ի՞նչ գիշեր երազուն,
 երբ դուն՝ գեղեցիկ ինչպէս ճառագայթը ծովուն վրայ,
 չքնաղ ինչպէս առաւօտը արեւելքի մեր գիւղերուն, լու-
 սաւոր ինչպէս տեսիլները մեր մանկութեան եւ զուարթ
 ինչպէս երազը երիտասարդ, խանդավառ բանաստեղ-
 ծին, ժամանակ ինծի աչքերուդ մէջէն ուր երանութիւ-
 նը կը կայծկլտար: Յանդուգն ու յայրատ ձեւեր չու-
 նէիր գուն, ու ամչկոտ էիր, ամչկոտ՝ ինչպէս կ'ըլլան
 արեւելքի մեր հարսները իրենց պսակօրհնէքին . . .
 Բայց դուն երազ մըն էիր ու անցար, ինչպէս կ'անցնին
 բուլոր երազները հեշտան. ու այժմ՝ առաւել քան եր-
 բէք՝ գեղեցիկ կը թուիս ինծ դուն, աւելի գեղեցիկ քան
 աստուածուհիները Յունաստանի, աւելի չքնաղ քան
 բուրումնաւէտ վարդը Մայիսի, աւելի դիւթական քան
 մուցուած սիրելի բանաստեղծութեան մը մէկ տողը՝
 որ միտքդ կ'իյնայ յանկարծ: Ա՛հ թէ կարենայի եղե-
 րերդել քեզի լքումը անսահման որ կը չոքի կուրծքիս.
 Ի՞նչքան ամայի է այժմ սիրոս, գիտնայի՛ր, ամայի
 ինչպէս ծառերը՝ որոնք յանկարծ կը մերկանան իրենց
 տերեւներէն, ու աւել ինչպէս տուն մը՝ որ երկրաշար-
 ժի մը ցնցումով կը կործանի ինքն իր վրայ ու կը թա-
 ղէ ամէն դուռ ու պատուհան: Ա՛հ թէ կարենայի եղե-
 րերդել քեզի հառաչը որ կը թուչի հագաղէս եւ լացը
 զոր կուլամ, երբ կը յիշեմ որ հեռակայ էակ մըն ես
 այժմ դու ինծ համար եւ ինծ տրուած չէ վերստին լսել
 ձայնդ՝ ուր քաղցրանուագ երաժշտութեան մը խազերը
 կը թթուային, եւ գեռներդ՝ որոնց հրաժեշտը
 մինակ թողուց զիս, միս մինակ՝ խոհերուս հետ ու ցա-
 ւերուս: Ա՛հ թէ տրուէր ինծ անդամ մըն ալ նայիլ աշ-
 քերուդ, սղմել ձեռներդ, ունկնդըրել ձայնիդ: Ո՛րքան
 աղաչեցի, պաղատեցայ բաղդին որ գէթ երազներուս
 մէջ այցելէիր ինծի ու պատրանքը տայիր ժպտող աշ-
 քերուդ, թրթուացող ձայնիդ եւ երգող, կայտոող, հըր-

գեհող ձեռներուդ։ Խսած էի ու հաւտացած թէ բաղ-
ձացուած էակներ այցի կուգան երազի մէջ։ Սո՞ւտ է,
սո՞ւտ։ Այս քանի՛ գիշեր է որ պատկերդ աչքիս մէջ կը
քնեմ ու դուն խոյս կուտաս երազներէս։ Ի՞նչ տանջանք
է այս, Աստուած իմ, ի՞նչ տանջանք, որ երազն իսկ
կը զլացուի հոգիին։ Ինչքա՛ն բաներ պիտի ըսէի քեզի,
ինչքա՛ն բաներ, եթէ միայն գիշեր մը երանաւէտէիր
երազներս ու թոյլ տայիր որ շրթներս պատմէին ամ-
բողջ խոռվքս ու այն անհրապոյը առաւօտներն ու վեր-
ջալոյսները՝ որոնք կ'երկարին հա՛ կ'երկարին . . .։ Մի-
նա՞կ եմ, մի՞ս մինակ՝ արցունքներուս հետ ու մահա-
բաղձիկ տենչերուս։ Սիրտս՝ բանտարկեալ թուչունի մը
հանգոյն՝ իր երկաթեայ որմերուն կը բախի, ու ինծի
այնպէս կուգայ թէ ժպառող արշալոյս մը պիտի չողջու-
նէ զիս երբէք։ Յաւիտենապէս իրմէ անբաժան ցաւերով
ծանրաբեռնուած հոգիս՝ գործատան մէջ յոդնող, պար-
տասող մանուկներուն հանգոյն՝ կարօտն ունի ա՛խ կա-
րօտը գորովոտ նայուածքի մը, եւ սփոփարար, սիրա-
լիր զոյգ մը բառի։ Եկո՛ւր, եկո՛ւր ինծի այնպէս, ինչ-
պէս գտայ քեզ այն գիշեր, երազկոտ որպէս բանաս-
տեղծը, ու խորհրդաւոր որպէս գիշերը Վոսփորի վը-
րայ։ Եկո՛ւր, հոգիս բաղձանքն ունի աչքերուդ, ու
աղուո՞ր, աղուո՞ր, աղուո՞ր ձեռքերուդ . . . Սիրտս քեզ
կը կանչէ ա՛յնքան անձկաւ ինչքան անձկաւ կեանքին
կը կանչեն պատերազմի դաշտին վրայ վիրաւոր հազա-
րաւոր, տասնեակ հազարաւոր զինուորները . . .։ Ի
զո՞ւր կը պաղատիմ սակայն ես։ Սիրտս նոյն վանդակն
է թափուր, ուրկէ նոյեմբերի առաւօտով մը խոյս տը-
ւին թուչունները։ Մօրս պատկերն իսկ՝ որ ա՛յնքան հա-
ճելի էր ինձ, դալկացա՛ւ, շիջա՛ւ աչքերուս . ո՛վ գի-
տէ թերեւս անոր յիշատակն իսկ աղօտանայ տակաւ, եւ
դառնայ ա՛յնքան նուազկոտ, ինչքան երազի մէջ լըս-
ուած երդ մը անձանօթ։ Անցեալի բոլոր քաղցր օրերուս
արձագանդը շիջաւ աւա՛ղ, ինչպէս կը շիջանին թափա-

ոիկ ժողովուրդին դաշտին կուշոը վառած գիշերային
բոլոր խարոյկները։ Ի՞նչ անօրինակ ուժ է քուկինդ, ո՞ր
այսպէս կ'ամայացնէ սիրտս իր բոլոր յիշատակներէն։
Սէ՞րն է արդեօք որ այսպէս դող կը հանէ հոգիս։ Առա-
ջին անդամն է որ կնոջ մը աչքերը, այլ մանաւանդ ձեռ-
քերը, խենթ կ'ընեն զիս այսպէս ու ծառաստանէ ծա-
ռաստան եւ լճակէ լճակ թափառիլ կուտան ինծի, վե-
րըստին քեզի հանդիպելու, քեզ ողջունելու փափաքով։
Ա՛հ թէ դայիր անդամ մը ու փարատէիր լքումը՝ որ ա-
հա կը ծանրանայ, կը ծանրանայ, ու կապարի պէս կը
ձնչէ հոգիս . . .։

1917

ՎԵՐՋԱԼՈՅԱ

Անոր որ զիս տեսնելուն՝ հառա-
չեց, ու գորշահեր գլխուս վրայ մար-
գարտէ իր արցունիները քափեց:

Վերջալոյաը իր տժգոյն ցոլքերն է սփոեր աչքե-
րուս խորը եւ զերեզմանը մահուան իր բողբոջներն է
փթթեցուցեր գլուխիս վրայ, ու մազերս, տեսէ՛ք,
ճերմակ են ներկուեր, ճեփ ճերմակ, ինչպէս կ'ըլլան
կատարները լեռնակուտակ ալիքներուն՝ զոր վայրադ
փոթորիկը կը յուղէ, կ'ուռեցնէ ծովուն անդունդնե-
րէն:

Վերջալոյան է փոռեր գլուխիս վրայ, ու մազերուս
մէջ ձիւն է մաղուեր... երիտասարդ տարիներուս բե-
ռան տակ քամակս է ծուեր ու վազահաս ծերութիւնը՝
հեղնական ժպիտը դէմքին՝ զիս կը ծաղրէ: Ժամանակի
ուժգին հոսանքը կը քչէ, կը վարէ զիս անխափան ու
շուրջիններս ամէն՝ ճերմակ մազերուս կ'ուղղեն իրենց
զարմացական նայուածքները: Ո՞վ պիտի ուղէր թուել
մոլեղին փոթորիկները՝ որոնց կուրծք տալ ջանացած
է սա զաղփաղիուն կազմուածքս, ու տակաւ առ տա-
կաւ գէպի անդունդն հակած է...: Ե՞րբ էր այն, Աստ-
ուա՛ծ իմ, որ աչքերէս ներս կրակը կը չողար ու երակ-
ներուս մէջ արիւնը եռ կուգար: Այս քանի՛ տարի է,
ըսէի՛ք, քանի՛ տարի, որ սիրտս մոռցեր է գարունը եւ
ձմբան հետ ու ձմբան մէջ տակաւ առ տակաւ կը սա-
ռի...: Ա՛հ, թէ բերէիք ինծի ճայն մը մտերմիկ, որ
եղբայրօրէն եւ կամ քոյրօրէն մրմնջէր ականջիս թէ
«երիտասարդական կորովդ տեղն է տակաւին, եւ նայ-

ուածքներդ կը սպահեն իրենց կարթող հրապոյրը»: Ո՞վ
երազ ցնորական...: Աշունի հովը անցաւ սիրոյս պու-
րակին մէջէն, եւ ծառ ու ծաղիկ թօշնեցան անոր խամ-
րող շունչին տակ: Ե՞րբ էր որ արշալոյաին հետ ու ար-
շալոյսին համար կը խայտայի...: Այս ի՞նչ տաղնա-
պակի վերջալոյս է որ կ'ընդգրկէ բովանդակ էութիւնս:
Երէկի հաճոյքներս մեռան առ յաւէտ, մորթս թաղեց
իր թարմութիւնը, եւ մազերս, սեփ սեւ, եփենոսի պէս
սեւ մազերս աւելի քան գործի մօտեցող դոյնով պատե-
ցան: Վերջալոյսին հետ լքումը եկաւ ծանրանալ հո-
գիս վրայ, ու արցունքներուս մէջէն մահն իր տեսիլը
պարզեց վայրագ խրախմանքով մը: Յոյսերս են որ
կ'անհետին ահա միանգամայն ու դէմքիս խորշոմները
կ'աճին, կը բազմանան, ու իրենց անհամար ծալքերը
կը տարածեն մինչեւ սրտիս խորերը: Վաղը՝ երիտա-
սարդ, խանդակառ օրերուս իղձերովն ու երազներովը
լցուն փակ ու խորհրդասքող գիրքը չէ այլեւս: Անի-
մաստ տարակոյաներ, անհարկի կասկածներ, անտեղի
մտատանջութիւններ, վախվխուկ նախարդչութիւններ
հսկայատիպ տառերով կը ցցուին անոր ամէն մէկ է-
ջին վրայ: Արեւին յետին ցոլքերն իսկ կը մարին կար-
ծես, ու ընդնշմարուող խաւարին մէջ՝ յոզնած եւ ու-
ժասպառ՝ զետին իյնալու կը մօտիմ: Վերջալոյսն է
փոռուեր սրտիս վրայ...: Վաղաթարչամ ծաղիկներու
հանգոյն թառամող հաճոյքներուս յիշատակը շիրմաս-
տանին մէջ վայող բուին նման կ'եղերեղիք, ու մեռ-
նող երիտասարդութեանս տեսիլը՝ յարութիւն առած՝
կը յաճախէ զանկս: Բերէ՛ք, բերէ՛ք ինծի իմ երիտա-
սարդութեանս տարիները, ո՞վ սուրբեր ու սրբուհիներ
երկնքի ու երկրի, բերէ՛ք ինծի այն խանդակառ տարի-
ները՝ երբ ամէն կերք տենդ մըն էր ու ամէն իղձ՝ ա-
րեւով ու լուսինով ողողուն...: Սա վերջին քանի մը
տարիներուն մէջ ի՞նչ հսկայ այլակերպութիւն այտե-
րուս վրայ՝ ուր դաշկութիւնը նստաւ, եւ հոգույս վը-

բայ՝ ուրկէ ներս արեւին նշոյլը դժուար թէ թափանցէ
ա՛լ . . . : Բայց ի՞նչքան կ'ուզէի երիտասարդանալ, կ'ու-
զէի վերագտնել աւիւնս, կ'ուզէի որ աչքերուս մէջ բո-
ցը վառէր ու փողոցներուն մէջ, ու դահլիճներուն մէջ,
ու պարասրահներուն մէջ ու ամենուրեք ուր երկրի հը-
րեշտակները կը ժպտին, ես իմ նուաճումներս ընէի առ-
ջի պէս . անոնք իրենց սիրազեղ նայուածքներն ուղղէին
ինձի ու ես հրճուէի, հրճուէի, ինչպէս չեմ հրճուած
երրեք, անոնք իրենց շուշան ձեռները մօտեցնէին շըրթ-
ներուս, ու ես՝ ջերմին ծոցը նետուած՝ յուղումէս ու
սարսուռէս խայտայի . . . : Ո՞վ պատրանք փայփայելի . . .
մինչ վերջալոյն է պատեր զիս, եւ անսահման խաւա-
րը՝ երկաթեայ կափարիչի մը պէս, ծանր այլ սոսոյդ,
կ'իջնէ սրտիս վրայ անմիսիթար :

1917

ԱՐԶԱԿ ԷԶԵԲ

ՄԵԴԱՇ

Դիցուհի այն քաղաքին՝ զոր լիե-
ցի նահանջի օրերուն

ՄԵՂԱՇ

Գաղտնի՝ ինչպէս գողը գիշերին մէջ, փութկոտ՝
ինչպէս այծեամը իր կեանքին սպառնացող որսորդնե-
րուն առջեւէն, գողնիղող՝ ինչպէս ոճրագործը զինքն
հետապնդող ոստիկանի ներկայութենէն, այնպէ՛ս լքե-
ցի ես զքեղ ու վախայ...

ՄԵՂԱՇ

Բոցերուն մէջ ու բոցերուն հետ մոխրացող տունե-
րուդ ահաւորութիւնը կսկիծի եւ ո'չ մէկ գիծ փոթեց
այտերուս վրայ ու սրտիս խոր. ամայացած փողոցնե-
րուդ վիշտը չի լացի ես երբէք. դուռներուդ վրայ ու
պատուհաններէդ ներս, կայծակին պէս հարուածող
հաղար հազարաւոր կացիններու զարկերը չիջան հո-
գիիս. ծերերուն լացը, մանուկներուն ճիշն ու հիւանդ-
ներուն աղաղակը չզօրեցին արթնցնել մէջս գթութեան
ողին. հրաժեշտի բառեր չայրեցին չրթներս. ակնարկս
իսկ վերջին անգամ ըլլալով գէթ, չի յածեցաւ չուրջդ.
գեղեցկութիւնդ պղծելու եւ վառքդ անշքացնելու ե-
կող կատաղի վոհմակին ընդդէմ մոլուցքի եւ ոչ մէկ
արտայայտութիւն իմ կողմէս, այսպէ՞ս լքեցի ես ըդ-
քեզ:

ՄԵՂԱՇ

ի՞նչքան երախտամոռ եղայ քեզի հանդէպ. ի՞նչ-
քան չուտ մոռցայ այգիներդ՝ որոնց թաւիչ կանան-
չութիւններուն խորը հոգիս իր եղբայրութիւնն էր գըր-

կեր զբքին ու գրականութեան, դաշտերդ՝ որո՞նք ա-
մենօրեայ իմ յոդնած ուղեղիս բարի կաղդոյրին էին բե-
րել իրենց. լեռներդ՝ որոնց ծոցին մէջ հանդչող վան-
քերու միստիքականութիւնն էի ծծեր, վերասլացիկ
ինչպէս խորհուրդը աշխարհամերժ հոգիին. առուներդ՝
որոնց շուրջը աճող ուռիներն ու բարտիները իրենց զով
շոյանքն էին մատուցեր ամառէն հրատապ ճակատիս.
դպրոցներդ՝ ուր վաղուայ սերունդներ մտքի իրենց
մարդանքն էին հեղեր, ու լուսինդ, ու արեւդ, ու բա-
ցաստաններդ, ու ծովդ ու հորիզոնդ ու անուշ անամպ
երկինքդ, ու հողդ ու հողիդ զաւակները մանաւանդ...
Մեղա՛յ...

Ի՞նչպէս անտես ըրի ես գաղափարական այն երի-
տասարդութիւնը՝ որ գաւառի մը յետամնաց մէկ ան-
կիւնին խորը, գորիներու մէջէն, ժայռերու ծոցէն, ա-
նապատային աւազուտքէն ծլեր էր ու աճեր, տերեւ ու
ծաղիկ էր զգեցեր, աննենդ՝ ինչպէս ժպիտը մանուկին,
մաքուր՝ ինչպէս կայծակն ամպերուն, ծառացող ընդ-
դէմ անարդ բունութեան, ընդունակ ամէն կարգի զո-
հի ու զոհարերութեան, անաչառ՝ ինչպէս խարազանը
մեծանուն Յիսուսի, եւ ուժեղ՝ ինչպէս վոթորիկը, որ
կ'աղմկէ ծովուն ընդերքը:

Մեղա՛յ...

Ի՞նչ տաքուկ մթնոլորտ էր ստեղծուած շուրջու՝
ուր շունչ կ'առնէի ես. միեւնոյն խոչալին բոցովը վառ-
ուած հոգիներ համախմբութիւններու ամենէն նոռիրա-
կանն էին կերտեր, անուշ՝ ինչպէս դինին անապակ, ու
անմանկ՝ ինչպէս նայուածքը աղաւնիին. կեանքին մէջ
կ'ընէին իրդը հուրքոտ, ու անդայտ գլացումներ թիո
կ'ընէին ի լուր ողեւորիկ քերթուածներու, փափուկ որ-
պէս թաւիչ, գիւթիչ որպէս արեւածագը ծովերու ծո-
ցէն:

Մեղա՛յ...

Արիւնարբու ոսոխներու զոհամակի մը կլափիներէն

խլուած պատառ մը կեանքին համար, այս ի՞նչքան ու-
րացումներ նուիրական աւանդներու: Ու մտածել թէ՝
խլուած այդ կեանքը գեղերումներու շարան մըն է հի-
մա, որ մութ անդունդին կը նայի. թունոտ նայուածք-
ներ, եսամոլ ձգտումներ, վանողական մթնոլորտ մը
կատարեալ, ուր սրտին վրայ ու հոգիին՝ նիւթին իշ-
խանութիւնն է փոռուեր. ո՞ւհ, ո՞վ պիտի տար ինձի նա-
հապետական մեր գաւառին մէջ իմ հանդարտիկ ան-
կիւնս՝ ուր ես, նիւթին տիրապետութենէն յաւէտ
կիւնս՝ ուր ես, նիւթին տիրապետութենէն յաւէտ
զերծ, իտշալի իմ վերացումներս ապրէի նորէն...

Բայց կը տեսնեմ ահա, որ ջուրը ցամքեր է առու-
ներուդ մէջ ու ծառներուդ ճիւղերէն եղեամն է կախ-
ուեր, աւերակներուդ վրայ բուերը կը վայեն ու ոճ-
բագրծներու սուրը, համայնատարած սովին հետ,
դեռ մինչեւ այսօր, հարազատներուդ վզին կ'երկարի:

Քու բարի երկինքներէդ՝ ուր լուսինը սառեր է հի-
մայ ու արեւը լերդացած արիւններով խաւարեր, օրհ-
ոնութիւնը՝ չի ծներ ա'լ անձրեւներուն հետ: Փիրուն հո-
ղուածները բուռ մը փոշիի մէջ լուծուեր են ու տարրա-
զուկները բուռ մը փոշիի մէջ լուծուեր են ու տարրա-
զուկները: Հոն չի կանգնիր ա'լ շայլեան հսկաներու ճակա-
ցեր: Հոն չի կայլանիր ա'լ կայլակ առ կայլակ կ'իջ-
տը խրոխտ՝ որոնց քրտինքը՝ կայլակ առ կայլակ կ'իջ-
տը խրոխտ՝ որոնց քրտինքը՝ կայլակ առ կայլակ եր-
նար մարգարտանալ բունծերուն վրայ: Արտոյտի եր-
նար մարգարտանալ բունծերուն վրայ: Կայլակ ա'յնքան հանդապատանք
զին հետ լուեր է և արօրինը՝ որ ա'յնքան խանդապատանք
կը գնէր մշակին մէջ հողին հանդէպ, եղին հանդէպ ու
կը գնէր մշակին մէջ հողին եղին հոգիի եղիօր մը
գոմշուկներուն՝ որոնց ընտանութիւնը հոգիի եղիօր մը
նման քաղցր էր անոր: Ծալ ծալ ծածանող զմբիստագոյն
հանդապատանք զին հանդէպ ամայութիւնն է որ կը
հասկերուդ տեղ անսահման ամայութիւնն է որ կը
փոռուի հիմայ: գիներուկներդ ու կակաջներդ անյոյս
գոմշուկներուդ հետ կը մեռնին եւ ուժիդ մարտիկնե-
արշալոյսներուդ հետ կափառ այսերուն ան-
րը հեռաւոր հորիզոններու տակ իրենց այտերուն ան-
ովոր դալկութիւններովը կը հիւծին:

Բարօրութիւնը իր անսահման գերեզմանին մէջ դեռ

կը ննջէ՝ աչքերը փակ. մինչ հողիդ զաւակը, հողին ու հօտին կարօտը սրտին, կ'սպասէ որ խաղաղութեան արշալոյսը ծագի գահերէն ու ժանդն անհետի խովին ու արօրէն... ա՛խ, ո՞վ պիտի հնչեցնէր գահակալներու սրտին ծանրացող շիրմաքարերուն յարութեան մը փողը, որպէսպի խաւարը թաղուէր գամբաններուն խորը ու տառապանքը մեռնէր գիշերին հետ:

Ո՞վ գիտէ, գուցէ վաղը նորէն թնդան ալէլուները գմբէթներէդ ներս, գուցէ մանուկներուն մոմէ շուրթները նոնանան վերստին, գուցէ մայրերուն ծիծերէն կաթը նորէն հոսի ուղիսորէն, եւ հովիւը սրինդը բերնին՝ հովերուդ տայ նորէն իր երգը սարին ու սարեակին. ու ես, որ այժմ հոգիիս թեւերովը միայն կը թըռիմ հորիզոններուդ, գուցէ վաղը վերջնականապէս դամ փշրել պանդուխտի այս գաւազանս քու խնկելի դուռներուդ առջեւ, ո՞վ պատմական քաղաք Հայաստանի, որուն բգասուած, յօշոտուած բարի մօր մը չարչարագին ստուերին յաճախանքը այժմ կը տագնապեցընէ զիս ա՛յսպէս: Եւ որպէս զի դարձու ալ դաղտադողի ու ամօթապարտ չըլլայ երթիս պէս, ահա ծունկերս գետնին ու բաղուկներս խաչանիշ կը դոչեմ Մեղա՛յ...:

1916

— 112 —

ՏԱՐԻ ՄԸ ԴԵՊԻ ԵՏ

Տարի մը դէպի ետ...

Ու ազատութեան այս չքնազ ափերէն, ուր կեանքը գետի մը պէս կը յորդի, եւ ուր մարդկութեան խիղճն ու արդարութիւնը չեն խաչուիր այնպէս պիղծ, ինչպէս Տաճկաստան կոչուող անսահման գոփհին մէջ, կարօտը սրտիս ես նորէն կը վերապրիմ խանդավառութեան եւ յոյսի, կուուի ու ուղմի այն աղուոր վայրկեանները, որ Մայիսի վարդերուն հետ, կանանչաղըւարթ այգիներուն մէջ ծնցուցին հերոս երիտասարդները Վասպուրականի...

Տարի մը դէպի ետ...

Ու Հայութեան փառքն է, որ ալիք առ ալիք կը բարձրանայ Այգեստանի փողոցներուն մէջ, ուր ապաստանի քաղաքի մը նման, իրենց չունչն են առեր մօտաւոր գաւառացիներէն մինչեւ հեռաւորները. ու Պիթլիսէն ու Սղերդէն ու Մուշէն զինուորական փախստականներու մէջ, ու վայրկեանէ վայրկեան կ'սպասեն այն վճռական բոպէին, որ պիտի գայ վերջ մը դնելու իրենց անորոշ կացութեան, եւ ուր անոնք պատեհութիւնը պիտի ունենան ցուցնելու թուրքին՝ հրաշագործ այն յանդնութիւնը, զոր երբէք չպիտի յայտնագործէին ընդդէմ անոր թշնամիներուն:

Տարի մը դէպի ետ...

Ու ակնթարթի մը մէջ ազգին սպառնացող ընդհանուր վտանգին առջեւ, բնազդաբար մէկդի կը ձգուին ազգայնական վէճերն ու կուսակցական խտրութիւնները, եւ թունդ յեղափոխականէն մինչեւ ամենայետին

պահանողականը, զսպանակէ մղուածի պէս, ոտքի կ'ելլէ յանկարծ ու սահմանուած դիրքերը կը փութայ:

Տարի մը դէպի ետ...

Ու կոխն է որ կը պայթի ահեղ, մըրկակուտակ ու շանթարձակ....

Ու հայկական պատմութիւնը իր ամենախառաւոր շրջանն է որ կ'ասլրի. քառորդ դարու մը ազատագրական շարժումը Հայկեան արժանի յաջորդներու նոր սերունդ մըն է աճեցուցեր մայրենի հողին վրայ, եւ այդ սերունդը՝ ստրկական բոլոր շղթաները քանդելով, սխրագործութիւններու էն վսեմով կ'անմահացնէ ժողովուրդը:

Յարդա՞նք ձեղ, քա՞ջ հերոսներ, որ դիրքերուն առջեւ, անպատճար խրամներուն մէջ, անընդմիջական համաղարկներու տեղատարափին տակ, գիշերներ լուսցուցիք: Ի՞նչ անձրեւներ էին, որ կը ծեծէին ձեր քամակը ու կը թափանցէին մինչեւ ծուծը ձեր ոսկորներուն. ու դուք, թաց հողին վրայ, ցեխերուն մէջ, դիմագրութեան հսկայ պայքարն էր որ կը մզէիք դեռ, անդանդատ կրելով նաեւ բնութեան արհաւելիքը, որ կրնար տկարացնել ձեր մարմինը, ու իսպառ անընդունակ դարձնել ձեղ, կատարելու կոռուի ձեր ուխտը:

Յարդա՞նք ձեղ, անվեհե՞ր մարտիկներ, որ թնդանօթներու ու շրափնէլներու հարուածներով քանդուած փուլ եկած դիրքերուն ներքնայարկներուն մէջ գիտցաք պահել տակաւին մարտի եռանդը, որուն վրայ ոչ միայն հայրենակիցն էր որ հիացաւ, այլեւ օտարը, այլեւ եւրոպացին, այլեւ Ամերիկացին, այլեւ նոյնիսկ թշնամին:

Յարդա՞նք ձեղ, հաւատարիմ պահակներ, որ քուն չճանչցաք գիշերներն ամբողջ, մինչեւ որ կարմրեցան ձեր աչքերը, ու անդիմաղքերի յողնութիւնը ծանրացաւ ձեր արտեւանունքներուն վրայ:

Յարդա՞նք ձեղ, հնարամիտ երիտասարդներ, որ

առանց գործիքի ու գործարանի վամփուշտ չինեցիք, որ աշտանակներէն թնդանօթ ձուլեցիք, որ լնդերկըրեայ ուղիներով դիրքեր քանդեցիք, եւ որ զինուորներով լեցուն տուներն հրդեհեցիք:

Յարդա՞նք քեղ, համե՛ստ Պուլկարացի, մաքուր յեղափոխական, աննե՛նդ հոգի, ծածկուած հանձար, որ անտեսանելի ճամբաներով, ուումբի մը օժանդակութեամբը օդը հանեցիր այն քարաշէն զօրանոցը, որ հայկական թաղերու սրախն մէջ, յաւիտենական սպառնալիքի մը պէս կը բարձրանար: Օ՛, օրուան խանդավառութիւնը ժողովուրդին, երբ այդ զօրանոցին մոխրացած կոյտերուն շուրջը, հայ նուազախումբը խրախնանքի իր տօնը կ'եղանակէր, աննկատ այն անհամար գնդակներուն, որոնք կը պարպուէին թօփրաք Քալէի բարձունքներէն եւ Սեւ Գըռայի կողերէն: Ի՞նչ հրաշք էր այն, Աստուած իմ: Մահաբոյը ու մահահրաւէր այդ մթնոլորտին մէջ կեանքն էր որ կեռար, կենդանութիւնն էր որ կը տիրապետէր: Յաղթելու կամքը՝ անսահման ուժի մը նման կը թեւածէր Հայութեան վերեւ, յորմէ հետէ տասնեակ հազարաւոր ոսկիներու գընովն ու տարիներու աշխատութեամբը կանգնեցուած այդ սպառնական ամրութիւնը, քանի մը ժամուան մէջ կ'ոչնչանար յանկարծ, եւ Այդեստանի հայկական բոլոր դիրքերուն մէջ յարաբերական ազատ կապ կ'ստեղծը:

Յարդա՞նք ձեղ, մատաղ պատգամարերներ, որ մանուկի ձեր հասակին մէջ, վայրկեանին լրջութեանը գիտակ, գիրքէ գիրք կը փութաք նամակներ փոխադրելու, աւետիսներ հաղորդելու, յաղթանակներ ծանուցանելու համար:

Յարդա՞նք ձեղ, անձնուէր քոյլեր, որ կոռուղներուն մօտիկ՝ խրախոյսի ձեր երգը կ'երդէք. որ քայլերանքի ձեր ժպիտը կը մատուցանէք, որ ձեր փա-

միունկ մատներով վիրակապ կը սկսած բառէք ու վէրքեր կը դարձանէք:

Յարդգա՞ններ ձեզ, անվեհեր ոսազմիկներ, որ պաշար-
ման կը բակի շղթան կը կտրէք գաղտագողի, կը սողաք,
կը քալէք, կը վաղէք ու փառաւոր յաղթանակներու ա-
նակնեալ աւետիսներ կը բերէք քաղաքամէջի արի կը ո-
ւողներէն:

Յարդա՞նք ձեղ, մատա՞լ հոգիներ, որ Համուտա-
ղի զօրանոցէն գոռացող թնդանօթները կը հեղնէք, ու
բաց դաշտին մէջ, հողը փորելով, կը քաշէք, կը հանէք
հոն խրող ոմբապատեանները: Օ՛, ցասումը, որով կը
կատղին անոնք, երբ թնդանօթները ձեղի կը շտկեն, ու
կը դիտեն որ ոռումքին իյնալէն վերջ, նորէն պատնէնե-
րէն դուրս կ'ելնէք դուք, ու անխոռվ վնասութեալ ձեր
դործը կը շարունակէք:

Յարդա՞նք ձեղ, կտրի՞մ զեկավարներ, որ Շուշանցի ու Վարագի դրաւումէն վերջն ալ, երբ պաշարման շլթան կը նեղնար հետղհետէ, ու վտանգը սրտին կըսպառնար չետակի, երբ տիրութեան ամպ մը կը փոթորկէր խաղաղ հոգիները, եւ յոյսը, ժամանակի մը համար, տեղի կուտար լքումին, դուք, ձեր վերջնական յաղթանակին վրայ վստահ, ձեր պահարին գործունէութեամբ ժողովուրդը կ'ոգեւորէիք:

Յարդա՞նք ձեր յիշատակին, կոռւի ուխտաւորներ,
որ ուղմատենչիկ մղումներէ տարրուած՝ ձեր վերջին
վայրկեաններուն իսկ, վառողի գովեքն ըրիք ձեր շուր-
ջիններուն, ու գոհունակ ժպիտով մը վակեցիք ձեր աշ-
քերը:

Suph is pu qu uq h is m . . .

Ու ցուրտ առաւօտով մը, թուրք դաղթականներով լեցուն նաւերը կը մեկնին Վասպուրականի եզերքներէն. ի՞նչ փոյթ թէ ծովը կատղած է այսօր, ու հովնանանպաստ. ի՞նչ փոյթ թէ ալիքները կրնան խորտակել գանոնք խութերուն վրայ: Ո՞ւհ, հայ կամաւորին պա-

տուհասող ձեռքը կը մտրակէ զիրենք Բերկրի Գալէն .
պէտք է յաւիտենապէս լքել այն վայրերը , որ Հայաս-
տանի կնիքովն են դրոշմուած :

Ու օրհասի իր վերջին նոսպաներուն մէջ, յուսահատութենէն ջղայնացած, դիւայնոտ, խելագար ողի մը խենդ ու խելառ հրամաններ կ'արձակէ, ու շոափնէլներ՝ առանց աջ ու աճեակ նայելու՝ կը պայթին անդէն թաղերուն գլխուն: Տիրող այդ սարսափին մէջ, սակայն, յոյսն է, որ կը թեւածէ, աղուոր նախազգացում մը երջանկութեան վարդեր կը ցանէ մեռնիլ գիտցող, բայց յաւէտ ասլրիլ որոշող այդ ժողովուրդին սրտին մէջ... ու թրքական թաղերը կ'ամայանան ամբողջովին, եւ հայ հերոսներու ձեռքով յառաջացած համայնածափ հրդեհ մը մոխրակոյտերու կը վերածէ բորենիներու որչերը, ուր Զարիքը թուիս կը նստէր, ու Եղեռնը մարմին կը հագնէր:

Յարգա՞նք քեզ, սարերու պէս տոկուն ժողովուրդ,
որ այսօր, ինծի նման, անցեալին յիշատակները կը վե-
րասպրիս օտար հորիզոններու տակ, ու կը դառնաս
բախտին դէմ, որ իր քմահաճ մէկ կարդադրութեամբը
հեռացուց քեզ հայրենի ափերէդ: Գիտեմ, բազուկներդ
կը մաշին անգործութենէն, գաղթականի անունը՝ նա-
խատինքի մը պէս երեսիդ կը նետուի ու ամէն անգամ
որ գործ պաղատիս, անոնք հաց կուտան քեզի, եաթա-
ղանին տեղ համաձարակը կը հնձէ որդիներդ, հիւանդ-
ներդ անտէր, անտիրական կը հիւծին անխնամ, մեռել-
ներ ունիս, որ դադար չունին, գերեզմաններ ունիս,
ուր լազող չկայ:

կ'հ , այս ալ կեանքն է . . .
Վշտին հանդէպ տածած քու արհամարհանքդ , սա-
կայն , պիտի ապրեցնէ քեզ , գիտե՛մ . ու անմար տեսի-
լը՝ չքնաղ իրականութեան մը սահմաններէն ներս , քեզ
նորէն պիտի փոխադրէ պապենական երկիրը , ուր ամէն
գիրք փառքի յիշատակ մը ունի կապուած իր անուան :

ԱԻԵՐԱԿՈՅՏ

Դաշտերուն մէջ, ուր ցորենին ոսկեհասկերը իրենց զիւթանքը պիտի պտտցնէին, մեռելային տժդունութիւն մը իր խոռվը կը հեւայ հիմայ: Փայտահատին կացինը՝ տիրող մը գուրգուրոտ խնամքէն յաւէտ զուրկ՝ լքուած է կոճղին առընթեր. բահը կոտրեր է պարտէղին մէջ, ու տնակն աւեր՝ ամայութեան մը սարսափը կը ծանրացնէ շուրջի իրերուն վրայ. խոփն ու արօրը՝ անակօս բունծերուն վրայ թողուած, անարդաւանդ, ամուլ արտօրաններու սեւութիւնը կը սղան. ու զինուորներն են որ չարան չարան կ'անցնին ճամբաներու երկայնքէն. տաներն անոնց յոդնած են քալելէն. իրենց համար անսովոր ցաւ մը գրկած է մէջքերնին. փոշեթաւալ արահետներու ու գոփհապատ ճահիճներու մէջ կը կքին անոնց ծունկերը, ու դիակներու կոյտերը կը խտանան, կը բրդանան, մինչ կ'անօսրի իրենց շարքը...:

Ի՞նչ օգուտ ծափն ու ծիծաղը մարդոց՝ որոնք թափօր առ թափօր, զէնքերու շողիւնէն խելայել՝ կեցցէներ կ'ուղղէին հայրենիքին ու բանակին կեանքին. ո՞վ պիտի գտնէր այդ թափօրին մէջ զինուորադրուած որդիներու մայր մը՝ որ արցունք մը չունենար իր աչքին խորը, ու անձքի բառ մը՝ սեղմած իր կոկորդին մէջ, պատերազմին ու անոր՝ հայրենիքին բերելիք բոլոր վառքին հակընդդէմ, ո՞վ պիտի գտնէր հոն նրբազգաց սիրու մը՝ որ սիրուածէն բաժնուելու մրմուռը սրտին՝ նողկանքով լսած չըլլար ձայնը շեփորին՝ որ այսպէս, մարդիկը, կամազուրկ ոչխարներու հանդոյն, սպանդանոց կ'առաջնորդէր. ո՞վ պիտի գտնէր հոն համա-

մարդկային բարախումներով խանդավառ հոդի մը՝ որ դէպի գերեզման քալող այս ուժեղ կազմուածքներուն ի տես, սիրու ընէր ծափ տալու ու ճառերով կաքաւելու...:

Ո՞վ մեծագոյն կեղծիքը մտքի հսկայ տիտաններուն, որոնց մօտ զգացումը կիրք մըն է դեռ, ու կամքը՝ աղուոր խաղալիք մը հայրենասիրական բառերու խօլ քմայքին ձեռքը: Ո՞վ հեղնանքը մարդկային խորախորհուրդ օրէնքներուն՝ որոնք կը դատապարտեն ոճիրը՝ ու կ'արդարացնեն ոճիրներու ոճիրը: Գարնան մը կանանչութեամբը վառ տերեւներ, մէկ օրէն միւսը աչնան մը գեղնութեամբը կ'իշնան խմբովին ու խլուած սպատառ մը հողին համար կ'երջանկանայ համայնքը. ո՞վ յիմարութիւնը ամբոխային տրամաբանութեան, որ կ'անդիտանայ իսկական աղէտը ու կը հրձուի մանկան մը խարուած հաճոյքովը:

Ո՞ւր էր որ յաղթանակներով խանդավառ այդ հոգիներուն առջեւ բացուէին յանկարծ գերեզմանները՝ ուր կը դիմէն զինուորներն ամէն րոպէ, ու անմիջական, ստոյդ մահուան մը սարսափը չոքէր անոնց ամէնուն ալ կուրծքին. ու տեսնէի՛ք, քանինե՛ր յաղթանակի գափինին կոխոտելով ետ, իրենց նախկին վիճակին պիտի ուզէին փութալ: Ո՞վ պիտի ուզէր ըսել անոնց պատերազմը մեծագոյն չարիքն է, եւ փառքը աղուոր պղպջակ մը՝ որ վայրկեան մը յետոյ, անտեսանելի ոլորտներու մէջ, իր գոյազրկումը կ'աշխարէ:

Ու ի՞նչ է չքանչանը պատերազմիկի կուրծքին. հսկայ ցուցանակ մը չարագոյն սխրագործութիւններու՝ որոնց աղէտին տակ հեծեցին անանուն բաղադուրիներ: Ի՞նչ կ'ըլլար որ չքանչաններու շողիւնին մէջէն մարդիկ կարենային տեսնել անդամ մը ճմլուածդանկերը բազմահամար զոհերու, որոնց ուրուականները կը յածին խաւարին մէջ:

Բայց կենդանի մնացողներու լէգէոն մը կայ տա-

կաւին, պատմելու համար աշխարհի՝ աւերակոյտին
բովանդակ սարսափները.— վառօղէն այրուած, աւ-
րըւած դիմագծեր, գնդակներէ կուրացած աչքեր, թըն-
դանօթներէ ջախջախուած սրունքներ, կիսուած ծնոտ-
ներ, փշրուած ակռաներ, անձեռն էակներ, խելակո-
րոյս գանկեր ու լացողներ, լացողներ, լացողներ.—
թշուառներու կարաւան մը՝ որ գեռ կեանքին կառչած,
կը ջանայ քարշ տալ իր գոյութիւնը հանդրուանէ հան-
դըրուան:

Ո՞ւհ, այս ի՞նչ գայլ է մարդը՝ որ բնութեան կեր-
տած գեղեցկութիւնները կը խաթարէ, կը քայքայէ
այսպէս: ինչո՞ւ ակնկալել ուրեմն որ բարեշրջման
օրէնքը գեղեցկացնէ օր մը ամէնն ալ, երբ մեծադոյն,
սրբազնացած ոճիրը մեր գուռներուն մօտ է միշտ ալ,
ու կ'սպասէ, ու կը պահանջէ որ հասարակ խաւի ան-
հատներ չի գիտնան երբէք ինչպէսն ու ինչո՞ւն, այլ
կամազուրկ համակերպութեամբ մը ընեն ինչ որ կը
հրամայուի իրենց ու... մեռնին իշխանին համար, գա-
հին համար, գահակալին համար....:

1916

ՀԱՅՐԵՆԻՔԻՆ ԵՐԱԶԸ

Երկար բացակայութենէ մը յետոյ առաջին անդա-
մըն է որ ոտքս կը դնեմ հայրենի հողիս վրայ: Տարի-
ները իրարու ետեւէ եկեր սահեր են անոր հորիզոնէն,
ու բան մը իսկ փոխած չեն ընդհանուր համայնապատ-
կերէն: Նոյն ժառերը, որոնց գագաթը երկինքին կը
մօտենայ, կը շրջափակեն դեռ գիւղը, ու անոնց կա-
տարը թառող կուլուին Քարը՝ նոյն սպառնական դիր-
քովը իր տեղն է տակաւին: Օ՛, ժայռաքարի այդ հըս-
կայ զանդուածը, որ կարծես անհաստատ հիմի մը վը-
րայ զետեղուած, մէկ կողմին կը հակի, ու այնպէս կը
ցուցնէ գիտողին թէ ահա հիմա, թէ ահա քիչ յետոյ
սկիտի սահի, ու թաւալլուր սկիտի գայ փշելու գիւղին.
կոկիկ տուները, որ ժայռերուն ծոցն են նետուեր: Աւ
սարսափը կը մեծնայ երեւակայութեանդ մէջ, ու քունդ
կը խանդարուի նոյն գիշեր:

Բայց արեւը օրեր ու օրեր իր շրջանը կ'ընէ, ու
սպառնական այն քարը, իր թեք դիրքին մէջ հաստատ,
կը հեղնէ մարդուն սարսափը: Այսպէս է բնութիւնը.
հազարապատիկ աւելի հաստատ քան սերունդները, ո-
րոնք կուգան, կը խորհին, կը կերտեն, կը սարսափին,
ու քարէն ու ժայռէն, ու ջուրէն ու գերեզմանոցէն ի-
րենց յօրինած հաւատալիքներն ու աւանդավէպերը
մէկզմէկու փոխանցելով կ'երթան յաւիտենապէս նիր-
հելու անդէնին գողը:

Բնութեան սահմանուած մահու վախճանը ապրող,
չնչող, զգացող էակինն է աւելի քան դարերու շրջանը
հեղնող ժայռերունը, ուր ուրուրը բոյն կը դնէ, ու քա-
րայծը, որսորդէն հալածական, աղատումի իր ոստում-
ները կ'ընէ:

Սարսափի զգացումը չէ, որ կը պաշարէ դիս այսօր
սակայն, երբ առաջին անդամ ըլլալով հայրենիքիս օդը
կը չնչեմ նորէն։ Գիտնայի՛ք, ինչքա՞ն բան դրած եմ
չարաձնի մանկութենէս այդ ժայռերուն ծոցը, ուր կա-
քաւն իր հաւաքիթները կ'ածէր, եւ ուր վայրի թուղերը
կ'ողկուղուէին փունջ առ փունջ։

Որո՞ւ ինչին պէտք գպրոցը, երբ սարը ձմբան իր
սառնակոյտերէն մերկացած, տաքուկ արեւի մը ճառա-
գայթներովը վերակենդանացեր, թուղ ու թթուկիչ է
հագեր։ Ու ինծի այնպէս կուղայ որ հիմա, իմ նախկին
ընկերներուս հետ միասին, այն ժայռերուն վերելքը
կ'ընեմ վերստին։ Նախ, անոնց ծերպերուն մէջ կերտը-
ւած բոյներէն թռչունի հաւաքիթներ կը խլեմ, ու յե-
տոյ, թուղիչ թուղի թռչուելով՝ սեւցած, կակուղցած,
լսպիկ եղած թուղերը կը քաղեմ ու զանոնք գլխարկիս
մէջ կ'ամփոփեմ, մինչեւ որ անիկա լեցուի լաւ մը։
Գրպաններս թթուկիչներով ծոցուորած են արդէն։
Պէտք է վերադառնալ այլեւս։

Սարահարթերուն վրայ ոստումներ կ'ընենք, պըդ-
տիկ բարձրութիւններէն վար կը ցատկենք, ցից քարե-
րէն կը քեշնուինք, ոտքի տեղ տուող՝ կածաններէն ա-
զատ կը յառաջանանք, ու յանկարծ ինքինքնիս կը
դտնենք լարծուն, սեպ բարձրութեան մը վերեւ, որ
սարսափ կ'ազդէ ինծի։ ընկերներս, ինձմէ աւելի ճար-
պիկ, ոտքերնին դնելու տեղ մը կը գտնեն ու անվնաս
վար կ'իջնեն անկէ։ Ես կը մնամ ամենէն վերջը։ Ոտ-
նամաններս կը հանեմ վար կը նետեմ ու փորձ մը կ'ը-
նեմ իջնելու։ Ոտքերս կը գողան սակայն, սիրտս
կը տրոփէ, մահուան երկիւղը կը կաշկանդէ դիս ուժ-
գընօրէն։ հաղիւ քայլ մը առած՝ ետ կը դառնամ։ Ըն-
կերներս կ'աղաղակեն, կը պաղատին, կը քաջաւերեն,
վերստին փորձելու հրաւէր կը կարդան։ — անօդուտ։
Անոնցմէ ամենէն ճարպիկը քովս կուղայ նորէն, կը
բռնէ ձեռքէս ու առջեւս կ'իյնայ։ Ընկերներս՝ ա'լ զայ-

բացած, կը սկսին այսպանել վախկոտութիւնս, ինչ որ
պատւոյս կը դպի այս անդամ ու ես ամէն վտանդ աչքո-
առած, վախով վախվիսալով, դողալով դողդղալով, ա-
րիւն քրտինք մտած, ամէն ճիգ ի գործ կը դնեմ, ու
քանի մը վայրկեան վերջ, ես ալ ինքզինքս կը դտնեմ
մահէն աղատ ընկերներուս մօտ։ Կ'երդնում ես ինծի որ
անդամ մըն ալ չենեմ այդ սարերը. աղու երդում, սա-
կայն, որ օր մը միայն կը տեւէ։ Ու երբ ծունկերուս
դողը կը փարատի, ամէնքս մէկ բարակ ու երկայն խո-
տի մը դալար չիւղերուն վրայ մեր հաւաքած թուղերը
շարոց ընկելով՝ կը քալենք յաղթական, սպասելով որ
գեղի աղջիկները հիանան մեր վրայ ու զան թուղ ու
թթուկիչ իննդրելու մեզմէ, ու մենք... զլանանք ա-
նոնց...։ Ատիկա մեր լաւագոյն հրձուանքն էր այն ա-
տեն։ նուազ կնամեծար ըլլալնում համար արդեօք թէ
ցանկայարոյց բոցին գինովութիւնը զգացած չըլլալ-
նուս համար տակաւին։ ո՞վ գիտէ...։

Ու ահա եփրատի ափին, գիւղին հանդիսակաց-
կողմը, Տարտարոս ժայռերու ոտքը կառուցուած Աստ-
ուածամար վանքին կոչնակն է, որ կը զօղանջէ, եւ ո-
րուն արձագանդ կուտան չրջապատի սարերը։ Օ՛չ,
ի՞նչ յիշատակներ կ'արթնան յանկարծ մտքիս մէջ,
հայրենի գիւղակին հմայքը աւելի եւս կ'ուռճանայ, ու
ես քայլերս գէպի այն կողմը կ'ուղղեմ։ Կ'անցնիմ գիւղն-
ու վանքը իրարու միացնող փայտեայ ճամբուն վրա-
յէն, ու կը դիմեմ որ նոյն խարխուլ կամուրջն է այն
գեռ։ թեթեւ ոտքերուս տակն անդամ կ'երերայ անիկա։
բայց չեմ վախնար, պղտիկուց վարժուած եմ ատոր։
Որչա՛փ անդամներ տեսած եմ ես որ նախիրներու մէկ-
ըզմէկ հրմշակելով անցած ատեննին, անիկա կախօր-
րանի մը պէս գացեր եկեր է օդին մէջ, ջուրին մէջ։ ջու-
րին վրայ է ծոեր, բայց նորէն իր գիրքն է առեր։ 93ի
եւ 96ի քրտական կրկնակ խուժանները իրենց թալա-
նած բեռներով ու բեռնակիրներով, անհամար ծանրու-

թեամբ մը, անոր վրայէն ըրին իրենց անցքը, ու անիկա հակառակ մեր բաղձանքներուն, ու հակառակ իր ա'յնքան գեղեւկոտ երերակումներուն՝ փուլ չեկաւ, չչոքեցաւ ջուրի կրծքին: Այսօ՞ր, ինծի՞ համար, իմ թեթեւ ոտքերուտ տա՞կ փուլ պիտի դայ անի: Այդ անշունչ իրն ալ դիտակցութիւն չունի՞ արդեօք, չզգա՞ր որ ես կարօտն ունիմ իրեն, ու անսահման հաճոյքով մըն է, որ կ'ողջունեմ զինքն այսօր. անդիտակից, անխորհուրդ, մեքենական անցքը չէ իմինս այս անդամ. իրմէ թելադրական բան մը, անառուն ինչ մը կայ հոգիիս թափանցած, ու ես վստահ եմ որ անիկա չդաւեր ինծի:

Կամուրջին մէջտեղն եմ ահա, ու անզուսպ կարօտով մը կը դիտեմ Եփրատը, որ իմ մանկութիւնս է օքրօքեր, եւ որուն հոսանքին յանձնուած քէլէկներ կուգան, կ'անցնին կեցած տեղիս տակէն: Պղտիկ մանուկներ, իրենց հասակին տասնապատիկը խորութիւն ունեցող այդ գետին մէջ լոգանք կ'ընեն անհոգ... կը սուլզուին, կ'ելնեն, թեւերնին կը շարժեն, ոտքերնին կը զարնեն, պորտի վրայ կուգան, կը կանչեն, կը խընդան, կ'երդեն, կը հայհոյեն, ափին կը մօտենան, գուրս կ'ելնեն, ցուրտէն ակուներնին իրար կը ծեծեն ու արեւէն կրակ կտրած աւազին մէջ մարմիննին քիչ մը տաքցնելէ յետոյ ափին մօտ ցցուող պղտիկ բարձրութենէ մը վար, ջուրին մէջ կը նետուին նորէն, մինչեւ որ յոզնին լաւ մը, ու էնթարինին կոնակնուն քաշած, երթան ընկողմանիլ պարտէզի խղիկներուն մէջ:

Վարը, Բռապատէն անդին, Խուլենց պաղային դէմը, կ'ասլրի գեռ նոյն Զըռողանը, ուր գետը կը խայտայ, կ'ոստնու, կը փրփրի, կը ջրվէժի, ու բարձրատայ, կ'ասլրի գեռ նոյն Զըռողանը, ուր ինծի հայրէնակից, Բինկեանցի ճարտար լուղութեանը, գափին միւս ափին է անցեր:

Իրա՞ւ այսքան ուժ կայ պահուած հայրենի հողին իւրաքանչիւր նշանքին մէջ, հապա թէ չէ, ինչո՞ւ ես ուղղէի քայլերս դէպի վանքը, որ ոչինչ ունի հոյակապ: Առանց այդ ուժին ի՞նչպէս բացատրել իմ այն տաքուկ զգացումներս, որ կ'եղբայրացնէին զիս տաճարն հովանաւորող ծառերուն, զանոնք ջրող առուներուն եւ անոնց շուրջ թուչտող ծիծառներուն հետ: Իմիններուս հետն էի հիմա ու բոլոր գիւղացիները եղբայրներս էին այլեւս. ամենէն աննշան անձն իսկ, զոր կը տեսնէի, կը յուղէր զիս, ու ես կը գորովուէի իրմով. անոնց ամէնուն վրայէն տեսակ մը քաղցրութիւն կը ծորէր, որ կը ծաւալէր ու կը լեցնէր միջոցը: Քոյրերուս եղանակած երգերուն բրդումները կը վերացնէին զիս, ու վերի կալերը, կենսավառ երիտասարդներու կերուկումին ընկերացող տավուլ-գուտնան տեսակ մը անբացատրելի հմայք կ'աղդէր ինծի: Առհասարակ երաժշտական նըրբին գործիներու եւ եղանակներու վարժուած ականջս, հիմա անհամեմատօքէն աւելի հաճոյք կը զգար պապենական այս գոռ նուագէն, զոր օրօրոցէս էի լսած:

Այսօր բոլոր ուժովս կ'ըմբոցինեմ այս վայելքները, թէեւ գիտեմ որ վաղը պիտի ձանձրանամ անոնցմէ ու վերստին քաղաքին խճողուած, ճոխ, շպարուն կեանքը փնտուեմ: Այսպէս ենք մենք, մարդիկս. ներկայէն դժգոհ, անցեալին ընդնշմարուած վայելքները կը փնտունք միշտ: Քաղաքէն գիւղ ու գիւղէն քաղաքը մեր վաղքը դժուար թէ յոզնեցնէ մեղ. ա'յնքան զօրաւոր է անցեալին հմայքը: Ապագան, իր անորոշութեանը մէջ, կ'ահաբեկէ մեղ, ու ներկան, շատ անզամ, տխուր վայրկեաններ ապրիլ կուտայ մեղի: Որքա՞ն յաճախ մարդ կը տխրի յանկարծ, ու անորակելի մնչումի մը տակ կ'զգայ ինքղինքը. յայտնի եւ ոչ մէկ պատճառ կուգայ թեթեւցնելու գանկը փոթորկող խորհուրդները, որ թաքուն այդ տիւրութեանը հետ կը խորունկան, կը ծաւալին, կ'ընդլայնին:

Մօտէդ աննշմար անցնող մուրակցիկները, ինկածները, գինովները, բաղզազուրկները, ծեծուած անասունները, անցեալին մէջ ականատեսուած սարսուազդեցիկ տեսարանի մը աղօտ մէկ նկարը, ասոնք ամէնը կը յուզեն ու անզգալարար կը տանին քեզ տիւրութեան մը, դոր ի զուր կը ջանաս փարատել: Կամքէդ անկախ, կամքէդ վեր, կամքիդ իշխող եսն է անի, եսէդ վեր եսը, որ գոյութիւն ունի, եւ որ սակայն, անուն չունի գուցէ: Անիկա կուզայ ինծի առանց իմ հրաւէրիս ու կը գերէ զիս ո՛րքան որ ուզէ: ու երբ որ ազատ թողու զիս, ես նորէն կ'սկսիմ վայելել շրջապատիս իրերը, որոնց մանկութիւնս է կապուեր, եւ որոնց ամէն մէկ մասնիկը այսօր չունչ ու հոգի զգեցած՝ կը հաղորդակցի ինծի հետ:

Աղբիւրը, պարտէզը, փողոցը, մեղուանոցը, ամէն բան կը խօսին այսօր հոգիիս, ու ես երջանիկ եմ որ հայրենի գիւղակիս մէջ իմիններուս չունչը կը ծըծէմ . . . :

Բայց ահա աղդովին մեր վերեւ պտուտկող կօշմարը նորէն կը չոքի մեր կուրծքին. տարիներ ու տարիներ, մեր քունը խանգարող թալանին, հրդեհին ու կոտորածին գերեվարող մղձաւանջը կը հալածէ մեղ վերստին. . . Գնդակները կը սուլին, թնդանօթները կը գոռան ու խուժանը վայրագ ու մուեզին, կ'ոռնայ փողոցներուն մէջ ու տուններէն ներս: Պոռալ կ'ուզեմ ու չեմ կրնար, վազել կը ջանամ ու ուներս տեղէն չեն երերար: Գտնուած վայրս անորոշութիւն մը կը դառնայ այլեւս, ու չեշտակի ինձ սպառնացող գնդակին առջեւէն յանկարծ ինքինքս կը դանեմ հսկայ բարձրութեան մը դադաթը, որմէ վար կը նետեմ ես զիս, ու այն պահուն, որ ոտներս ապահով՝ դեմնին պիտի դպին, աչքերս կը բանամ մէկէն, ու ինքինքս կը դանեմ անկողնիս մէջ, ահաքրտնած ու ջղայնոտ:

Ու երջանկութեան ժպիտին տեղ — որ պէտք էր

ուռեցնէր սիրտս գիտակցելով որ երազի մը անդունէր միայն ապրածս, մինչ ապահով կը ննջէի — անսահման տիսրութիւն մը մթագնեց հոգիս: Երազէս վերջ կը պարզուէր երեւակայականը, որ իրականութեան բոլոր տարբեր գժբախտաբար կը կրէր իր մէջ անկասկած: Թարթիչներս չփակուեցան այլեւս այն գիշեր ու չէն հայրենիքիս փոխան մեծցաւ, խոչորցաւ Աւերակը, ուր բուերը կը վայեն ու չնադայլերը կ'ոռնան հիմայ:

Տուններէն դուրս, փողոցներուն մէջ թափուած կը տեսնեմ բոլոր իմ եղբայրներս, որոնց հոգիին կապուածէ հոգիս մանկութենէս: Անոնցմէ ամենէն աւելի արուատեսինները խումբ խումբ կապուելով բանտերու եւ կամ Շախենց Զորի հեղեղատներուն մէջ կը կացինահարուին անինայ . . . :

Աւելի մատաղներն ու խիստ տարէցներն ալ Օվաճըգի Քիւրտերուն նշանառութեան առարկան կը դառնան:

Բորենիններուն վոհմակը կամուրջին վրայէն գետը կը նետէ մայրերս, ու անոնց մահուան դէմ ըրած կատաղի, անօդուտ ոգորումներէն անպատում հըրձուանք մը կը զգայ, մինչեւ որ յոգնին անոնց բազուկները, ու ալիքներուն խաղալիք, անշունչ ու անկենդան, գետափը քշուին:

Քոյրերս կը բոնադատուին քալել կիզիչ արեւուն տակ մինչեւ վատառողջ անապատները Տէրէլ-Զորի, ուր, տեսէ՞ք, կը մահանան անոնք օր օրի պատառ մը չոր հացի երազը իրենց կուրծքին:

Վարդի պէս մատղուկ մանկիկները, քալելէն յոդնած, ու անօթութենէն նուազ՝ կը մեռնին, կը մեռնին, կը մեռնին ճամբաններուն եղերքը պուտիկ մը ջուրի կարօտը քաշելով:

Ուշ, ո՞վ պիտի ուսուցանէր ինծի համայնանուէր զոհութեան այն դասը, որ խեղամահ մայրերս, կացինահար եղբայրներս, բոնաբարուած քոյրերս ու հո-

գիիս սովամահ բեկորները ուղեցին, ուղեցին որ շե-
փորուէր բոլոր Հայութեան:

Ու առաւօտուն, երբ որ արեւը սենեակէս ներս թա-
փանցեց, ոստումով մը ոտքի կանգնեցայ, մինչ հոգիս
յուղող արցունքները դեռ կը կայլակուէին աչքերուս
մէջ:

Գութէ՞ս արդեօք, թէ ամօթէս էր որ այսպէս կու-
լայի պզտիկ տղու մը պէս: Չեմ դիտեք: Բայց կը կար-
ծեմ որ երկուքէն ալ էր այն ապահովաբար:

1916

ԶԱՆԳԱԿԱՆԵՐ

Զանգակները նորէն հնչեցին երէկ գիշեր, ու ա-
նոնց հնչիւնին մէջ ես լսեցի վաղնջական, հին եղանա-
կը երէկի մանկութեան՝ որ դեռ նոր թեւ կ'առնէր պա-
պենական երդիքիս տակ: Ե՞րբ էր այն, Աստուա՛ծ իմ,
որ գիշերի ցուրտ լուսութեան մէջ միասնաբար կը հնչէին
կոչնակն ու զանգակը հայրենի եկեղեցին ու անոնց
կոչնակն ու զանգակը հայրենի եկեղեցին ու անոնց
համար երդիքէ երդիք ու պատուհանէ պատուհան ար-
ձագանգելով մարդկութեան կը բերէր մե՛ծ, մեծա-
գո՛յն աւետիսը: Ո՞վ անդիտակից, երջանիկ հաւատքը
մանկունակ հոգիին. ո՞վ կենսայորդ, կենսանորող
խնծիզը տարակոյսներէ զերծ ջերմեռանդութեան: Ո՞ւր
էք վաղնջական, մտերմիկ զանգակներ՝ երբ անշուք ե-
կեղեցիներու տանիքներէն ձեր հոգեթով, սրտադրաւ
եղանակը կը յանձնէիք հովերուն, երբ երիտասարդ ու
ձեր թունդ կ'ելնէին ձեր զանգիւններովը, երբ ձեր մե-
լամազձիկ, տիրանուշ դաշներդութեամբը սրբազնա-
գոյն խորհուրդներով կ'օծէիք անտառ ու ձոր, լեռ ու
գոյն խորհուրդներով կ'օծէիք անտառ ու ձոր, լեռ ու
ըլուր, երբ ձեր քաղցրագոյն մեղեղիներով ի բաց կը
վանէիք անսուրբ խորհուրդներ, ու մարդկութիւնը
տաճարի սեմէն ներս՝ վսեմին, վսեմագոյնին պակու-
ցումովը կը սարսուար:

Ո՞ւր էք վաղնջակա՞ն, մտերմիկ զանգակներ, երբ
արշալոյսէն խոկ առաջ կը հնչէիք, ու խածնող բուքին,
ու կճող ցուրտին մէջէն, հաւատացեալք՝ լապտեր ի
ու կճող ցուրտին մէջէն, հաւատացեալք՝ լապտեր ի
ու կճող ցուրտին մէջէն: Ո՞վ լուսութիւն խորհրդաւոր ու գաղտնալի: Ո՞վ
չելին: Ո՞վ լուսութիւն խորհրդաւոր ու գաղտնալի: Ո՞վ
անձառելի հեշտանք առաւօտեան, երբ հոգիս պիտի ու-
ղէր իմել, ծծել այն սարսուով՝ զոր կեանքը, կենսու-
նակութիւնը կը հեղու երակներէն ներս:

Ո՞ւր էք վաղնջակա՞ն, մտերմիկ զանգակներ, երբ
արեւելքէն մինչեւ արեւմուտք, ու հիւսիսէն մինչեւ
հարաւ հոգիները խաղաղութեամբ կը լեցնէիք, ու ուր-
տերուն մէջ կը մեռցնէիք ամէն քէն ու ոխ, հեռ ու ա-
տելութիւն, երբ կեանքին պայքարը կը մեղմէիք ու
տառապակոծ սղաւորները անմէկնելի, անըրունելի
միխթարութեան մը երանութեամբը կը պարութէիք:
Ա՛հ թէ հնչէիք վաղնջական, մտերմիկ զանգակներ, ու
ամբողջ տարին թշուառութեան մէջ հեծող հոգիներ
օ՞ր մը, պահ մը դէ՞թ, երանութեան ժպիտը վայելէին:
Հնչէիք վաղնջական, մտերմիկ զանգակներ, ու վայ-
րիկ մը դէթ գութին արծարծումը զգային իրենց շուրջ
տարին ամբողջ չոր հաց կըծող մատաղ հոգիներ: Հըն-
չէիք վաղնջական մտերմիկ զանգակներ, ու այլասի-
րութեան հուրը, բոսկ մը դէթ, հրդեհէր ճոխութեամբ
յլվացող մեծատուններուն սրտերը: Ա՛հ թէ հնչէիք
վաղնջական մտերմիկ զանգակներ, ու հաւատքը վե-
րածաղիէր, ու ջերմեասանդութիւնը ծաւալէր ու սիր-
տը յորդէր սիրով ու խնձիզով:

Այժմ կը հնչէք տխո՞ւր, տխո՞ւր զանդակներ ու ձեր զօղանջը կը յիշեցնէ ինծի պատահութիւնս որ անցաւ, ու երիտասարդութիւնս որ կ'անցնի ահա ա'յնքան արագ ու սրարշաւ։ Ո՞վ պլտի տար ինծի մանկութեանս տարիները՝ երբ ամէն իղձ տենտ մըն էր, ու ամէն յոյս՝ իրականութիւն մը։ Ո՞վ պլտի տար ինծի առոյդ զարկը սրտիս՝ ուր կեանքը կոկոնի պէս կը փթթէր, եւ հոգին՝ զինք շրջապատող երազներէն արբշու՝ բոյր ու թոյր կը դանէր ամէն իրի վրայ։ Կը հնչէք տխո՞ւր, տխո՞ւր զանդակներ ու ձեր զօղանջը կը փրսայ ինծի թէ խորշակը կը թարշամնցնէ ծաղկիները. ու երազները՝ փայտայուած, սիրուած երազները, կը թառուին անէութեան ծողը՝ ուրիէ չեն յաններ ա'յ:

Կը հնչէք տիսո՞ւր տիսո՞ւր զանգակներ, ու ժամանակը կը հոլովի անդադար, տարիներ տարիներու կը

յաջորդեն ու աւերներ աւերներու . օրելը կը հեղինեն
մեր երանութիւններն ու տիրութիւնները . ո՞վ երա-
նութիւնը տղայ հասակին , երբ օրօրոցն յաւիտենու-
թեան մը չափ հետի է գերեզմանին , ու մարդս
անդէտ՝ թէ կեանքին , ծնունդին առաջին վայրկեանն
իսկ գուշկանն է մահուան : Կը հնչէք տիսուր տիսուր
զանդակիներ , ու սա րոպէին խալ , երբ թուղթին կը
յանձնեմ ձևը զօղանջը , ես կը տեսնեմ զագաղներ , ան-
ժամանակ , կանխահասս զագաղներ՝ զոր գերեզման կ'ի-
ջեցնեն մեռելաթաղներ , եւ աչքեր՝ որոնք կուլա՞ն կու-
լա՞ն անոնց ետեւն :

Հնչեցէք տիսո՞ւր տիսո՞ւր զանդակներ, երբ հայ-
րենի օձախներն են քանդուած ու հատիկ հատիկ կան-
դուններուն շուրջն ալ աթոռնե՞ր, աթոռնե՞ր կան թա-
փուր մարդը կ'անցնի ստուերի հանդոյն, անոր անունն
իսկ չի ճանչնար զի՞նքը, ու յիշատակը — եթէ իսկ փա-
ռաւիր — կը թաղուի դարերու խաւերուն տակ:

պայսու — զը լուսուր է ի դեմք առաջ գույն կատարել ու
չնչեցէ՛ք վաղնջական, մատելմիկ զանգակներ, ու
վաղուայ երանութեան խնծիղը գէթ բերէք մեղի: Մեր
հոգիները, ասլիելու համար, պէտք ունին պատրանքնե-
րու: Հաւասարեցէք մեղի թէ մեր սիրելիները՝ որ աչքեր-
նին բաց մեռան մեզմէ հեռու, մեր համբոյրին ծարա-
ւի, կ'ապասեն ողջագուրել մեղ անծանօթին գիրկը՝ ուր
նետեղ դիրենք ճակատապիրը:

Հնացեցէ՛ք մտերմիկ, վաղնջական զանգակներ ու ա-
ւետեցէք թէ յոյսը ահա կը վերսափթթի ու ընդհանրա-
կան քանդումին վերեւ կը ճառագայթէ մեր իղձերուն ու
հաւատքին յաւերժացման հրաշավառ արեւը:

ԳԵՂՕՆ Ի ՓԱՌՍ ՅԱՐՈՒՅԵԱԼ ՀԱՅԱՍՏԱՆԻ

Փա՛ռք քեղի, փա՛ռք քու հրաշավառ յարութեանդ, Երկի՛ր Հայաստան, ուր հպարտօրէն ու վէսօրէն իր պանծալի գլուխը մինչեւ ամպերը ցցող Մասիսի գաղաթին, Սիւնեաց աշխարհի բարձրաբերձ լեռներու կատարներուն, բանաստեղծներու ներշնչարան Արաքսի ափերուն, Սեւանայ պատմական լճի եղերքներուն, ու Երեւանի, ու Աղէքսանդրապոլի, ու Վաղարշապատի, ու այլ հարիւրաւոր, հաղարաւոր դիւզերու ու քաղաքներու չէնքերուն, վանքերուն ու տաճարներուն, կրթական ու մարտական կեղրոններուն վրայ Աղատութեան Դրօշը կը ծփայ, Դրօշը Աղատութեան, ուրու սիրոյն հաղարաւոր, հարիւր հաղարաւոր անհատներ զոհեցին իրենց ինչքը, իրենց արիւնը, իրենց կեանքը: Փա՛ռք քեղի, փա՛ռք Յարութեանդ՝ Աղատութեանը Դրօշակին, որ աշխարհի չորս ծաղերուն կը պարզէ իր թեւերը, որ արշալոյախին ցողը կը ծծէ, եւ վերջալոյախին մեռնիլը կը դիտէ անխոռվ, որ հովերուն հետ կը խաղայ եւ արեւին հետ կ'եղբայրանայ, ու անոր պէս ու անոր չափ կը տաքցնէ, կը կենդանացնէ սրտերը, ու կը հաշճէ, կը խանդավառէ տարիներով սեփական հայրենիքի մը կարօտը քաշող բոլոր հոգիները անխոտիր:

Փա՛ռք քեղի, փա՛ռք քու ամենազօր կարողութեանը, Աշխա՛րհ Հայաստան, որ հսկայի մը տիտանիան կորովովը ցունց տուիր զքեղ տանջող, զքեղ պրկող շղթային, եւ անօրինակ ուժգնութեամբ մը քանդեցիր, փշրեցիր անոր Երկաթեայ օղակները եւ դիցավայել փառահեղութեամբ մը ոսքի կանդնեցար, վսեմ որպէս

առաջին պահը արշալոյաի, եւ չքնաղ ինչպէս երազը մեր մանկութեան:

Ո՞վ բերկրութիւնը սարերու վրայ, ձորերու խորը, անապատի կիզիչ աւազներուն մէջ անտէր անտիրական թափառողներուն, անհիւրընկալ ափերու վրայ նժղեհի իրենց կեանքը քարչ տուող տարագիր, պանդուխտ հոգիներուն՝ որոնց աչքերը մեծ Տեսիլին են յառած՝ եւ որոնք հող մը ունին այժմ «իրենց»ը ըսեւլու, անով հրձուելու, անով խանդավառուելու, անով երջանկանալու:

Փա՛ռք քեղի, փա՛ռք քու անհուն տառապանքիդ, հսկայ ճիգերուդ, անսպառ կորովիդ, պանծալի աւերակներուդ՝ առ որ գունդագունդ կը դիմեն որդիներդ աշխարհի չորս ծաղերէն, ու մոխիրներու տակէն, ըստուերներու ծոցէն, աղջամուղջին խորերէն լոյս աշխարհ կը հանեն «Երկիր Դրախտավայր»: Փա՛ռք քեղի, փա՛ռք քու տանջահար, սովալուկ որդիներուդ՝ որոնք քաղցի գալարումներուն մէջն իսկ վեհագոյն իտէալին քաղցի գալարումներուն մէջն իսկ վեհագոյն իտէալին տեսիլովը հրձուեցան, անով սնան, անով մեծցան, անով ածեցան, եւ վերջնական, փառապանծ յաղթանակին ի խնդիր արխացան, կտրիճցան, պայծառացան: Անձառելի ի՞նչ յանդգնութիւն, մարտական ի՞նչ կորովէր այն՝ զոր ցոյց տուին հողէդ իրենց սնունդը առնող անթիւ, անհամար դիցազներ՝ որոնց անօրինակ արիութիւնը գլեց անցաւ պատմական ու դիցարանական ամէն սահման, մագլեցաւ, բարձրացաւ անձնազոհութեան վերին կատարները, զինովցաւ զնդակներու սուլումէն, հեղնեց մահուան «կարմիր ծիծաղ»ը եւ ի սուլումէն, հեղնեց մահուան «կարմիր ծիծաղ»ը եւ ի գործ գրաւ քաջագործութեան այնպիսի աննախընթաց, աննման արարքներ՝ որոնք փառքով ու պատուով կը նքեցին աղդային պատմութեան կենդանի էջերը: Յոյշեցին պատմութեան կենդանի էջերը: Յոյշեցի օրուան ծաղելուն չէ որ կ'սպասեն այժմ սի, հաւատքի օրուան ծաղելուն չէ որ կ'սպասեն այժմ մեր աչքերը: իրականացած տեսիլին մէջ հաւատքը կը թաղուի այլեւս: Փառաց ի փառս վերանալու, յաղթա-

նակէ յաղթանակ ընթանալու, սահմաններդ ընդարձա-
կելու, ծաւալելու նշուլագեղ ու պատկառազդու տեսի-
լին են յառած այժմ մեր ականողիքը, այնտեղ դքեղ
ողջունելու ու քու տկնապարար շուքովդ շանալու...:
Փա՛ռք քեղի Աշխա՛րհ Արարատեան, փա՛ռք քու
անդերուդ ու անդաստաններուդ, դաշտերուդ ու դաշ-
տավայրերուդ, ուր ոճիրը իր կարմիր հունձքը ըրաւ եւ
անսահման ամայութեան մը տակ թաղեց անոնց յուռթի
կուրծքը: Փա՛ռք բոլոր անոնց — ծեր, Երիտասարդ
կամ մանուկ — որոնք՝ թշնամիին հուրէն ու սուրէն
հալածական՝ ինկան անժամանակ ու մնացին անթաղ
ու անշիրիմ: Փա՛ռք բոլոր անոնց որ դեռ մինչեւ այ-
սօր ալ, սովոր ուրուականէն հալածական, կ'իյնան քաղ-
ոցին կլափին մէջ ու հոն կը փակին իրենց աչքերը, նը-
ցին կլափին մէջ ու հոն կը փակին իրենց աչքերը, նը-
ցին կլափին մէջ ու հոն կը փակին իրենց աչքերը
հայրենիքը՝ որ ոչինչն մարմին առած ծաղկեցուց իր
դոյտութիւնը եւ բարի մօր մը խանդաղատանքովը գուր-
դուրաց իրենց վրայ, ու լացաւ, լացաւ իրենց թշուա-
ռութիւնը: Փա՛ռք բոլոր անոնց որ աքսորի ճամբանե-
րուն վրայ, տարագրի անապատներուն մէջ, դաղթա-
րուն վրայ, կանրային դթութեան կարօմ՝
կանի վրաններուն տակ, հանրային դթութեան կարօմ՝
օտարին հացը կ'ուտեն ու կուլ կուտան նախատինքի ի-
րենց աղի արտասուքը, փա՛ռք, փա՛ռք այն ամենուն՝
ըենց աղի կարեկցութեամբ իրենց Երկարած ձեռքին մէջ ո-
որոնք կարեկցութեամբ իրենց Երկարած ձեռքին մէջ ո-
որոնք կարեկցութեան ծանր թաթը զգալով կը տագնապին, կը
զորմութեան յաւէտ, այլ իրենց սրտին, հոդիին, աչքե-
տագնապին յաւէտ, այլ իրենց սրտին, հոդիին, աչքե-
րուն խորը, չքնաղաղոյն աստղի մը հանգոյն, պայծա-
ռացած կը տեսնեն Հայաստանը, մայր ամէն բարեաց
ու օրհնութեան:

Փա՛ռք քեղի Աշխարհ Հայաստան, որ ահա ձեռ-
ներդ պարզած հրաւէր կը կարդաս հեռաւոր որդինե-
րուդ՝ որոնք ցարական ու սուլթանական բոռունցքէն ա-
հարեկ՝ փախ տուին դէսլի հիւրընկալ ափեր եւ արմատ
նետեցին հոն: Փա՛ռք քու հրաւէրիուդ, փա՛ռք քու

դիր, քու ջուրիդ, քու սար ու ձորիդ, ուր հովուին սը-
րինդն իր բերկանքը կը թորէ եւ մշակին երդն իր
ձաղանդը կը դանէ: Քու բարի երկինքներուդ տակ հայ
նահապետական օմախը՝ անլրդով՝ իր ծուխը կ'ամսէ
երդիքներուն վրայ: Սարսափ, կոտորած, արիւն, անց-
եալինն են ա'լ, ու մարդոց դէմքերուն վրայ թախիծի
տեղ ժպիաը կը թառի:

Փա՛ռք քեղի, փա՛ռք քու Անկախութեանդ, փա՛ռք
քու Հրաշավառ Յարութեանդ, Մա՛յր Հայաստան: Քու
որդիներդ՝ իբրեւ ազատ քաղաքացիներ՝ խաղաղու-
թեամբ կ'ապրին, ու անխոռով կը փակին իրենց աչքերը
քու հողիդ վրայ՝ որ իրենց սրբութիւնն եւ օծութիւնն
է միանդամայն:

1919

ՀՀ Ազգային գրադարան



NL0313291

20800